



2871

PRO ECCLESIA LEGIONENSI
EJUSQUE DIÆCESI,
PROPRIA SANCTORUM
OFFICIA

à Sacra Rituum Congregatione diligenter recognita,

ET A CLEMENTE VIII PONT. MAX. APPROBATA.



Expensis ejusdem Ecclesie.

MATRITI:
EX TYPOGRAPHIA MICHAELIS DE BURGOS.
1830.

PROCEEDINGS OF THE

LEGISLATIVE COUNCIL

OF THE PROVINCE OF ONTARIO

DECEMBER

OF THE YEAR 1891

BY A. CLEGG, VII. FORT ST. ALBERTA

PRINTED BY THE GOVERNMENT OF ONTARIO

AT THE GOVERNMENT PRINTING OFFICE

TORONTO, 1891

BY THE GOVERNMENT OF ONTARIO

AT THE GOVERNMENT PRINTING OFFICE

TORONTO, 1891

BY THE GOVERNMENT OF ONTARIO

AT THE GOVERNMENT PRINTING OFFICE

TORONTO, 1891

NOS DON MANUEL FERNANDEZ VARELA, Arcediano de Madrid, dignidad de la Santa Iglesia Catedral de Toledo, primada de las Españas, Caballero Gran Cruz de la Real distinguida Orden Española de Carlos III, Individuo nato de la Real Junta de la Inmaculada Concepcion, y Juez exactor y Colector General de las pensiones consignadas á la misma Orden, del Consejo de S. M., su Predicador y Comisario Apostólico General de las tres gracias de Cruzada, Subsidio y Escusado en todos los Reinos y Señoríos de S. M. C., Juez privativo del Nuevo Rezado, su impresion, tasa, venta y distribucion, &c.

Por cuanto, y en virtud de nuestro mandato de treinta y uno de agosto del año próximo pasado, se ha reimpresso en la imprenta de don Miguel de Burgos, á instancia del V. Dean y Cabildo de la Santa Iglesia Catedral de Leon, el cuaderno de los Santos propios de aquella diócesis: por certificacion del P. Juan Cayetano Losada de la Virgen del Carmen, corrector nombrado, su fecha en el Colegio de las Escuelas Pías de san Fernando de esta corte á quince de abril pasado de este año, consta hallarse en todo conforme al que ha servido de original; y por otra de Fr. Antonio Manzanares, Administrador general del Nuevo Rezado en esta corte por el Real Monasterio de san Lorenzo del Escorial, se acredita haberse satisfecho la regalía que corresponde en virtud de Bulas Pontificias y Cédulas Reales á dicho Real Monasterio. Por tanto, usando en esta parte de nuestras facultades,

damos licencia al V. Dean y Cabildo de la Santa Iglesia Catedral de Leon, para que pueda vender y venda al Clero de aquella diócesis al precio de seis reales vellon cada ejemplar del cuaderno de los Santos propios de aquel obispado, que de nuestra orden se ha reimpresso en la imprenta de Burgos. Y mandamos que esta nuestra licencia se ponga al principio de cada ejemplar, y que ningun impresor, librero, ni otra persona le pueda imprimir, ni reimprimir, pena de doscientos ducados aplicados para santos fines de Cruzada. Dado en Madrid á treinta de junio de mil ochocientos treinta.

D. Manuel Fernandez Varela.

Por mandado de S. E.

Antonio Casado.

OFFICIA PROPRIA

SANCTORUM

ALMÆ ECCLESIAE LEGIONENSIS.

DIE XXIII JANUARIIL.

*In festo S. Ildefonsi Archiepiscopi Toletani Con-
fessoris. Duplex.*

Omnia ut in Breviario Romano.

DIE VI FEBRUARIIL.

*In festo Sancti Andreæ Corsini Episcopi & Con-
fessoris. Semiduplex.*

Omnia ut in Breviario Romano.

DIE I MARTIIL.

In festo S. Angeli Custodis. Duplex majus.

AD VESPERAS.

Angelum suum tecum, & di-
riget viam tuam.

Aña. Mittet Dominus

Psalm. Dixit Dominus....

Añã. Angelus meus vobiscum est, ipse autem exquisitam animas vestras.

Psalm. Confitebor.....

Añã. Angeli Sancti semper custodiunt nos, ut dignum Deo exhibeamus obsequium.

Psalm. Beatus vir.....

Añã. Angeli Domini Dominum benedicite in æternum.

Psalm. Laudate pueri.....

Añã. Angeli, Archangeli, Throni, et Dominationes, Principatus, & Potestates, Virtutes cœlorum, laudate Dominum de cœlis.

Psalm. Laudate Dominum omnes gentes.....

Capitulum. Exod. 23.

Ecce ego mittam Angelum meum, qui præcedat te, & custodiat in viâ, & introducat in locum quem præparavi.

Hymnus.

Tibi, Christe, splendor Patris,
Vita, virtus cordium,
In conspectu Angelorum,
Votis, voce psallimus,
Alternantes concrepando
Melos damus vocibus.
Collaudamus venerantes
Omnes cœli milites,

Sed præcipuè custodem
Missum nobis cœlitus,
Inimicum in virtute
Conterentem Zabulum.

Quo custode procul pelle,
Rex Christe piissime,
Omne nefas inimici,
Mundo corde, et corpore,
Paradiso redde tuo
Nos solâ clementiâ.

Gloriam Patris melodis
Personemus vocibus:
Gloriam Christo canamus,
Gloriam Paraclito:
Qui trinus et unus Deus
Extat ante sæcula. Amen.

ŷ. Angelis suis Deus mandavit de te.

ñ. Ut custodiant te in omnibus viis tuis.

AD MAGNIFICAT.

Añã. In conspectu gentium nolite timere; vos enim in cordibus vestris adorare, & timete Deum: Angelus enim ejus vobiscum est.

Oratio.

Deus, qui miro ordine Angelorum ministeria hominumque dispensas; concede propitiis, ut à quibus tibi ministrantibus in cœlo semper assistitur, ab his in terrâ vita

nostra muniatur. Per Dominum.

Deindè fit commemoratio Ferialæ, si venerit in Quadragesima.

¶ Scuto circumdabit te veritas ejus. R). Non timebis à timore nocturno.

AD MATUTINUM.

Invitorium. Regem Angelorum Dominum. * Venite adoremus.

Psalmus. Venite exultemus....

Hymnus. Tibi Christè....

Ut supra ad Vesperas.

IN PRIMO NOCTURNO.

Añã. Dominus Deus cœli & terræ, ipse mittet Angelum suum coram te.

Psalmus 8.

Domine Dominus noster, * ;quam admirabile est nomen tuum in universa terra!

Quoniam elevata est magnificentia tua * super cœlos.

Ex ore infantium & lactentium perfecisti laudem propter inimicos tuos, * ut destruas inimicum et ultorem.

Quoniam videbo cœlostuos, opera digitorum tuorum: * lu-

nam & stellas quæ tu fundasti:

¿Quid est homo quod memor es ejus? * aut filius hominis quoniam visitas eum?

Minuisti eum paulò minùs ab Angelis, gloriã, & honore coronasti eum; * et constituisti eum super opera manuum tuarum.

Omnia subjecisti sub pedibus ejus, * oves, et boves universas; insuper & pecora campi;

Volucres cœli, & pisces maris, * qui perambulant semitas maris.

Domine Dominus noster, * ;quam admirabile est nomen tuum in universa terra!

Añã. Dominus Deus cœli & terræ, ipse mittet Angelum suum coram te.

Añã. Laudemus Dominum, quem laudant Angeli, quem Cherubim, & Seraphim, Sanctus, Sanctus, Sanctus proclamant.

Psalmus 10.

In Domino confido: quomodò dicitis animæ meæ: * Transmigre in montem sicut passer.

Quoniam ecce peccatores intenderunt arcum, parave-

runt sagittas in pharetrâ, * ut sagittent in obscuro rectos corde.

Quoniam quæ perfecisti destruxerunt: * justus autem quid fecit?

Dominus in templo sancto suo, * Dominus in cœlo sedes ejus:

Occuli ejus in pauperem respiciunt: * palpebræ ejus interrogant filios hominum.

Dominus interrogat justum & impium: * qui autem diligit iniquitatem, odit animam suam.

Pluet super peccatores laqueos: * ignis, et sulphur, & spiritus procellarum pars calicis eorum.

Quoniam justus Dominus, & justitias dilexit: * æquitatem vidit vultus ejus.

Añã. Laudemus Dominum, quem laudant Angeli, quem Cherubim, & Seraphim, Sanctus, Sanctus, Sanctus proclamant.

Añã. Ascendit fumus aromaticum in conspectu Domini de manu Angeli.

Psalmus 14.

Domine, quis habitabit in tabernaculo tuo? * aut quis requiescet in monte sancto tuo?

Qui ingreditur sine maculâ, * & operatur justitiam:

Qui loquitur veritatem in corde suo, * qui non egit dolum in linguâ suâ:

Nec fecit proximo suo malum, * et opprobrium non accepit adversus proximos suos.

Ad nihilum deductus est in conspectu ejus malignus: * timentes autem Dominum glorificat:

Qui jurat proximo suo, & non decipit: * qui pecuniam suam non dedit ad usuram, & mûnera super innocentem non accepit:

Qui facit hæc, * non movebitur in æternum.

Añã. Ascendit fumus aromaticum in conspectu Domini de manu Angeli.

ŷ. Stetit Angelus juxta aram templi.

ñ. Habens thuribulum aureum in manu suâ. Pater noster.....

Abs. Exaudi Domine.....

ŷ. Jube domne.....

Benedictio. Benedictione perpetuâ.....

Ex Daniele Prophetâ.

Lectio 1. Cap. VII, 9.

Aspiciebam donec throni

positi sunt, & antiquus dierum sedit: vestimentum ejus candidum quasi nix, & capilli capitis ejus quasi lana munda: thronus ejus flammæ ignis: rotæ ejus ignis accensus. Fluvius igneus rapidusque egrediebatur à facie ejus. Millia millium ministrabant ei, & decies millies centena millia assistebant ei: judicium sedit, & libri aperti sunt. Aspiciebam propter vocem sermonum grandium, quos cornu illud loquebatur: & vidi quoniam interfecta esset bestia, & periisset corpus ejus, & traditum esset ad comburendum igni.

R). Non accedet ad te malum, & flagellum non appropinquabit tabernaculo tuo: * Quoniam Angelis suis mandavit de te, ut custodiant te in omnibus viis tuis. V. In manibus portabunt te, ne fortè offendas ad lapidem pedem tuum. Quoniam.....

Benedictio. Unigenitus Dei Filius.....

Lectio 2. Cap. X, 4.

Die autem vigesimâ, & quartâ mensis primi eram juxta fluvium magnum, qui est Tigris. Et levavi oculos

meos, & vidi: & ecce vir unus vestitus lineis, et renes ejus accincti auro obrizo: & corpus ejus quasi chrysolithus, & facies ejus velut species fulguris, & oculi ejus ut lampas ardens: & brachia ejus, & quæ deorsum sunt usque ad pedes, quasi species æris candentis. Et vox sermonum ejus, ut vox multitudinis. Vidi autem ego Daniel solus visionem: porrò viri qui erant mecum non viderunt: sed terror nimius irruit super eos, & fugerunt in absconditum. Ego autem relictus solus vidi visionem grandem hanc: & non remansit in me fortitudo, sed & species mea immutata est in me, & emareui, nec habui quidquam virium.

R). Stetit Angelus juxta aram templi, habens thuribulum aureum in manu suâ: & data sunt ei incensa multa: * Et ascendit fumus aromatum de manu Angeli in conspectu Domini.

V. In conspectu Angelorum psallam tibi: adorabo ad templum sanctum tuum, & confitebor nomini tuo, Domine.

Et ascendit.....

Benedictio. Spiritus Sancti gratia.....

Lectio 3.

Et audiui vocem sermonum ejus: et audiens jacebam consternatus super faciem meam, et vultus meus hærebat terræ. Et ecce manus tetigit me, & erexit me super genua mea, & super articulos manuum mearum. Et dixit ad me: Daniel vir desideriorum, intellige verba quæ ego loquor ad te, & sta in gradu tuo: nunc enim sum missus ad te. Cumque dixisset mihi sermonem istum, steti tremens. Et ait ad me: Noli metuere Daniel: quia ex die primo quo postuisti cor tuum ad intelligendum ut te affligeres in conspectu Dei tui, exaudita sunt verba tua: & ego veni propter sermones tuos. Princeps autem regni Persarum restitit mihi viginti et uno diebus: & ecce Michael, unus de principibus primis, venit in adjutorium meum, & ego remansi ibi juxta regem Persarum. Veni autem ut docerem te quæ ventura sunt populo tuo in novissimis diebus, quoniam adhuc visio in dies.

R. In conspectu Angelorum psallam tibi, & adorabo ad templum sanctum tuum, * Et confitebor nomini tuo Domine.

V. Super misericordiâ tuâ, & veritate tuâ; quoniam magnificasti super nos nomen sanctum tuum. Et confitebor..... Gloria Patri..... Et confitebor.....

IN SECUNDO NOCTURNO.

Ant. Mitte, Domine, Angelum tuum bonum ante nos in timore brachii tui, ut metuant qui oderunt nos.

Psalmus 18.

Cœli enarrant gloriam Dei, * et opera manuum ejus annuntiat firmamentum.

Dies diei eructat verbum, * & nox nocti indicat scientiam.

Non sunt loquelæ, neque sermones, * quorum non audiantur voces eorum.

In omnem terram exivit sonus eorum: * & in fines orbis terræ verba eorum.

In sole posuit tabernaculum suum: * & ipse, tamquam sponsus procedens de thalamo suo.

Exultavit ut gigas ad currendam viam, * à summo cœlo egressio ejus:

Et occursum ejus usque ad summum ejus: * nec est qui se abscondat à calore ejus.

Lex Domini immaculata convertens animas: * testimonium Domini fidele, sapientiam præstans parvulis.

Justitiæ Domini rectæ, lætificantes corda: * præceptum Domini lucidum illuminans oculos.

Timor Domini sanctus, permanens in sæculum sæculi: * judicia Domini vera, justificata in semetipsa.

Desiderabilia super aurum & lapidem pretiosum multum: * & dulciora super mel & favum.

Etenim servus tuus custodit ea, * in custodiendis illis retributio multa.

Delicta quis intelligit? ab occultis meis munda me: * & ab alienis parce servo tuo.

Si mei non fuerint dominati, tunc immaculatus ero: * & emundabor à delicto maximo.

Et erunt ut complacent eloquia oris mei: * & meditatio cordis mei in conspectu tuo semper.

Domine adjutor meus, * & redemptor meus.

Añã. Mitte, Domine, Angelum tuum bonum ante nos in timore brachii tui, ut metuant qui oderunt nos.

Añã. Angeli Domini commitentur nobiscum, ut benè ambulemus in viam rectam.

Psalmus 23.

Domini est terra & plenitudo ejus: * orbis terrarum, & universi qui habitant in eo.

Quia ipse super maria fundavit eum: * & super flumina præparavit eum.

Quis ascendet in montem Domini? * aut quis stabit in loco sancto ejus?

Innocens manibus, & mundo corde, * qui non accepit in vano animam suam, nec juravit in dolo proximo suo.

Hic accipiet benedictionem à Domino: * & misericordiam à Deo salutari suo.

Hæc est generatio quærentium eum, * quærentium faciem Dei Jacob.

Attollite portas principes vestras, & elevamini portæ æternales, * & introibit Rex gloriæ.

Quis est iste Rex gloriæ? *

Dominus fortis & potens:
Dominus potens in prælio.

Attollite portas principes
vestras, & elevamini portæ
æternales, * & introibit Rex
gloriæ.

Quis est iste Rex gloriæ?
* Dominus virtutum ipse est
Rex gloriæ.

Añã. Angeli Domini comi-
tentur nobiscum, ut be-
nè ambulemus in viam rec-
tam.

Añã. Immittet Angelus
Domini in circuitu timen-
tium eum: & custodit eos.

Psalmus 33.

Benedicam Dominum in
omni tempore: * semper laus
ejus in ore meo.

In Domino laudabitur ani-
ma mea: * audiant mansue-
ti, & lætentur.

Magnificate Dominum me-
eum: * & exaltemus nomen
ejus in idipsum.

Exquisivi Dominum, &
exaudivit me: * & ex omni-
bus tribulationibus meis eri-
puit me:

Accedite ad eum, & illu-
minamini: * & facies vestræ
non confundentur.

Iste pauper clamavit, &
Dominus exaudivit eum: * &

de omnibus tribulationibus
ejus salvavit eum.

Immittet Angelus Domini
in circuitu timentium eum: *
& eripiet eos.

Gustate, & videte quoniam
suavis est Dominus: * beatus
vir qui sperat in eo.

Timete Dominum omnes
sancti ejus: * quoniam non est
inopia timentibus eum.

Divites eguerunt, & esu-
rierunt: * inquirentes autem
Dominum non minuentur
omni bono.

Venite filii, audite me: * ti-
morem Domini docebo vos.

Quis est homo, qui vult
vitam, * diligit dies videre
bonos?

Prohibe linguam tuam à
malo: * & labia tua ne lo-
quantur dolum.

Diverte à malo, & fac bo-
num: * inquire pacem, & per-
sequere eam.

Oculi Domini super jus-
tos: * & aures ejus in preces
eorum.

Vultus autem Domini su-
per facientes mala: * ut per-
dat de terrâ memoriam eo-
rum.

Clamaverunt justi, & Do-
minus exaudivit eos: * & ex

omnibus tribulationibus eorum liberavit eos.

Juxta est Dominus iis qui tribulato sunt corde: * & humiles spiritu salvabit.

Multæ tribulationes justorum: * & de omnibus his liberabit eos Dominus.

Custodit Dominus omnia ossa eorum: * unum ex his non conteretur.

Mors peccatorum pessima: * & qui oderunt justum delinquent.

Redimet Dominus animas servorum suorum: * & non delinquent omnes qui sperant in eo.

Añã. Immittet Angelus Domini in circuitu timentium eum; & custodit eos.

ŷ. Ascendit fumus aromatum in conspectu Domini.

ñ. De manu Angeli. Pater noster.....

Absol. Ipsius pietas.....

ŷ. Jube domne.....

Bened. Deus Pater Omnipotens.....

De expositione S. Bernardi Abbatis in Psalmum nonagesimum.

Lectio 4. *Serm.* 12.

Angelis suis mandavit de

te. Mira dignatio, & verè magna dilectio charitatis. Quis enim, quibus, de quo, quid mandavit? Studiosè consideremus, fratres, diligenter commendemus memoriæ hoc tam grande mandatum. Quis enim mandavit? Cujus sunt Angeli, cujus mandatis obtemperant, cujus obediunt voluntati? Nempè Angelis suis mandavit de te ut custodiant te in omnibus viis tuis: nec cunctantur, quin etiam in manibus tollant te. Summa ergo majestas mandavit Angelis, & Angelis suis mandavit; illis utique sublimibus, tam beatis, tam proximè sibi coherrentibus, tam familiariter adherentibus, & verè domesticis Dei, mandavit de te. Tu quis es? Quasi verò non sit homo putredo, & filius hominis vermis.

ñ. Custodivit me Angelus Domini, & hinc euntem, & ibi commorantem, et inde huc revertentem. * Et non permisit me Dominus coinquinari.

ŷ. Sed sine pollutione peccati revocabit me vobis gaudentem in victoria sua, in evasione mea, & liberatione

vestra. Et non permisit.....

Benedictio. Christus perpetuæ.....

Lectio 5.

Sed, quid putas mandavit de te? Numquid scripsit contra te amaritudines? Numquid ut contra folium, quod vento rapitur, ostendant potentiam suam, & stipulam siccam persequantur? Numquid ut tollant impium ne videat gloriam Dei? Mandandum istud est, non mandatum. Itaque Angelis suis mandavit de te ut custodiant te. Pretiosum depositum nobis commiserat, fructum crucis suæ, pretium sanguinis sui: non est contentus custodiâ hac tam parum tutâ, tam parum utili, tam fragili, tam insufficienti: super muros tuos, Jerusalem, constituit custodes, nempe etiam ipsi qui videntur muri, aut in muro ipso columnæ, his custodibus egent, & maximè.

R). Posuit Dominus castra sua in medio populi sui. * Ut eripiant nos de manu omnium inimicorum nostrorum.

Ÿ. Fuerunt Jacob obviam Angeli Dei, quos cum vidisset

ait: Castra Dei sunt hæc. Ut eripiant.....

Benedictio. Ignem sui amoris.....

Lectio 6.

Quantam tibi debet hoc verbum inferre reverentiam, afferre devotionem, conferre fiduciam? Reverentiam pro præsentia, devotionem pro benevolentia, fiduciam pro custodia. Cautè ambula, ut videlicet cui adsunt Angeli (sicut eis mandatum est) in omnibus viis tuis: in quovis diversorio, in quovis angulo, Angelo tuo reverentiam habe. Tu ne audeas illo præsentem quod vidente me non auderes. Cæterum et si tam parvuli sumus, et tam magna nobis, nec modò tam magna, sed & tam periculosa viâ restat, quid tamen sub tantis custodibus timeamus? Nec superari, nec seduci, minus autem seducere possunt qui custodiunt nos in omnibus viis nostris. Fideles sunt, prudentes sunt, potentes sunt; quid trepidamus? Tantùm sequamur eos, adhæreamus eis, et in protectione Dei cæli commoremur.

R). Sancti Angeli custodes

nōstri defendite nos in prælio.
* Ut non pereamus in tremendo iudicio.

ŷ. Vos autem Angeli Sancti, milites Dei, cœlorum cives, custodes hominum, defendite nos semper. Ut non..... Gloria Patri..... Ut non.....

IN TERTIO NOCTURNO.

Añã. Angeli eorum semper vident faciem Patris, qui in cœlis est.

Psalmus 95.

Cantate Domino canticum novum: * cantate Domino omnis terra.

Cantate Domino, & benedicite nomini ejus: * annuntiate de die in diem salutare ejus.

Annuntiate inter gentes gloriam ejus: * in omnibus populis mirabilia ejus.

Quoniam magnus Dominus, & laudabilis nimis: * terribilis est super omnes deos.

Quoniam omnes dii gentium dæmonia: * Dominus autem cœlos fecit.

Confessio, & pulchritudo in conspectu ejus: * sancti-

monia & magnificentia in sanctificatione ejus.

Afferte Domino patriæ gentium, afferte Domino gloriam & honorem: * afferte Domino gloriam nomini ejus.

Tollite hostias, & introite in atria ejus: * adorare Dominum in atrio sancto ejus.

Commoveatur à facie ejus universa terra: * dicite in gentibus quia Dominus regnavit.

Etenim correxit orbem terræ qui non commovebitur: * judicabit populos in æquitate.

Lætentur cœli, & exultet terra, commoveatur mare, & plenitudo ejus: * gaudebunt campi, & omnia quæ in eis sunt.

Tunc exultabunt omnia ligna silvarum à facie Domini, quia venit: * quoniam venit judicare terram.

Judicabit orbem terræ in æquitate, * & populos in veritate suâ.

Añã. Angeli eorum semper vident faciem Patris, qui in cœlis est.

Añã. Adorate Dominum omnes Angeli ejus: audivit, & lætata est Sion.

Psalmus 96.

Dominus regnavit, exultet terra, * lætentur insulæ multæ.

Nubes, & caligo in circuitu ejus: * justitia, & judicium correctio sedis ejus.

Ignis ante ipsum præcedet, * & inflammabit in circuitu inimicos ejus.

Illuxerunt fulgura ejus orbi terræ: * vidit, & commota est terra.

Montes sicut cera fluxerunt à facie Domini; * à facie Domini omnis terra.

Annuntiaverunt cœli justitiam ejus: * & viderunt omnes populi gloriam ejus.

Confundantur omnes, quia adorant sculptilia: * & qui gloriantur in simulacris suis.

Adorate eum omnes Angeli ejus: * audivit, & lætata est Sion.

Et exultaverunt filiæ Judæ; * propter judicia tua Domine.

Quoniam tu Dominus altissimus super omnem terram: * nimis exaltatus es super omnes deos.

Qui diligitis Dominum, odite malum: * custodit Dominus animas sanctorum suo-

rum, de manu peccatoris liberabit eos.

Lux orta est justo: * & recitatis corde lætitia.

Lætamini justis in Domino: * & confitemini memoriæ sanctificationis ejus.

Añã. Adorate Dominum omnes Angeli ejus: audivit, & lætata est Sion.

Añã. Benedicite Dominum omnes Angeli ejus, potentes virtute, facientes verbum illius, ad audiendam vocem sermonum ejus.

Psalmus 102.

Benedic, anima mea, Domino: * & omnia quæ intra me sunt nomini sancto ejus.

Benedic, anima mea, Domino: * & noli oblivisci omnes retributiones ejus.

Qui propitiatur omnibus iniquitatibus tuis: * qui sanat omnes infirmitates tuas.

Qui redimit de interitu vitam tuam: * qui coronat te in misericordia, & miserationibus.

Qui replet in bonis desiderium tuum: * renovabitur ut aquilæ juvenus tua.

Faciens misericordias Dominus, * judicium omnibus injuriam patientibus.

Notas fecit vias suas Moy-
si, * filiis Israël voluntates
suas.

Miserator, & misericors
Dominus: * longanimis, &
multum misericors.

Non in perpetuum irasce-
tur: * nequè in æternum com-
minabitur.

Non secundum peccata nos-
tra fecit nobis: * nequè se-
cundum iniquitates nostras
retribuit nobis.

Quoniam secundum alti-
tudinem cœli à terra, * corro-
boravit misericordiam suam
super timentes se.

Quantum distat ortus ab
occidente, * longè fecit à no-
bis iniquitates nostras.

Quomodò miseretur pater
filiorum, misertus est Domi-
nus timentibus se: * quoniam
ipse cognovit figmentum nos-
trum.

Recordatus est quoniam
pulvis sumus: * homo sicut
fœnum dies ejus, tamquam
flos agri sic efloret.

Quoniam spiritus pertransi-
bit in illo, & non subsistet: *
& non cognoscet amplius lo-
cum suum.

Misericordia autem Domi-
ni ab æterno, * & usque in

æternum super timentes eum.

Et justitia illius in filios fi-
liorum, * his qui servant tes-
tamentum ejus.

Et memores sunt manda-
torum ipsius: * ad faciendum
ea.

Dominus in cœlo paravit
sedem suam: * et regnum ip-
sius omnibus dominabitur.

Benedicite Domino omnes
Angeli ejus: * potentes virtu-
te, facientes verbum illius,
ad audiendam vocem sermo-
num ejus.

Benedicite Domino omnes
Virtutes ejus: * ministri ejus
qui facitis voluntatem ejus.

Benedicite Domino omnia
opera ejus: * in omni loco do-
minationis ejus benedic, ani-
ma mea, Domino.

Añã. Benedicite Domi-
num omnes Angeli ejus, po-
tentes virtute, facientes ver-
bum illius, ad audiendam vo-
cem sermonum ejus.

Ÿ. In conspectu Angelorum
psallam tibi, Deus meus.

℞. Adorabo ad templum
sanctum tuum, et confitebor
nomini tuo.

Pater noster.....

Absolutio. A vinculis.....

Ÿ. Jube domne.....

Benedictio. Evangelica lectio.....

Lectio Sancti Evangelii secundum Matthæum.

Lectio 7. Cap. 18.

In illo tempore: Accesserunt discipuli ad Jesum dicentes: Quis, putas, major est in regno cœlorum? Et reliqua.

Homilia S. Hieronymi Presbyteri.

Lib. 2, Comment. in cap. 18 Matthæi.

Post inventum staterem, post tributa reddita, quid sibi vult Apostolorum repentina interrogatio: Quis, putas, major est in regno cœlorum? Quia viderant pro Petro, & Domino idem tributum redditum, ex æqualitate pretii arbitrati sunt Petrum omnibus Apostolis esse prælatum, qui in redditione tributi Domino fuerat comparatus: ideò interrogant quis major sit in regno cœlorum. Vidensque Jesus cogitationes eorum, & causas erroris intelligens, vult desiderium gloriæ, humilitatis contentione sanare.

R. In conspectu gentium nolite timere: vos enim in

cordibus vestris adorare, & timete Dominum. * Angelus enim ejus vobiscum est.

¶ Stetit Angelus juxta aram templi, habens thuribulum aureum in manu suâ.

Angelus enim.....

Benedictio. Quorum festum colimus.....

Lectio 8.

Si autem manus tua, vel pes tuus scandalizat te, abscede eum, & projice abs te. Necessè est quidem venire scandala: vae tamen ei est homini, qui quod necessè est ut fiat in mundo, vitio suo facit ut per se fiat. Igitur omnis truncatur affectus, & universa propinquitas amputatur, ne per occasionem pietatis unusquisque credentium scandalis pateat. Si, inquit, ita est, quis tibi conjunctus, ut manus, pes, oculus, & est utilis atque sollicitus, & acutus ad perspiciendum; scandalum autem tibi facit, & propter dissonantiam morum te pertrahit in gehennam: melius est ut & propinquitate ejus & emolumentis carnalibus careas, ne dum vis lucrifacere cognatos, & neces-

sarios, causam habeas ruinarum.

R). Mittit Dominus Sanctos Angelos suos, ut nos præcedant per diem & noctem. * Et ostendant nobis viam vitæ, & sint duces itineris nostri in omni tempore.

V). Angelis suis mandavit de nobis, ut custodiant nos in omnibus viis nostris. Et ostendant..... Gloria Patri..... Et ostendant.....

Si hoc festum venerit in Quadragesima, nona lectio legitur de Homilia feriæ occurrentis, & de ea fit commemoratio in Laudibus.

Lectio 9.

Dico vobis, quia Angeli eorum in coelis semper vident faciem Patris mei. Supra dixerat, per manum & pedem, & oculum omnes propinquitates & necessitudines, quæ scandalum facere poterant, amputandas: austeritatem itaque sententiæ subiecto præcepto temperat, dicens: Videte ne contemnatis unum ex pusillis istis. Sic, inquit, præcipio severitatem, ut commiseri clementiam doceam: quia Angeli eorum in coelis vident semper faciem Patris. Magna dignitas

animarum, ut unaquæque habeat ab ortu nativitatis in custodiam sui Angelum delegatum. Undè legimus in Apocalypsi Joannis: Angelo Ephesi, & reliquarum Ecclesiarum, scribe hæc. Apostolus quoque præcipit velari capita in Ecclesiis fœminarum propter Angelos.

Te Deum laudamus.....

AD LAUDES ET PER HORAS.

Añã. Mittet Dominus Angelum suum tecum, & diriget viam tuam.

Psalmus. Dominus regnavit..... *Cum reliquis de Dominica ut in Psalterio.*

Añã. Angelus meus vobiscum est, ipse autem exquiram animas vestras.

Añã. Angeli sancti semper custodiunt nos, ut dignum Deo exhibeamus obsequium.

Añã. Angeli Domini Dominum benedicite in æternum.

Añã. Angeli, Archangeli, Throni, & Dinationes, Principatus, & Potestates, Virtutes cœlorum, laudate Dominum de coelis.

Capitulum. Exod. 23.

Ecce ego mittam Angelum meum, qui præcedat te, & custodiat in viâ, & introducat in locum quem præparavi.

Hymnus.

Christe, Sanctorum decus Angelorum,
Rector humani generis, &
Auctor,
Nobis æternum tribue benignus

Scandere cœlum.

Angelum nostræ regimen salutis

Cœlitus mitti rogitamus omnes:

Nobis ut crebrò veniente crescant

Prospera cuncta.

Hinc Dei nostri genitrix Maria,

Totus & nobis Chorus Angelorum,

Semper assistat, simul & beata

Concio tota.

Præstet hoc nobis Deitas beata Patris, ac Nati, pariterque Sancti

Spiritus, cujus reboat in omni

Gloria mundo, Amen.

✠. Immittet Angelus Domini in circuitu timentium eum.

✠. Et eripiet eos.

AD BENEDICTUS.

Añã. Benedictus Deus, qui misit Angelum suum, & eruit servos suos, qui crediderunt in eum.

Oratio.

Deus, qui miro ordine Angelorum ministeria, hominumque dispensas: concede propitius, ut à quibus tibi ministrantibus in cœlo semper assistitur, ab his in terrâ vita nostra muniatur. Per Dominum.

AD TERTIAM.

Añã. Angelus meus.

Capitulum. Ecce ego mittam. *Ut supra.*

✠. *brev.* Stetit Angelus * Juxta aram templi. Stetit....

✠. Habens thuribulum aureum in manu suâ. Juxta....

Gloria Patri.... Stetit....

✠. Ascendit fumus aromaticum in conspectu Domini.

✠. De manu Angeli.

AD SEXTAM.

Añã. Angeli Sancti.

Capitulum. Exod. 23.

Observa Angelum meum, & audi vocem ejus, nec contemnendum putes, quia non dimittet cum peccaveris, & est nomen meum cum illo.

R). *brev.* Ascendit fumus aromatum * In conspectu Domini. Ascendit..... V. De manu Angeli. In conspectu..... Gloria Patri..... Ascendit fumus.....

V. In conspectu Angelorum psallam tibi, Deus meus.

R). Adorabo ad templum sanctum tuum, & confitebor nomini tuo.

AD NONAM.

Aña. Angeli, Archangeli.

Capitulum. Exod. 23.

Quod si audieris vocem ejus, & feceris omnia quæ loquor, inimicus ero inimicis tuis, & affligam affligentes te, præcedetque te Angelus meus.

R). *brev.* In conspectu Angelorum, * Psallam tibi, Deus meus. In conspectu.... V. Adorabo ad templum sanctum tuum, & confitebor nomini tuo. Psallam tibi..... Gloria Patri..... In conspectu.....

V. Adorate Deum.

R). Omnes Angeli ejus.

IN SECUNDIS VESPERIS.

Aña. Mittet Dominus....
Cum reliquis de Laudibus.

Psalm. Dixit Dominus....
Cum reliquis de Dominica, & loco ultimi

Psalmus 137.

Confitebor tibi, Domine, in toto corde meo: * quoniam audisti verba oris mei.

In conspectu Angelorum psallam tibi: * adorabo ad templum sanctum tuum, & confitebor nomini tuo.

Super misericordia tua, & veritate tua: * quoniam magnificasti super omne, nomen sanctum tuum.

In quacumque die invocavero te, exaudi me: * multiplicabis in anima mea virtutem.

Confiteantur tibi, Domine, omnes reges terræ: * quia audierunt omnia verba oris tui.

Et cantent in viis Domini: * quoniam magna est gloria Domini.

Quoniam excelsus Dominus, & humilia respicit: * & alta à longè cognoscit.

Si ambulavero in medio tribulationis, vivificabis me:

* & super iram inimicorum meorum extendisti manum tuam, & salvum me fecit dextera tua.

Dominus retribuet pro me: Domine misericordia tua in sæculum: * opera manum tuarum ne despicias.

Capitulum. Ecce ego mitam.....

Hymnus. Tibi Christe.....
Ut suprâ.

ŷ. In conspectu Angelorum psallam tibi, Deus meus.

ŷ. Adorabo ad templum

sanctum tuum, & confitebor nomini tuo.

AD MAGNIFICAT.

Aña. Videte ne contemnatis unum ex his pusillis: dico enim vobis quia Angeli eorum semper vident faciem Patris mei, qui in cœlis est.

Oratio. Deus, qui miro ordine.....

Deindè fit commemoratio S. Rudesindi, translati, & ferriæ si venerit in Quadragesima.

DIE III MARTII.

In festo Sanctorum Hemeterii, & Celedonii Martyrum Fratrum Legionensium. Duplex.

Omnia ut in Breviario Romano, in Sanctis Hispaniæ.

DIE XI MARTII.

In festo Sancti Vincentii Abbatis, & Martyris. Duplex.

Omnia de communi unius Martyris, præter ea quæ hic sunt propria.

Oratio.

Præsta quæsumus, Omnipotens Deus, ut qui beati Vincentii Abbatis, & Martyris tui natalitia colimus, inter-

cessione ejus in tui nominis amore roboremur. Per Dominum.....

Deindè fit commemoratio Ferriæ.

IN PRIMO NOCTURNO.

De Epistola beati Pauli Apostoli ad Romanos.

Lectio 1. Cap. VIII, c.

Fratres, Debitores sumus non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim spiritu Dei aguntur, ii sunt filii Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus: Abba, (Pater). Ipse enim Spiritus testimonium reddit spiritui nostro, quod sumus filii Dei. Si autem filii, & heredes; heredes quidem Dei, coheredes autem Christi: si tamen compatimur, ut et conglorificemur. Existimo enim quod non sunt condignæ passiones hujus temporis ad futuram gloriam, quæ revelabitur in nobis. Nam expectatio creaturæ, revelationem filiorum Dei expectat.

β. Iste sanctus pro lege Dei

sui certavit usque ad mortem, & à verbis impiorum non timuit: * Fundatus enim erat supra firmam petram.

γ. Iste est qui contempsit vitam mundi, & pervenit ad cœlestia regna. Fundatus.....

Lectio 2.

Scimus autem quoniam diligentibus Deum omnia cooperantur in bonum, iis, qui secundum propositum vocati sunt sancti. Nam quos præscivit, & prædestinavit conformes fieri imaginis Filii sui, ut sit ipse primogenitus in multis fratribus. Quos autem prædestinavit, hos & vocavit: & quos vocavit, hos & justificavit: quos autem justificavit, illos & glorificavit. Quid ergo dicemus ad hæc? Si Deus pro nobis, quis contra nos? Qui etiam proprio Filio suo non pepercit, sed pro nobis omnibus tradidit illum: quomodo non etiam cum illo omnia nobis donavit? Quis accusabit adversus electos Dei? Deus qui justificat, quis est qui condemnet? Christus Jesus, qui mortuus est, immò qui & resurrexit, qui est ad dexteram Dei, qui etiam interpellat pro nobis.

℞. Justus germinabit sicut liliū : * et florebit in æternum ante Dominum.

℥. Plantatus in domo Domini, in atriis domus Dei nostri. Et florebit.....

Lectio 3.

Quis ergo nos separabit à charitate Christi? tribulatio? an angustia? an fames? an nuditas? an periculum? an persecutio? an gladius? (Sicū scriptum est: Quia propter te mortificamur totà die: æstimati sumus sicut oves occisionis). Sed in his omnibus superamus propter eum qui dilexit nos. Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Jesu Domino nostro.

℞. Iste cognovit justitiam, & vidit mirabilia magna, & exoravit Altissimum : * Et inventus est in numero sanctorum.

℥. Iste est qui contempsit vitam mundi & pervenit ad

coelestia regna. Et inventus est..... Gloria Patri..... Et inventus est.....

IN SECUNDO NOCTURNO.

Lectio 4.

Vincentius, Abbas Hispanus, cum in Legionensi urbe Arianorum hæresim fortiter impugnaret; nec ullis vel persuasionibus vel minis à Catholicæ fidei assertionem revocari posset, ab iis comprehensus & palam verberibus cæsus, in carcerem conjicitur. Sed, cum propterea eamdem hæresim insectari non desisteret, è carcere eductus, à furentibus Arianis ante fores sui Monasterii crudeliter peremptus est. Cujus corpus Monachi mœrentes honorificè sepelierunt. Martyrium autem subiit quinto idus Martii, anno Christi sexcentesimo trigesimo.

℞. Honestum fecit illum Dominus, & custodivit eum ab inimicis, & à seductoribus tutavit illum : * Et dedit illi claritatem æternam. ℥. Descenditque cum illo in foveam: & in vinculis non dereliquit eum. Et dedit illi.....

Lectio 5.

Sermo S. Augustini Episcopi.

Sermo 44 de Sanctis.

Triumphalis beati Martyris Vincentii dies hodiè nobis anniversariâ celebritate recurrit: cujus glorificationi sicut congaudet Ecclesia, sic ejus proponit sequenda vestigia. Si enim compatimur, & glorificabimur. In cujus glorioso agone duo nobis præcipuè consideranda sunt: indurata videlicet tortoris sævitia, & Martyris invicta patientia; sævitia tortoris, ut eam detestemur: patientia Martyris, ut eam imitemur. Audi Psalmistam adversùs malitiam increpantem: Noli æmulari in malignantibus: quoniam tamquam fœnum velociter arescent. Quod autem adversùs malignantés patientia exhibenda sit, audi Apostolum suadentem: Patientia vobis necessaria est, ut reportetis promissiones.

R. Desiderium animæ ejus tribuisti ei, Domine: * Et voluntate labiorum ejus non fraudasti eum. †. Quoniam prævenisti eum in benedictioni-

bus dulcedinis: posuisti in capite ejus coronam de lapide pretioso. Et voluntate.....

Lectio 6.

Coronata itaque est beati Martyris patientia; mancipata est æternis cruciatibus tortoris incorrecta malitia. Hoc attendens in agone suo gloriosus Christi athleta, non exhorruit carcerem. Ad imitationem capitis sui toleravit probra, sustinuit irrisiones, flagella non timuit: & quot ante mortem pro Christo pertulit supplicia, tot ei de se obtulit sacrificia. Quod enim propinante Apostolo biberat, altè retinebat: Quia non sunt condignæ passiones hujus temporis ad futuram gloriam quæ revelabitur in nobis; et quia momentaneum hoc & leve nostræ tribulationis, æternum gloriæ pondus operatur in cœlis. Hujus promissionis amore à terrenis suspensus, & prægustatâ supernæ suavitatis dulcedine ineffabiliter affectus, dicebat cum Psalmista: Quid mihi est in cœlo, & à te quid volui super terram? Defecit caro mea, & cor meum: Deus cordis mei, & pars mea Deus in æternum.

℞. Stola jucunditatis induit eum Dominus: * Et coronam pulchritudinis posuit super caput ejus: †. Cibavit illum Dominus pane vitæ, & intellectus: & aquâ sapientiæ salutaris potavit illum. Et coronam..... Gloria Patri..... Et coronam.....

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. XVI d.

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Et reliqua.

Homilia Sancti Gregorii Papæ.

Homilia 32 in Evangelia.

Quia Dominus ac Redemptor noster novus homo venit in mundum, nova præcepta dedit mundo. Vitæ etenim nostræ veteri in vitiis enutritæ contrarietatem opposuit novitatis suæ. Quid enim vetus, quid carnalis homo noverat, nisi sua retinere, aliena rape-

re, si posset; concupiscere, si non posset? Sed coelestis medicus singulis quibusque vitiis obviantia adhibet medicamenta. Nam sicut arte medicinæ calida frigidis, frigida calidis curantur: ita Dominus noster contraria opposuit medicamenta peccatis, ut lubricis continentiam, tenacibus largitatem, iracundis mansuetudinem, elatis præciperet humilitatem.

℞. Corona aurea super caput ejus: * Expressa signo sanctitatis, gloriâ honoris, & opus fortitudinis. †. Quoniam prævenisti eum in benedictionibus dulcedinis, posuisti in capite ejus coronam de lapide pretioso. Expressa.....

Lectio 8.

Certè cum se sequentibus nova mandata proponeret, dixit: Nisi quis renuntiaverit omnibus quæ possidet, non potest meus esse discipulus. Ac si apertè dicat: Qui per vitam veterem aliena concupiscitis, per novæ conversationis studium & vestra largimini. Quid verò in hac lectione dicat audiamus: Qui vult post me venire, abneget semetipsum. Ibi dicitur ut abne-

gemus nostra: hic dicitur ut abnegemus nos. Et fortassè laboriosum non est homini relinquere sua: sed valdè laboriosum est relinquere semetipsum. Minus quippe est abnegare quod habet: valdè autem multùm est abnegare quod est.

R). Hic est verè martyr, qui pro Christi nomine sanguinem suum fudit, * Qui minas judi-

cum non timuit, nec terrenæ dignitatis gloriam quæsivit, sed ad cœlestia regna pervenit. ✠. Justum deduxit Dominus per vias rectas, & ostendit illi regnum Dei. Qui minas.... Gloria Patri.... Qui minas.....

Lectio nona legitur de Homilia feriæ occurrentis, & de ea fit commemoratio in Laudibus.

DIE XVI APRILIS.

In festo Sancti Thuribii, Episcopi & Confessoris.
Duplex.

Omnia de communi Confessoris Pontificis, præter ea quæ hic sunt propria.

Oratio.

Exaudi quæsumus, Domine, preces nostras, quas in beati Thuribii Confessoris tui atque Pontificis solemnitate deferimus; & qui tibi dignè meruit famulari, ejus intercedentibus meritis, ab omnibus nos absolve peccatis. Per Dominum.....

lebretur post Pascha: si verò in Quadragesima, de communi Confessoris non Pontificis.

IN SECUNDO NOCTURNO.

Lectio 4.

Ex Ecclesiasticis Hispaniæ monumentis, Leone Papa, Concilio Bracaren. primo, & Romano Martyrologio.

Thuribius Asturicensis Episcopus, atque Sancti Leonis

In primo Nocturno lectiones de Scriptura occurrente, si ce-

Papæ Notarius, vir fuit eruditione, & pietate insignis, Catholicæque fidei propugnator, & hæreticorum insecutor acerrimus. Is, Priscillianam hæresim in Hispaniâ iterum pullulantem, ope Sancti Leonis Papæ, quem de eâ certum reddiderat, penitus extinxit. Ejus verò tuendi Dominici gregis pastorem vigilantiam, ac sollicitudinem commendans, ipse idem sanctissimus Pontifex Leo, hanc ad ipsum scribens Epistolam misit.

℞. Inveni David servum meum, oleo sancto meo unxi eum: * Manus enim mea auxiliabitur ei. ʒ. Nihil proficiet inimicus in eo, & filius iniquitatis non nocebit ei. Manus enim.....

Lectio 5.

Quàm laudabiliter pro Catholicæ fidei veritate movearis, & quàm sollicitè Dominico gregi devotionem officii pastoralis impendas, tradita nobis per Diaconum tuum fraternitatis tuæ scripta demonstrant, quibus notitiæ nostræ insinuare curasti, qualis in regionibus vestris de anti-quæ pestilentiae reliquis erro-

rùm morbus exarserit. Nam & Epistolæ sermo, & commonitorii series, & libelli tui textus demonstrat, Priscillianistarum foetidissimam apud vos recaluisse sententiam. Et in calce: Dedimus itaque litteras ad fratres, & Coepiscopos nostros Tarraconenses, Carthaginenses, Lusitanos, atque Gallicos, eisque Concilium Synodi generalis indiximus.

℞. Posui adjutorium super potentem, & exaltavi electum de plebe meâ: * Manus enim mea auxiliabitur ei. ʒ. Inveni David servum meum, oleo sancto meo unxi eum. Manus.....

Lectio 6.

Ad tuæ dilectionis sollicitudinem pertinebit, ut nostræ ordinationis auctoritas ad prædictarum provinciarum Episcopos deferatur. Si autem aliquid (quod absit) obstiterit quo minùs possit celebrari generale Concilium Galleciæ, saltem in unum conveniant sacerdotes, quibus congregatis, fratres nostri Hydatius, & Ceponius imminebunt, conjuncta cum eis instantia tua, quo citiùs, vel provinciali conventu remedium tantis vul-

neribus adferatur. Demum, miraculorum laude clarus, cum Ecclesiam sibi commissam sanctissimè administrasset, quievit in pace. Ejus corpus religiosè in Ecclesià sancti Martini asservatur, quæ Ecclesia sancti Thuribii de Liebanâ hodiè nuncupatur.

R). Iste est qui ante Deum magnas virtutes operatus est, & omnis terra doctrinâ ejus repleta est: * Ipse intercedat pro peccatis omnium populorum. V. Iste est qui contempsit vitam mundi, & pervenit ad cœlestia regna. Ipse intercedat..... Gloria Patri..... Ipse intercedat.....

IN TERTIO NOCTURNO.

Lectio Sancti Evangelii secundum Matthæum.

Lectio 7. Cap. XXIV d.

In illo tempore: Dixit Jesus discipulis suis: Vigilate, quia nescitis quâ horâ Dominus vester venturus sit. Et reliqua.

Homilia Sancti Hilarii Episcopi.

Comment. in Matt. can. 26 in fine.

Ut ignorantiam illam diei

omnibus taciti, non sine utilis silentii ratione esse sciremus, vigilare nos Dominus propter adventum furis admonuit, & orationum assiduitate detentos, omnibus præceptorum suorum operibus inhærere. Furem enim esse ostendit zabulum, ad detrahenda ex nobis spolia pervigilem, & corporum nostrorum domibus insidiantem, ut ea incuriosis nobis, & somno deditis, consiliorum suorum atque illecebrarum jaculis perfodiat. Paratos igitur esse nos convenit: quia diei ignoratio intentam sollicitudinem suspensæ expectationis exagitet.

R). Amavit eum Dominus, & ornavit eum, stolam gloriæ induit eum: * Et ad portas paradisi coronavit eum. V. Induit eum Dominus lorica[m] fidei, & ornavit eum. Et ad portas.....

Lectio 8. Can. 27.

Quisnam est fidelis servus & prudens, quem constituit Dominus super familiam suam? Quamquam in commune nos ad indefessam vigilantiae curam adhortetur, specialem tamen populi principibus, id est Episcopis, in ex-

pectatione, adventuque suo sollicitudinem mandat. Hunc enim servum fidelem atque prudentem, præpositum familiæ significat, commoda atque utilitates commissi sibi populi curantem. Qui si dicto audiens, & præceptis obediens erit, id est, si doctrinæ opportunitate, & veritate infirma confirmet, disrupta consolidet, depravata convertat, & verbum vitæ in æternitatis cibum alendæ familiæ dispendat, atque hæc agens, hisque immorans deprehendatur: gloriam à Domino tamquam dispensator fidelis, & villicus utilis consequetur, & super omnia bona constituetur; id est, in Dei gloria collocabitur, quia nihil sit ultra quod melius sit.

R. Sint lumbi vestri præcincti, & lucernæ ardentes in manibus vestris: * Et vos similes hominibus expectantibus Dominum suum, quando revertatur à nuptiis. v. Vigilate ergo, quia nescitis quâ

horâ Dominus vester venturus sit. Et vos..... Gloria Patri..... Et vos.....

Si celebretur in Quadragesima, nona lectio legitur de homilia feriæ occurrentis, & de ea fit commemoratio in Laudibus.

Lectio 9.

Quod si contuens longam Dei patientiam, quæ in profectum humanæ salutis extenditur, adversum conservos insolescet, & seculi malis vitiisque se tradet, præsentium tantum curam in cultu ventris exercens: desperatâ die Dominus adveniet, eumque à bonis quæ spononderat, dividet, portionemque ejus cum hypocritis in pœnæ æternitate constituet: quia adventum desperaverit, quia mandatis non obtemperaverit, quia præsentibus studuerit, quia vitæ gentium vixerit, quia desperatione judicii commissam sibi familiam fame, siti, cæde vexaverit.

Te Deum laudamus.....

FERIA V POST OCTAVAM PASCHÆ.

Celebratur festum Sancti Isidori Archiepiscopi Hispanensis Confessoris, Ecclesiæ Doctoris, & Regni Legionensis Patroni. Duplex primæ clasis cum octavâ in civitate tantum.

Omnia de commun. Confes. Pontificis præter propria.

In hymno Iste Confessor mutatur tertius versus.

AD MAGNIFICAT, *In utrisque Vesperis.*

Añã. O Doctor optime, Ecclesiæ sanctæ lumen, beate Isidore, divinæ legis amator, deprecare pro nobis Filium Dei. Alleluia.

Oratio.

Deus qui populo tuo æternæ salutis beatum Isidorum ministrum tribuisti: præsta quæsumus, ut quem Doctorem vitæ habuimus in terris, intercessorem habere mereamur in coelis. Per Dominum nostrum.....

IN PRIMO NOCTURNO.

De Libro Ecclesiastici.

Lectio I.

Sapientiam omnium anti-

quorum exquiret sapiens, & in Prophetis vacabit. Narrationem virorum nominatorum conservabit, & in versutias parabolæ simul introibit. Occulta proverbiorum exquiret, & in absconditis parabolæ conversabitur. In medio magnatorum ministrabit, & in conspectu præsidis apparebit. In terram alienigenarum gentium pertransiet: bona enim, & mala in hominibus tentabit.

¶ Euge serve bone, & fidelis, quia in pauca fuisti fidelis, supra multa te constituam: * Intra in gaudium Domini tui. Alleluia. ¶ Domine, quinque talenta tradidisti mihi, ecce alia quinque superlucratus sum. Intra.....

Lectio 2.

Cor suum tradet ad vigilandum diluculo ad Dominum, qui fecit illum, & in conspectu Altissimi deprecabitur. Aperiet os suum in oratione, & pro delictis suis deprecabitur. Si enim Dominus magnus voluerit, spiritu intelligentiæ replebit illum, & ipse tamquam imbres mittet eloquia sapientiæ suæ, & in oratione confitebitur Domino: & ipse diriget consilium ejus, & disciplinam, & in absconditis suis consiliabitur.

R. Ecce sacerdos magnus qui in diebus suis placuit Deo: * Ideo jurejurando fecit illum Dominus crescere in plebem suam. Alleluia. V. Benedictionem omnium gentium dedit illi, & testamentum suum confirmavit super caput ejus. Ideo jurejurando....

Lectio 3.

Ipsè palam faciet disciplinam doctrinæ suæ, & in lege testamenti Domini gloriabitur. Collaudabunt multi sapientiam ejus, & usque in seculum non delebitur. Non recedet memoria ejus, & nomen ejus requiretur à generatione in generationem. Sa-

pientiam ejus enarrabunt gentes, & laudem ejus enuntiabit Ecclesia.

R. Juravit Dominus, & non pœnitebit eum: * Tu es sacerdos in æternum secundum ordinem Melchisedech. Alleluia. V. Dixit Dominus Domino meo, sede à dextris meis. Tu es.... Gloria Patri.... Tu es.....

IN SECUNDO NOCTURNO.

Ex S. Braulio Episcopo Cæsaraugustano, & aliis.

Lectio 4.

Isidorus natione Hispanus, Hispaniarum Doctor egregius, ex novâ Carthagine, cui pater ipsius Severianus dominabatur, à sanctis viris Leandro Archiepiscopo Hispalensi, & Fulgentio Episcopo Astigitano, fratribus suis, sanctè, & liberaliter in studio litterarum educatus est, & ingentem doctrinam latinè, græcè, atque hebraicè cum magna nominis claritate consecutus. Hic, adolescens adhuc, hæresim Arianam, quæ gentem Gothorum Hispaniæ latissimè dominantem penitus jam pri-

dem invaserat, tam constanter palam arguebat, ut propè fuerit ut ab Arianis necaretur. Sed cohibitus à Leandro, hunc sibi successorem fore præ sagiente, & se ut commodiori tempore reservaret admonitus, indignationem temperavit.

R. Inveni David servum meum, oleo sancto meo unxi eum: * Manus enim mea auxiliabitur ei. Alleluia. V. Nihil proficiet inimicus in eo, & filius iniquitatis non nocebit ei. Manus.....

Lectio 5.
Igitur, Leandro vitâ functo, Isidorus magno regis Recaredi, & populi consensu in Hispalensi Archiepiscopatu sufficitur. Quam electionem sanctus Gregorius Papa confirmavit, eique pallium misit in Hispaniam. Quantum verò Pontifex factus fuerit constans & humilis, patiens & benignus, compatiens miseris & pauperibus, & cunctis virtutibus insignitus, nullius lingua sufficeret ad narrandum. Construxit monasteria, & collegia ædificavit: in quibus, studiis sacris, & divinis lectionibus vacans, plurimos

discipulos, qui ad eum confluebant, erudit: inter quos fuit beatus Ildefonsus, Toletanæ Ecclesiæ postea Archiepiscopus. Scripsit librum Etymologiarum, & sacri Canonis libros plurimos commentatus est, & tot tantaque alia volumina scripsit, ut humana vix vita tantis suffectura laboribus videatur. Sed qui Deo student, nihil non proclivè sentiunt, nihil frustrâ conantur, nihil non ex voto consequuntur.

R. Posui adjutorium super potentem, & exaltavi electum de plebe meâ: * Manus enim mea auxiliabitur ei. Alleluia. V. Inveni David servum meum, oleo sancto meo unxi eum. Manus enim.....

Lectio 6.
Fuit deniquè Isidori tanta doctrinæ ac sanctitatis opinio, ut, coacto Concilio generali, ultrò fuerit à Pontifice maximo vocatus: ubi mirum est, quantum ponderis & auctoritatis habuerit in singulis rebus Isidori sententia apud Pontificem, & omnes Prælatos. Reversus autem in Hispaniam, cum suam mortem, & Hispaniæ vastationem à

Saracenis publicè prædixisset, migravit è vita pridie Nonas Aprilis, anno Domini sexcentesimo trigesimo quinto, Sisenando in Hispanià regnante. Cujus corpus sepultum primò Hispali, deindè translatum fuit in urbem Legionem à Ferdinando primo Castellæ simul & Legionis Rege, qui illuc ab Eneto Saraceno Hispali regnante magnis precibus, & præmiis impetravit: cujus nomine templum ædificatum est Legione: ubi sepultus, miraculis clarus colitur magnâ populi religione.

R). Iste est qui ante Deum magnas virtutes operatus est, & omnis terra doctrinâ ejus repleta est. * Ipse intercedat pro peccatis omnium populorum. Alleluia. v. Iste est qui contempsit vitam mundi, & pervenit ad coelestia regnâ. Ipse intercedat..... Gloria Patri..... Ipse intercedat.....

IN TERTIO NOCTURNO.

Lectio sancti Evangelii secundum Matthæum.

In illo tempore: Dixit Jesus discipulis suis: Vos estis

sal terræ; quod si sal evanuerit in quo salietur? Ad nihilum valet ultra, nisi ut mittatur foràs, & conculcetur ab hominibus. Et reliqua.

Homilia sancti Isidori Episcopi.

Ex Lib. 3 sent. cap. 36.

Tam doctrinâ quam vitâ clarere debet. Ecclesiasticus Doctor; nam doctrinâ sine vitâ arrogantem reddit: vitâ fine doctrinâ inutilem facit. Sacerdotis prædicatio operibus confirmanda est, ita ut quod docet verbo, instruat exemplo. Vera est illa doctrina, quam vivendi sequitur forma: nam nihil turpius est, quam si bonum, quod quisque sermone prædicat, exple re opere negligat. Tunc enim utiliter prædicatio profertur, quando efficaciter adimpletur.

R). Amavit eum Dominus, & ornavit eum, stolam gloriæ induit eum: * Et ad portas paradisi coronavit eum. Alleluia. v. Induit eum Dominus lorica m fidei, & ornavit eum. Et ad.....

Lectio 8.

Unusquisque prædicator, &

bonæ actionis, & bonæ prædicationis habere debet studium: nam alterum sine altero non facit perfectum. Omnis utilis Doctor plebibus subjectis ita se præstare debet, atque insistere doctrinæ, ut quantò claret verbo, tantò clarescat & merito. Nam quod Apostolus Timotheo præcipit, cum omni imperio docere; non hortatur ad tumorem superbiæ, sed ad bonam actionem, & vitæ auctoritatem; videlicet, ne libertatem præberet peccandi, si benè doceret, & malè viveret.

R. In medio Ecclesiæ aperuit os ejus: * Et implevit eum Dominus spiritu sapientiæ, & intellectus. Alleluia. ψ . Jucunditatem, & exultationem thesaurizavit super eum.

Et implevit..... Gloria Patri..... Et implevit.....

Lectio 9.

Undè, & Dominus: Qui solverit unum de mandatis istis minimis, & sic docuerit, minimus erit in Regno caelorum. Vides quod auctoritate magisterii caret, qui quod docet non facit: sicut in numismate metallorum figura & pondus inquiritur, ita in omni Doctore Ecclesiastico, quid sequatur, quid doceat, quomodò vivat. Per qualitatem igitur metalli, doctrina; per figuram, similitudo patrum; per pondus, humilitas designatur: qui verò ab his tribus discrepaverit, non metallum sed terra erit.

Te Deum laudamus.....

SECUNDA DIE INFRA OCTAVAM SANCTI ISIDORI.

IN PRIMO NOCTURNO *leguntur lectiones de Scriptura occurrente.*

IN SECUNDO NOCTURNO.

Lectio 4.

Sermo Sancti Isidori Episcopi.

Clericos vocari ajunt, eo

quod in sortem hereditatis Domini dentur, vel pro eo quod Dominus sors illorum est: sicut de his scriptum est, loquente Domino: Ego hereditas eorum. Undè oportet

ut qui Deum hereditate possident, absque ullo impedimento seculi Deo servire studeant, & pauperes spiritu esse contendant, ut congruè illud Psalmistæ dicere possint: Dominus pars hereditatis meæ. His igitur lege Patrum cavetur, ut à vulgari vitâ seclusi, à mundi voluptatibus se abstineant, nec spectaculis, nec pompis intersint; convivia publica fugiant: privata non tantùm pudica, sed & sobria colant: usuris nequaquam incumbant, neque turpium occupationes lucrorum, fraudisque cujusquam appetant studium, amorem pecuniæ, quasi materiam cunctorum criminum fugiant.

R). Inveni David servum meum, oleo sancto meo unxi eum: * Manus enim mea auxiliabitur ei. Alleluia. v. Nihil proficiet inimicus in eo, & filius iniquitatis non nocebit ei. Manus enim.....

Lectio 5.

Secularia officia, negotiaque abjiciant: honorum gradus per ambitionem non subeant; pro beneficiis medicinæ Dei munera non accipiant: dolos & conjurationes ca-

veant: odium, æmulationem, obtrectationem, atque invidiam fugiant: non vagis oculis, non infreni linguâ, aut petulanti, tumidoque gressu incedant; sed pudorem, ac verecundiam mentis simplici habitu, incessuque ostendant: obscœnitatem etiam verborum, sicut operum, penitus execrentur.

R). Posui adjutorium super potentem, & exaltavi electum de plebe meâ: * Manus enim mea auxiliabitur ei. Alleluia. v. Inveni David servum meum, oleo sancto meo unxi eum. Manus enim.....

Lectio 6.

Viduarum, & Virginum visitationes frequentissimas fugiant: contubernia extranearum foeminarum nullatenus appetant: castimoniam quoque inviolati corporis perpetuò conservare studeant: senioribus quoque debitam obedientiam præbeant; neque ullo jactantiæ studio semetipsos attollant. Postremò in doctrinâ, in lectionibus, psalmis, hymnis, canticis exercitio jugi incumbant: tales enim esse debent qui divinis cultibus se mancipandos student

exhibere, scilicet, ut dum scientiæ operam dant, doctrinæ gratiam populo admistrent.

R). Iste est qui ante Deum magnas virtutes operatus est, & omnis terra doctrinâ ejus repleta est: * Ipse intercedat pro peccatis omnium populorum. Alleluia. V. Iste est qui contempsit vitam mundi, & pervenit ad coelestia regna. Ipse..... Gloria Patri..... Ipse.....

IN TERTIO NOCTURNO.

Lectio sancti Evangelii secundum Matthæum.

Lectio 7.

In illo tempore: Dixit Jesus discipulis suis: Vos estis sal terræ: quod si sal evanuerit, in quo salietur? Ad nihilum valet ultrâ, nisi ut mitatur foràs, & conculcetur ab hominibus. Et reliqua.

Homilia sancti Isidori Episcopi.

Lib. 3. sent. cap. 37.

Interdum Doctoris vitio etiam ipsa vera doctrina vilescit: quia dum non vivit sicut docet, ipsam, quam præ-

dicat, veritatem contemptibilem facit. Arcus perversus est lingua magistrorum docentium benè, & viventium malè: et ideò quasi ex perverso arcu sagittam emittunt, dum suam pravam vitam propriæ linguæ ictu confodiunt.

R). Amavit eum Dominus, & ornavit eum, stolam gloriæ induit eum: * Et ad portas paradisi coronavit eum. Alleluia. V. Induit eum Dominus lorica fidei, & ornavit eum. Et ad portas.....

Lectio 8.

Qui divina prædicant, & ex ejusdem prædicationis dignitate vivere minùs curant, habentes verbum Dei in ore, & opere non habentes, multa benè docentes, nihil autem operantes, imitantur Balaam ariolum, qui corruens opere, apertos habuit oculos ad contuendam lucem doctrinæ. Qui benè docet, & malè vivit, tamquam æs aut cymbalum sonum facit aliis, ipse tamen sibi manet insensualis.

R). In medio Ecclesiæ aperuit os ejus: * Et implevit eum Dominus spiritu sapientiæ, & intellectus. Alleluia. V. Jucunditatem, & exultationem

thesaurizavit super eum. Et implevit..... Gloria Patri..... Et implevit.....

Lectio 9.

Lib. 2 de off. cap. 5 de Sacerdotibus.

Qui enim alium de peccatis arguit, ipse à peccatis debet esse alienus: nam, quâ fronte subjectos arguere poterit, cum illi statim possit correptus ingerere: Antè doce te quæ recta sunt? Quapropter, qui negligit recta facere, desinat recta docere. Primitus quippe semetipsum corrigere debet, qui alios ad benè vivendum admonere studet, ita

ut in omnibus semetipsum formam vivendi præbeat, cunctosque ad bonum opus, & doctrinâ, & opere provocet: cui etiam scientiam Scripturarum necessaria est: quia si Episcopi tantum sancta sit vita, sibi soli prodest sic vivens. Porro, si & doctrinâ & sermone fuerit eruditus, potest ceteros quoque instruere, & docere suos, & adversarios repercutere, qui nisi refutati fuerint, atque convicti, facile possunt simplicium corda pervertere.

Te Deum laudamus.....

TERTIA DIE INFRA OCTAVAM SANCTI ISIDORI.

IN PRIMO NOCTURNO *leguntur lectiones de Scriptura occurrente.*

IN SECUNDO NOCTURNO.

Lectio 4.

Sermo S. Isidori Episcopi.

Ex lib. 5 de Ecclesiasticis officiis.

Presbyterorum ordo exordium sumpsit à filiis Aaron:

qui enim sacerdotes vocabantur in veteri Testamento, ii sunt qui nunc appellantur presbyteri: & qui nuncupabantur principes sacerdotum, nunc Episcopi nominantur. In novo autem Testamento post Christum, sacerdotalis or-

do in Petro Apostolo cœpit. Ipsi enim primùm datus est Pontificatus in Ecclesiâ Christi. Sic enim loquitur ad eum Dominus: Tu es, inquit, Petrus, & super hanc petram ædificabo Ecclesiam meam, & portæ inferi non prævalent adversus eam; & tibi dabo claves regni cœlorum. Hic ergo ligandi solvendi quæ potestatem primùm accepit; primusque ad fidem populum virtute suæ prædicationis adduxit.

R. Inveni David servum meum, oleo sancto meo unxi eum: * Manus enim mea auxiliabitur ei. Alleluia. v. Nihil proficiet inimicus in eo, & filius iniquitatis non nocbit ei. Manus enim....

Lectio 5.

Presbyteri autem interpretantur seniores, quia seniores ætate græci presbyteros vocant. His enim, sicut Episcopis, dispensatio mysteriorum Dei commissa est: præsumt enim Ecclesiis Christi, & in confectione divinâ corporis & sanguinis consortes cum Episcopis sunt; similiter & in doctrinâ populorum, & in officio prædicandi; sed so-

la propter auctoritatem Summo Sacerdoti clericorum ordinatio & consecratio conservata est, ne à multis Ecclesiæ disciplina vindicata concordiam solveret, scandala generaret. Nam Paulus apostolus eosdem presbyteros, & verè sacerdotes sub nomine Episcoporum asserit, loquens ad Titum: Hujus rei, inquit, gratiâ reliqui te Cretæ, ut ea quæ desunt corrigas; & constituas per civitates presbyteros, quemadmodum ego tibi disposui. Si quis sine crimine est, unius uxoris vir, filios habens fideles, non in accusatione luxuriæ, aut non subditos; oportet enim Episcopum sine crimine esse. Quâ sententiâ ostendit presbyterum etiam sub Episcopi nomine taxari. Undè, & ad Timotheum de ordinatione Episcopi & Diaconi scribens, de presbyteris omninò tacuit, quia eos in Episcopi nomine comprehendit; secundus enim primo conjunctus gradus est: sicut ad Philipenses de Episcopis & Diaconis scribit, cum una civitas plures Episcopos habere non possit.

R. Posui adjutorium super

potentem, & exaltavi electum de plebe meâ: * Manus enim mea auxiliabitur ei. Alleluia. v. Inveni David servum meum, oleo sancto meo unxi eum. Manus.....

Lectio 6.

Presbyteros autem merito, & sapientiâ dici, non ætate: nam Moysi præcepit Deus ut eligat presbyteros. Undè, & in Proverbiis dicitur; gloria senum canities. Quæ est hæc canities? Haud dubium quin sapientia, de qua scriptum est: Canities hominum prudentia est. Cumque nongentos, & ampliùs annos ab Adam usque ad Abraham vixisse homines legimus; nullus alius primus appellatus est presbyter, id est, senior, nisi Abraham, qui multò paucioribus annis vixisse convincitur. Non ergo propter decrepitam senectutem, sed propter sapientiam presbyteri nominantur; quod si ita est, mirum cur insipientes constituentur.

n). Iste est qui ante Deum magnas virtutes operatus est, & omnis terra doctrinâ ejus repleta est. * Ipse intercedat pro peccatis omnium populo-

rum. Alleluia. v. Iste est qui contempsit vitam mundi, & pervenit ad cœlestia regna. Ipse intercedat..... Gloria Patri..... Ipse intercedat.....

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. V.

In illo tempore: Dixit Jesus discipulis suis: Vos estis sal terræ; quod si sal evanuerit, in quo salietur? Ad nihilum valet ultrâ, nisi ut mittatur foràs, & conculcetur ab hominibus. Et reliqua.

Homilia sancti Isidori Episcopi.

Ex lib. 3 sent. cap. 43.

Non omnibus una eademque doctrina est adhibenda; sed pro qualitate morum diversa exhortatio erit doctorum. Nam quosdam increpatio dura, quosdam verò exhortatio corrigit blanda: sicut periti Medici ad varios corporis morbos diverso medicamine serviunt, ita ut, juxta vulnerum varietates medicina diversa sit; sic & Doctor Ecclesiæ singulis quibusque hominibus con-

gruum doctrinae remedium adhibebit, & quid cuique oporteat, pro aetate, pro sexu, ac professione annuntiabit.

R). Amavit eum Dominus, & ornavit eum, stolam gloriae induit eum: * Et ad portas paradisi coronavit eum. Alleluia. v. Induit eum Dominus lorica[m] fidei, & ornavit eum. Et ad portas.....

Lectio 8.

Non omnibus ea quae clausa sunt aperienda sunt: multi sunt enim qui capere non possunt, quibus si indiscretè manifestantur, statim aut detrahunt, aut negligunt. Prima prudentiae virtus est, eam, quam docere oporteat, aestimare personam. Rudibus populis seu carnalibus, plana, atque communia, non summa atque ardua praedicanda sunt; ne immensitate doctrinae opprimantur potius quam erudiantur. Unde & Paulus Apostolus ait: Non potui vobis loqui quasi spiritualibus, sed quasi carnalibus; tamquam parvulis in Christo, lac vobis potum dedi, non escam. Carnalibus quippe animis, nec alta nimis de caelestibus,

nec terrena convenit praedicare, sed mediocriter, ut initia eorum, moresque desiderant edoceri.

R). In medio Ecclesiae aperuit os ejus: * Et implevit eum Dominus spiritu sapientiae, & intellectus. Alleluia. v. Jucunditatem, & exultationem thesaurizavit super eum. Et implevit..... Gloria Patri..... Et implevit.....

Lectio 9.

Corvus, dum suos pullos videt albi coloris, nullis eos cibis alit, sed tantumdem attendit, donec paterno colore nigrescant, & sic illos frequenti cibo reficit: ita & Ecclesiae Doctor strenuus, nisi eos, quos docet, viderit ad suam similitudinem poenitentiae confessione nigrescere, & nitore seculi deposito, lamentationis habitum de peccati recordatione induere; utpote adhuc exterioribus, hoc est, carnalibus, non aperit intelligentiae spiritualis profundiora mysteria; ne dum audita non capiunt, prius incipiant contemnere quam venerari mandata caelestia.

Te Deum laudamus.....

QUARTA DIE INFRA OCTAVAM
SANCTI ISIDORI.

Officium fit de Dominica secunda post Pascha cum commemoratione Octavæ.

QUINTA DIE INFRA OCTAVAM
SANCTI ISIDORI.

IN PRIMO NOCTURNO, *lectiones de Scriptura occurrente.*

IN SECUNDO NOCTURNO.

Lectio 4.

Sermo Sancti Isidori Episcopi.

Lib. 2 offic. cap. de Sacerdotib.

Nunc verò sæpè cernimus plurimos ordinationem talibus facere: nec eligunt qui Ecclesiæ prosint, sed quos vel ipsi amant, vel quorum sunt obsequiis deliniti; vel pro quibus majorum quispiam rogaverit, & ut deteriora dicam, qui ut ordinentur muneribus impetraverunt: taceo de reliquis. Alii

successores filios vel parentes faciunt, & conantur posteris Præsulatus relinquere dignitatem, cum hoc nec Moyses amicus Dei facere potuit, sed Jesum de aliâ tribu elegit; ut sciremus, principatum in populo non sanguini deferendum esse, sed vitæ meritis. Interdum autem, & juxta meritum plebium, eliguntur personæ Rectorum. Undè noverint populi meriti sui fuisse, regimen perversi suscepisse Pontificis.

R. Inveni David servum meum, oleo sancto meo unxi eum: * Manus enim mea auxiliabitur ei. Alleluia. ψ. Ni-

hil proficiet inimicus in eo, & filius iniquitatis non nocet ei. Manus.....

Lectio 5.

Moyses in lege præcipit sacerdotibus ne aliquod pecus vitiatum ad aram Dei offerant; quod ipsum postea, spernentibus sacerdotibus Israel, per Malachiam impropèravit Deus dicens: Vos autem sacerdotes, qui polluistis nomen meum, & dixistis: In quo polluimus te? offertis super altare meum panem pollutum; nonne si offeratis cæcum & languidum nonne malum est? Undè & in Numeris vitula rufa, cujus cinis expiatio est populi, non aliter jubetur offerri ad altare Domini, nisi quæ terrena opera non fecerit, jugumque delicti non traxerit, nec vinculis peccatorum fuerit alligata.

R. Posui adjutorium super potentem, & exaltavi electum de plebe meâ: * Manus enim mea auxiliabitur ei. Alleluia. V. Inveni David servum meum, oleo sancto meo unxi eum. Manus enim.....

Lectio 6.

Quapropter, quia lex pec-

catores à sacerdotio removet, consideret se unusquisque, & sciens quia potentes poterunt patientur tormenta, retrahat se ab hoc, non tam honore, quàm onere; & aliorum locum, qui digni sunt, non ambiat occupare. Qui enim in erudiendis atque instituendis ad virtutem populis præerit, necesse est ut in omnibus sanctus sit, & in nullo reprehensibilis habeatur. Qui enim alium de peccatis arguit, ipse à peccato debet esse alienus.

R. Iste est qui ante Deum magnas virtutes operatus est, & omnis terra doctrinâ ejus repleta est. * Ipse intercedat pro peccatis omnium populorum. Alleluia. V. Iste est qui contempsit vitam mundi, & pervenit ad cœlestia regna. Ipse..... Gloria Patri..... Ipse.....

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. V.

In illo tempore: Dixit Jesus discipulis suis: Vos estis

sal terræ: quod si sal evanuerit, in quo salietur? Ad nihilum valet ultrà, nisi ut mittatur foràs, & conculcetur ab hominibus. Et reliqua.

Homilia Sancti Isidori Episcopi.

Ex Lib. 3. sent. cap. 42.

Qui præficitur ad regimen, taliter erga disciplinam subditorum præstare se debet, ut non solùm auctoritate, verum etiam humilitate clarescat; sed tamen ita erit in eo virtus humilitatis, ne dissolvatur vita subditorum in vitiis, atque ita auctoritas aderit potestatis, ne per tumorem cordis, severitas existat immoderationis. Hæc est enim in Dei sacerdotibus vera discretio, qua nec per libertatem superbi, nec per humilitatem remissi sint.

ñ. Amavit eum Dominus, & ornavit eum, stolam gloriæ induit eum: * Et ad portas paradisi coronavit eum. Alleluia. ̄. Induit eum Dominus lorica fidei, & ornavit eum. Et ad portas.....

Lectio 8.

Hinc est quod sancti cum

multâ constantiâ redarguerunt etiam Principum vitia; in quibus, cum summa esset humilitas, loco tamen necessario libere transgressores justitiæ increpabant. Aliquandò subditis nos oportet animo esse humiliores; quoniam facta subditorum judicantur à nobis, nostra verò Deus judicat. Agnoscat Episcopus se esse conservum plebis, non Dominum: verùm hoc charitas, non conditio, exigit.

ñ. In medio Ecclesiæ aperuit os ejus: * Et implevit eum Dominus spiritu sapientiæ, & intellectus. Alleluia. ̄. Jucunditatem, & exultationem thesaurizavit super eum. Et implevit..... Gloria Patri..... Et implevit.....

Lectio 9.

Lib. 2 offic. cap. 5. de Sacerdotibus.

Ita contra delinquentes sermo est proferendus, sicut ejus qui corripitur expostulat salus. Quod si opus est aliquam medicamenti asperitatem verborum prædicatione aspergere, lenitatem tamen corde opus est retinere. Doctores nonnumquam durius feriunt increpationibus sub-

ditos, qui tamen à charitate eorum, quos corripiunt, non recedunt. Sepè Ecclesiæ censura arrogantibus videtur esse superbia, & quod à bonis

piè fit, crudeliter fieri putatur à pravis; quia non discernunt recto oculo quod à bonis recto fit animo.

Te Deum laudamus.....

SEXTA DIE INFRA OCTAVAM SANCTI ISIDORI.

IN PRIMO NOCTURNO *lectiones de Scriptura occurrente.*

IN SECUNDO NOCTURNO.

Lectio 4.

Sermo Sancti Isidori Episcopi.

Lib. 2 Offic. cap. 5 de Sacerdotibus.

Apostoli, latinâ linguâ Missi interpretantur; quia ipsos misit Christus evangelizare ad illuminationem omnium gentium. Episcopatus autem (ut quidam prudentium ait) nomen est operis, non honoris. Græcum est enim, atque indè ductum vocabulum, quod ille, qui super efficitur, superintendit, curam scilicet subditorum gerens; scopus quidem intentio est, er-

go Episcopos, latinè superintendentes possumus dicere; ut intelligat, non se esse Episcopum, qui non prodesse, sed præesse dilexerit.

ῥ. Inveni David servum meum, oleo sancto meo unxi eum: * Manus enim mea auxiliabitur ei. Alleluia. ῡ. Nihil proficiet inimicus in eo, & filius iniquitatis non nocebit ei. Manus enim.....

Lectio 5.

Episcopi, qui sunt constituti per totum mundum in sedibus Apostolorum, qui non jam ex genere carnis, & sanguinis eliguntur sicut primum secundum ordinem Aaron: sed pro uniuscujusque vita, meritoque, quod in eum Dei gratia contulerit, sicut ad

Heli Dominus pronuntiavit dicens: Hæc dicit Dominus Deus Israel; Dixi: Domus tua, & domus patris tui permanebunt coram me, usque in æternum; & nunc dicit Dominus; Nequaquam, sed glorificantes me glorificabo, & qui me spernit, spernetur.

℞. Posui adjutorium super potentem, & exaltavi electum de plebe meâ: * Manus enim mea auxiliabitur ei. Alleluia. √. Inveni David servum meum, oleo sancto meo unxi eum. Manus.....

Lectio 6.

Jam verò quod seculares viri nequaquam administrandum Ecclesiæ assumantur, eadem auctoritas Apostolica monet, & dicit: Manus citò nemini imposueris. Et iterum; Non neophytum, ne in superbiam elatus, putet se non tam ministerium humilitatis, quàm administrationem secularis potestatis adeptum, & condemnatus superbiâ, sicut diabolus per jactantiam deiciatur. Quomodò enim valebit secularis homo sacerdotis magisterium adimplere, cujus nec officium tenuit, nec disciplinam agnovit? Aut quid

docere poterit, cum ipse non didicerit?

℞. Iste est qui ante Deum magnas virtutes operatus est, & omnis terra doctrinâ ejus repleta est: * Ipse intercedat pro peccatis omnium populorum. Alleluia. √. Iste est qui contempsit vitam mundi, & pervenit ad cœlestia regna. Ipse intercedat.....

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. V.

In illo tempore: Dixit Jesus discipulis suis: Vos estis sal terræ; quod si sal evanuerit, in quo salietur? Ad nihilum valet ultrà, nisi ut mittatur foràs, & conculcetur ab hominibus. Et reliqua.

Homilia Sancti Isidori Episcopi.

Ex lib. 3 sent. cap. 45.

Quibus docendi forma commissa est, multum subeunt periculi, si contradicentibus veritati resistere noluerint; dum Propheta Docto-

rem Ecclesiæ instruat ad summum usque justitiæ pervenire, cum dicit: Super montem excelsum ascende tu qui evangelizas Sion: scilicet, ut ita præemineat merito, sicut & gradu; sequenter ne fortè debeat à docendo timore restringi, audiat: Exalta in fortitudine vocem tuam, & noli timere. Undè, & Jeremiæ ita Dominus ait: Accinge lumbos tuos, & surge, loquere ad eos, ne formides à facie eorum, nec enim timere te faciam vultum eorum. Undè apparet, quia & non timere donum Dei est. Qui personam potentis accipit, & veritatem loqui pertimescit, gravius culpæ mulctatur sententiâ.

ñ. Amavit eum Dominus, & ornavit eum, stolam gloriæ induit eum: * Et ad portas paradisi coronavit eum. Alleluia. ¶. Induit eum Dominus lorica fidei, et ornavit eum. Et ad portas.....

Lectio 8.

Quantò quisque in superiori constitutus est loco, tantò majori versatur in periculo; & quantò splendoris honore excelsior, tantò, si delinquat,

peccator est major. Potentes enim potenter tormenta patientur: cui etenim plus committitur, plus ab eo exigitur, etiam cum usurâ poenarum. Reges vitam subditorum facile exemplis suis vel ædificant, vel subvertunt. Ideoque Principem non decet delinquere, ne formam peccandi faciat peccati ejus impunita licentia. Nam Rex qui ruit in vitiiis, citò viam ostendit erroris, sicut legitur de Jeroboam, qui peccavit, & peccare fecit Israel: illi namque adscribitur, quidquid exemplo ejus à subditis perpetratur.

ñ. In medio Ecclesiæ aperuit os ejus, * Et implevit eum Dominus spiritu sapientiæ, & intellectus. Alleluia. ¶. Jucunditatem, & exultationem thesaurizavit super eum. Et implevit eum..... Gloria Patri... Et implevit...

Lectio 9.

Capite languente, cetera corporis membra inficiuntur. Undè & scriptum est: Omne caput languidum, & omne cor mœrens, à planta pedis usque ad verticem non est in eo sanitas. Caput enim lan-

guidum est Doctor agens peccatum, cuius malum ad corpus pervenit, dum eo vel peccante, vel pravè docente, pestifer languor ad plebem subditam transit. Deteriores sunt qui sive doctrinis, seu exemplis vitam, moresque bonorum corrumpunt, iis, qui substantias aliorum, prædique diripiunt: ii enim ea,

quæ extra nos sunt, sed tamen nostra auferunt: corruptores verò morum propriè nos ipsos diripiunt: quoniam divitiæ justorum, mores eorum sunt; multùm ergo distant damna morum à damnis temporalium rerum: dum ista extra nos sunt, mores vero in nobis.

Te Deum laudamus.....

SEPTIMA DIE INFRA OCTAVAM SANCTI ISIDORI.

IN PRIMO NOCTURNO *lectiones de Scriptura occurrente.*

IN SECUNDO NOCTURNO.

Lectio 4.

Sermo Sancti Isidori Episcopi.

Ex lib. 2 de offic. cap. 5 de Sacerdotibus.

Tenebit quoque illam supereminentem donis omnibus charitatem, sine qua omnis virtus nihil est; custos enim sanctitatis charitas; locus autem hujus custodis humilitas: habebit etiam inter hæc om-

nia & castitatis eminentiam, ita ut mens Christo dedita ab omni inquinamento carnis sit munda & libera. Inter hæc oportebit cum sollicita dispensatione curam pauperum gerere, esurientes pascere, vestire nudos, suscipere peregrinos, captivos redimere, viduas ac pupillos tueri; pervigilem in cunctis exhibere curam; providentiam habere, & distributione discretâ.

β. Inveni David servum meum, oleo sancto meo unxi eum: * Manus enim mea

auxiliabitur ei. Alleluia. ψ . Nihil proficiet inimicus in eo, & filius iniquitatis non nocebit ei. Manus.....

Lectio 5.

In quo etiam hospitalitas ita erit præcipua, ut omnes cum benignitate, & charitate suscipiat. Si enim omnes fideles illud Evangelicum audire desiderant: Hospes fui, & suscepistis me; quantò magis Episcopus, cujus diversorium eunctorum debet esse receptaculum? Laicus enim unum, aut duos suscipiens implevit hospitalitatis officium; Episcopus, si non omnes susceperit, inhumanus est.

η . Posui adjutorium super potentem, & exaltavi electum de plebe meâ. * Manus enim mea auxiliabitur ei. Alleluia. ψ . Inveni David servum meum, oleo sancto meo unxi eum. Manus enim.....

Lectio 6.

Erit quoque illi etiam, juxta Apostolum, mansuetudo, patientia, sobrietas, moderatio, abstinentia sive pudicitia, ut non solùm ab opere immundo se absteineat, sed etiam ab oculi, oris, & cogitationis errore; ita ut dum nullum

vitium in se regnare permittit, impetrare veniam subditorum facinoribus valeat. Qui enim ista sectatus fuerit, & Dei minister utilis erit, & perfectum sacerdotium consummabit.

η . Iste est qui ante Deum magnas virtutes operatus est, & omnis terra doctrinâ ejus repleta est. * Ipse intercedat pro peccatis omnium populorum. Alleluia. ψ . Iste est qui contempsit vitam mundi, & pervenit ad cœlestia regna. Ipse intercedat.....

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. V.

In illo tempore: Dixit Jesus discipulis suis: Vos estis sal terræ: Quod si sal evanuerit, in quo salietur? Ad nihilum valet ultrâ, nisi ut mittatur foràs, & conculetur ab hominibus. Et reliqua.

Homilia Sancti Isidori Episcopi.

Multi Sacerdotes metu potestatis veritatem occultant,

& habentur rei, qui à bono opere, vel à justitiæ prædicatione, rei alicujus formidine, vel potestate terrente averuntur. Sed heu, proh dolor! Indè metuunt, quia vel amore rerum secularium implicantur, vel quia aliquo facinoris onere confunduntur. Multi præsules Ecclesiarum timentes ne amicitiam secularium perdant, & molestiam odiorum incurrant, peccantes non arguunt, & corripere pauperum oppressores verentur, non pertimescentes quod de veritate sint reddituri. rationem, pro eo quod conticescunt de plebibus sibi commissis.

R). Amavit eum Dominus, & ornavit eum, stolam gloriæ induit eum: Et ad portas paradisi coronavit eum. Alleluia. V. Induit eum Dominus lorica[m] fidei, & ornavit eum. Et ad portas.....

Lectio 8.

Sicut pervigil pastor contra bestias oves custodire solet, ita et Dei Sacerdos super gregem Christi sollicitus esse debet, ne inimicus vastet; ne persecutor infestet; ne potentioris cujusquam cupiditas vi-

tam pauperum inquietet. Pravi autem pastores non habent curam de ovibus: sed sicut legitur in Evangelio de mercenariis, vident lupum venientem, & fugiunt: Tunc enim fugiunt, quando potentibus tacent, & malis resistere metuunt.

R). In medio Ecclesiæ aperuit os ejus: * Et implevit eum Dominus spiritu sapientiæ, & intellectus. Alleluia. V. Jucunditatem, & exultationem thesaurizavit super eum. Et implevit.....

Lectio 9.

Sacerdotes pro populorum iniquitate damnantur, si eos aut ignorantes non erudiant, aut peccantes non arguant; testante Domino ad Prophetam: Speculatorem dedi te domui Israel: si non fueris locutus, ut se custodiat impius à viâ suâ malâ, ille iniquitate suâ morietur, sanguinem autem ejus de manu tuâ requiram. Sic enim Heli sacerdos pro filiorum iniquitate damnatus est: & licet eos delinquentes admonuerit, sed tamen non ut oportebat redarguit.

Te Deum laudamus.....

IN OCTAVA SANCTI ISIDORI.

Omnia sicut in die præter lectiones primi Nocturni, quæ dicuntur de Scriptura occurrente.

IN SECUNDO NOCTURNO.

Ex libro *Moralium Sancti Gregorii Papæ. Lib. 9 cap. 6.*

Lectio 4.
Qui, post Orionas, Hyadum nomine, nisi Doctores sanctæ Ecclesiæ designantur? Qui subductis Martyribus, eo jam tempore ad mundi notitiam venerunt, quo fides clarius elucet: & repressâ infidelitatis hieme, altius per corda fidelium sol veritatis calet. Qui remotâ tempestate persecutionis, expletis longis noctibus infidelitatis; tunc sanctæ Ecclesiæ orti sunt, cum ei jam per credulitatis vernum lucidior annus aperitur.

R. Inveni David servum meum, oleo sancto meo unxi eum: * Manus enim mea auxiliabitur ei. Alleluia. ¶ Nihil proficiet inimicus in eo, & filius iniquitatis non nocebit ei. Manus enim.....

Lectio 5.

Nec immeritò Doctores sancti Hyadum nuncupatione signantur. Græco quippe eloquio hyetos pluvia vocatur: & Hyades nomen à pluviis acceperunt, quia ortæ proculdubiò imbres ferunt. Benè ergo Hyadum appellatione expressi sunt, qui ad statum universalis Ecclesiæ quasi in cœli faciem deducti, super arentem terram humani pectoris sanctæ prædicationis imbres fuderunt. Si enim prædicationis sermo pluvia non esset, Moyses minimè dixisset: Expectetur sicut pluvia eloquium meum: & nequaquam per Isaiam Veritas diceret: Mandabo nubibus meis, ne pluant super eam imbrem: atque hoc, quod paulò ante protulimus: Quamobrem prohibitæ sunt stellæ pluiarum.

R. Posui adjutorium super potentem, & exaltavi electum

de plebe meâ: * Manus enim mea auxiliabitur ei. Allel. v̄. Inveni David servum meum, oleo sancto meo unxi eum. Manus enim.....

Lectio 6.

Dum ergo Hyades cum pluviis veniunt, ad cœli spatia altiora sol ducitur: quia apparente Doctorum scientiâ, dum mens nostra imbre prædicationis infunditur, fidei calor augetur. Et perfusâ terrâ ad fructum proficit, cum lumen ætheris agnoscit; quia uberius frugem boni operis reddimus, dum per sacræ eruditionis flammam in corde clarius ardemus. Dumque per eos diebus singulis magis magisque scientia cœlestis ostenditur, quasi interni nobis luminis vernum tempus aperitur: ut novus sol nostris mentibus rutilet, & eorum verbis nobis cognitus, seipso quotidie clarior micet. Urgente etenim mundi fine, superna scientia proficit, & largius cum tempore excrescit.

R̄. Iste est qui ante Deum magnas virtutes operatus est, & omnis terra doctrinâ ejus repleta est. * Ipse intercedat pro peccatis omnium popu-

lorum. Alleluia. v̄. Iste est qui contempsit vitam mundi, et pervenit ad cœlestia regna. Ipse... Gloria Patri..... Ipse...

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. 5.

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia Sancti Augustini
Episcopi.

Lib. 1 de Sermone Dñi. in monte,
cap. 6. tom. 4.

Ostendit Dominus fatuos esse judicandos, qui temporalium bonorum vel copiam sectantes, vel inopiam metuentes, amittunt æterna, quæ nec dari possunt ab hominibus, nec auferri. Itaque si sal infatuatum fuerit, in quo salietur? Id est, si vos, per quos condiendi sunt quodammodo populi, metu persecutionum temporalium amiseritis regna cœlorum; qui erunt homines,

per quos à vobis error auferatur, cum vos elegerit Deus, per quos errorem auferat ceterorum.

R. Amavit eum Dominus, & ornavit eum: stolam gloriæ induit eum. * Et ad portas paradisi coronavit eum. V. Induit eum Dominus lorica fidei, & ornavit eum. Et ad portas.....

Lectio 8.

Ergo ad nihilum valet sal infatuatum, nisi ut mittatur foràs, & calcetur ab hominibus. Non itaque calcatur ab hominibus qui patitur persecutionem; sed qui persecutionem timendo infatuatur. Calcari enim non potest nisi inferior; sed inferior non est qui, quamvis corpore multa in terrâ sustineat, corde tamen fixus in cœlo est.

R. In medio Ecclesiæ aperuit os ejus: * Et implevit eum Dominus spiritu sapientiæ, & intellectus. V. Jucunditatem, & exultationem thesau-

rizavit super eum. Et implevit..... Gloria Patri..... Et implevit.....

Lectio 9.

Vos estis lumen mundi. Quomodò dixit superiùs sal terræ, sic nunc dicit lumen mundi. Nam neque superiùs ista terra accipienda est quam pedibus corporeis calcamus; sed homines qui in terra habitant, vel etiam peccatores, quorum condiendis, & extinguendis putoribus Apostolicum salem Dominus misit. Et hic mundum, non cœlum, & terram; sed homines qui sunt in mundo, vel diligunt mundum, oportet intelligi, quibus illuminandis Apostoli missi sunt. Non potest civitas abscondi super montem posita: id est, fundata super insignem, magnamque justitiam, quam significat etiam ipse mons in quo disputat Dominus.

Te Deum laudamus.....

DIE XXVI JUNII.

In festo Sancti Pelagii Martyris. Duplex.

Omnia de communi unius Martyris præter ea, quæ hic habentur propria.

Officium SS. Joannis & Pauli transfertur in diem sequentem, quæ si fuerit Dominica, transfertur post Octavas S. Joannis & Sanctorum Apostolorum.

Oratio.

Præsta, quæsumus omnipotens Deus, ut, intercedente beato Pelagio martyre tuo, & à cunctis adversitatibus liberemur in corpore, & à pravis cogitationibus mundemur in mente. Per Dominum nostrum.....

IN PRIMO NOCTURNO *lectiones de Scriptura occurrente.*

IN SECUNDO NOCTURNO.

Lectio 4.

Ex Raguele Presbytero scriptore.

Pelagius, elegantissimæ formæ, atque expectatæ virtutis puer, anno ætatis suæ decimo pro Ermoigio Tudensi Episcopo, cujus sobrinus erat, obses Habdarraghmam Ara-

bum Regi datus, Cordubæ in vinculis positus fuit, ubi triennium & sex menses detentus, totum illud tempus in sacris meditationibus, atque in comparandis virtutibus, Deique laudibus consumpsit. Cum quadam die egregia pueri forma Regi nuntiaretur, misit qui eum ad se regiâ indutum veste adducerent. Quem illi-
co, ejus forma delectatus, muneribus, pollicitationibus ac blanditiis à religione Christianâ totis viribus avertere conatur. At verò Pelagius universa despiciens, ac irridenda esse intelligens: Quæ demonstras (inquit) o Rex, nihil sunt, & Christum non negabo: Christianus sum, fui, & ero. Hæc omnia finem habent; Christus autem, quem

colo, nescit habere finem, quia nec initium habet ullum: ipse namque est, qui cum Patre & Spiritu Sancto unus permanet Deus, qui nos ex nihilo fecit, & universâ potestate continet.

R). Honestum fecit illum Dominus, et custodivit eum ab inimicis, & à seductoribus tutavit illum: * Et dedit illi claritatem æternam. ¶. Descenditque cum illo in foveam: & in vinculis non dereliquit eum. Et dedit.....

Lectio 5.

Deindè, cum Rex ad sanctum puerum accedens, eo (quod vel audire nefas est) abuti tentaret: Tolle, canis, inquit ille, numquid me similem tui effœminatus existimas? Moxque vestimenta, quibus indutus erat, scindens, fortem Christi militem se esse declaravit, eligens dignè pro ejus gloriâ mori, quàm turpiter vitiiis inquinari. Verum Rex ipsum adhuc suaderi posse ad quod volebat, arbitratus, quibusdam è suis præcepit ut eum à Christianæ religionis proposito blanditiis abducere studerent. Sed, cum ille in Christi fide cons-

tantior appareret, seque Christianum esse liberâ voce confiteretur, Christique præceptis perpetuò se obtemperaturum assereret, Regis jusu immanissimè excruciatu est.

R). Desiderium animæ ejus tribuisti ei Domine: * Et voluntate labiorum ejus non fraudasti eum. ¶. Quoniam prævenisti eum in benedictionibus dulcedinis: posuisti in capite ejus coronam de lapide pretioso. Et voluntate....

Lectio 6.

Rex enim ubi hæc cognovit, furenti irâ commotus, eum membratim scindi jussit: quod tormenti genus hilari vultu beatus puer sustinebat, ut qui mori pro Christo non recusabat. Ejus corpus in Bætium flumen, eodem impio Rege jubente, projectum, atque à fidelibus inventum, honorificè ad sepulturam delatum est. Nunc verò Oveti in Ecclesiâ monialium Sancti Benedicti, quæ Sancti Pelagii dicitur, magnâ religione asservatur. Complevit autem Sanctus Pelagius martirium die Dominicâ, horâ decimâ, sexto Kalendas Julias,

anno nongentesimo vigesimo quinto.

R. Stolâ jucunditatis induit eum Dominus: * Et coronam pulchritudinis posuit super caput ejus. * Cibavit illum Dominus pane vitæ, & intellectus, & aquâ sapientiæ salutaris potavit illum. Et coronam..... Gloria Patri..... Et coronam.....

IN TERTIO NOCTURNO.

Lectio sancti Evangelii secundum Joannem.

Lectio 7. *Cap. XII, d.*

In illo tempore: Dixit Jesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

Homilia Sancti Augustini
Episcopi.

Tract. 51 in Joannem sub medium.

Ipse Dominus Jesus erat granum mortificandum, & multiplicandum; mortificandum infidelitate Judæorum, multiplicandum fide populorum. Jam verò exhortans ad passionis suæ sectanda vestigia, Qui amat, inquit, ani-

mam suam perdet eam. Quod duobus modis intelligi potest. Qui amat, perdet: id est, si amas, perdes. Si cupis vitam tenere in Christo, noli mortem timere pro Christo. Item alio modo: Qui amat animam suam, perdet eam: noli amare ne perdas: noli amare in hac vitâ, ne perdas in æternâ vitâ.

R. Corona aurea super caput ejus: * Expressa signo sanctitatis, gloriâ honoris, & opus fortitudinis. ¶. Quoniam prævenisti eum in benedictionibus dulcedinis, postuisti in capite ejus coronam de lapide pretioso. Expressa.....

Lectio 8.

Hoc autem, quod posteriùs dixi, magis habere videtur Evangelicus sensus; sequitur enim: Et qui odit animam suam in hoc mundo, in vitam æternam custodit eam. Ergo, quod supra dictum est, qui amat (subintelligitur in hoc mundo) ipse utique perdet: qui autem odit (utique in hoc mundo) in vitam æternam ipse custodit eam. Magna, & mira sententia, quemadmodum sit hominis in animam suam amor ut pereat,

odium ne pereat. Si malè amaveris, tunc odisti: si benè oderis, tunc amasti. Felices qui oderunt custodiendo, ne perdant amando.

R). Hic est verè martyr, qui pro Christi nomine sanguinem suum fudit: * Qui minas iudicum non timuit, nec terræ dignitatis gloriam quæsit, sed ad cœlestia regna pervenit. v. Justum deduxit Dominus per vias rectas, & ostendit illi regnum Dei. Qui minas..... Gloria Patri..... Qui minas.....

Lectio 9.

Sed vide ne tibi subrepat ut te ipsum velis interimere, sic intelligendo, quod debes odisse in hoc mundo animam tuam. Hinc enim quidam ma-

ligni atque perversi homines, & in se ipsis crudeliores, & sceleratiores homicidæ, flammis se donant, aquis se præfocant, præcipitiose collidunt, & pereunt. Hoc Christus non docuit; immò etiam diabolo præcipitium suggerenti respondit: Reddi retro Satanas; scriptum est: Non tentabis Dominum Deum tuum. Petro autem dixit, significans qua morte clarificaturus erat Deum: Cum esses junior, cingebas te, & ambulabas quò volebas: cum autem senueris, alter te cinget, & feret quò tu non vis. Ubi satis expressit, non à se ipso, sed ab alio debere occidi, qui vestigia sequitur Christi.

Te Deum laudamus.....

DIE XVI JULII.

In festo Triumphi S. Crucis. Duplex majus.

Omnia ut in Breviario in Sanctis Hispaniæ.

DIE XVIII JULII.

In festo commemorationis solemnibus Beatæ Virginis Mariæ de Monte Carmelo. Duplex majus.

Omnia ut in Breviario Romano.

DIE XXV JULII.

In festo Sancti Jacobi Apostoli, Hispaniarum præcipui Patroni. Duplex primæ clasis.

Omnia ut in Breviario in Sanctis Hispaniæ.

DIE XXVI JULII.

In festo Sanctæ Annæ, Matris B. Mariæ Virginis. Duplex.

Omnia ut in Breviario Romano.

DIE XI AUGUSTI.

In festo Translationis Sancti Froylani, Patroni nostri, Episcopi & Confessoris. Duplex.

Omnia ut in communi Confessoris Pontificis, præter ea quæ hic habentur propria.

Oratio.

Exaudi, quæsumus Domine, preces nostras, quas in beati Froylani Confessoris tui atque Pontificis translatione deferimus: & qui tibi dignè meruit famulari, ejus interceden-

tibus meritis, ab omnibus nos absolve peccatis. Per Dominum.....

In hymno Iste Confessor, ad Matutinum dicatur:

Hac die lætus meruit supremos Laudis honores.

Lectioes PRIMI NOCTURNI leguntur de Scriptura occurrente.

IN SECUNDO NOCTURNO.

Lectio 4.

In Hispaniæ devastatione, cum res adhuc ex Barbarorum sententiâ succederent, fideles, quam diligentissimè poterant, sanctorum corpora servare conabantur. Quare Legionenses, metu Almanzoris Maurorum Regis, timentes ne Sancti Froylani præcipui eorum Patroni corpus Agareni contemptui haberent; illud ab Ecclesiâ Cathedrali sublatum, extra Civitatem in quadam Ecclesiâ Sancti Petri nomine Deo dicata, occultarunt. Indè in montem, ubi in solitudine diu sanctissimè vixerat, translatum. Demum per legatum Apostolicæ Sedis, in eandem Cathedralem Ecclesiam restitutum, & à Legionensibus summâ celebritate & lætitiâ exceptum, in majori altari honorificè in thecâ argentæ reconditum est.

R). Inveni David servum meum, oleo sancto meo unxi eum: * Manus enim mea au-

xiliabitur ei. v. Nihil proficiet inimicus in eo, & filius iniquitatis non nocebit ei. Manus enim.....

Sermo Sancti Maximi Episcopi.

Homil. 59 quæ est 2 de S. Eusebio Vercellensi.

Lectio 5.

Ad sancti ac beatissimi Patris nostri Froylani, cujus hodie translationem celebramus, laudes addidisse aliquid, decerpisse est: siquidem virtutum ejus gratia non sermonibus exponenda est, sed operibus comprobanda. Cum enim dicat Scriptura: Gloria Patris est filius sapiens: quantæ hujus sunt gloriæ, qui tantorum filiorum sapientiâ & devotione lætatur? In Christo enim Jesu per Evangelium ipse nos genuit.

R). Posui adjutorium super potentem, & exaltavi electum de plebe meâ: * Manus enim mea auxiliabitur ei. v. Inveni David servum meum, oleo sancto meo unxi eum. Manus enim.....

Lectio 6.

Quidquid igitur in hac

sanctâ plebe potest esse virtutis & gratiæ, de hoc quasi quodam fonte lucidissimo, omnium rivulorum puritas emanavit. Etenim, quia castitatis pollebat vigore, quia abstinentiæ gloriabatur angustiis, quia blandimentis erat præditus lenitatis, omnium civium in Deum provocavit affectum: quia Pontificis administratione fulgebat, plures è discipulis reliquit sui sacerdotii successores.

℞. Iste est qui ante Deum magnas virtutes operatus est, & omnis terra doctrinâ ejus repleta est: * Ipse intercedat pro peccatis omnium populorum. ✓. Iste est qui contempsit vitam mundi, & pervenit ad cœlestia regna. Ipse... Gloria Patri..... Ipse.....

IN TERTIO NOCTURNO.

Lectio sancti Evangelii secundum Matthæum.

In illo tempore: Dixit Jesus discipulis suis: Vigilate quia nescitis qua horâ Dominus vester venturus sit. Et reliqua.

Homilia Sancti Hilarii Episcopi.

Comment. in Matth. can. 26 in fin.

Ut ignorantiam illam diei omnibus taciti, non sine utilis silentii ratione esse sciremus, vigilare nos Dominus propter adventum furis admonuit, & orationum assiduitate detentos, omnibus præceptorum suorum operibus inhærere. Furem enim esse ostendit zabulum, ad detrahenda ex nobis spolia pervigilem, & corporum nostrorum domibus insidiantem: ut ea, incuriosis nobis, & somno deditis, consiliorum suorum atque illecebrarum jaculis perfodiat. Paratos igitur esse nos convenit: quia diei ignoratio intentam solitudinem suspensæ expectationis exagitet.

℞. Amavit eum Dominus, & ornavit eum, stolam gloriæ induit eum: * Et ad portas paradisi coronavit eum. ✓. Induit eum Dominus lorica[m] fidei, & ornavit eum. Et ad portas.....

Lectio 8.

Quisnam est fidelis servus & prudens, quem consti-

tuit Dominus super familiam suam? Quamquam in commune nos ad indefessam vigilantiae curam adhortetur; specialem tamen populi principibus, id est Episcopis, in expectatione adventuque suo sollicitudinem mandat. Hunc enim servum fidelem atque prudentem, praepositum familiae significat, commoda atque utilitates commissi sibi populi curantem. Qui si dicto audiens & praecipis obediens erit, id est, si doctrinae opportunitate, & veritate infirma confirmet, disrupta consolidet, depravata convertat, & verbum vitae in aeternitatis cibum alendae familiae dispendat, atque haec agens, hisque immorans deprehendatur, gloriam à Domino tamquam dispensator fidelis, & villicus utilis consequetur, & super omnia bona constituetur; id est, in Dei gloria collocabitur: quia nihil sit ultra, quod melius sit.

¶ Sint lumbi vestri praecincti, & lucernae ardentes in manibus vestris: * Et vos similes hominibus expectantibus Dominum suum quando revertatur à nuptiis. † Vigilate ergo, quia nescitis qua ho-

ra Dominus vester venturus sit. Et vos similes.... Gloria Patri.... Et vos similes....

Pro SS. Martyribus Tiburtio & Susanna.

Lectio 9.

Tiburtius Chromatii Praefecti Urbis filius, Sancti Sebastiani operam Christianus, cum ob eam causam ad Fabianum judicem adductus esset, multaque apud illum de Christi fide praedicaret; ex candescens iudex pavementum candentibus carbonibus sterni jubet. Mox, Tiburti, inquit, vel diis nostris sacrifices oportet, vel per istos carbones nudis pedibus tibi incedendum est. At ille, crucis signo se muniens, fidenterque ambulans in pruna: Disce, inquit, ex hoc solum esse Deum, quem Christiani colunt: pruna enim mihi flores videntur. Quod, cum magicis artibus tribueretur, extra Urbem ductus Tiburtius, ac via Lavicanam tertio ab Urbe lapide gladio percussus, ibi à Christianis sepelitur. Quo die Susanna virgo nobilissima, quod Galerii Maximiani, filii Diocletiani Impe-

ratoris, conjugium recusaret, ut quæ virginitatem Deo voverat; post multa tormentorum genera, quibus variè tentatum est sanctum virginis propositum, domi suæ jussu Imperatoris gladio percussa, ad duplex virginitatis & martyrii præmium migravit in coelum.

Te Deum laudamus.....

DIE XV AUGUSTI.

In Assumptione B. Mariæ Virginis, titulari Almæ Ecclesiæ Legionensis. Duplex primæ classis ut in Breviario.

DIE II SEPTEMBRIS.

In festo Sancti Antonini Martyris. Duplex secundæ classis, cum Octava in tota Diocesi.

Omnia de communi unius Martyris, præter ea quæ hic habentur propria.

Oratio.

Præsta, quæsumus omnipotens Deus, ut qui beati Antonini Martyris tui natalitia colimus, intercessionè ejus in tui nominis amore roboremur. Per Dominum nostrum.....

IN LAUDIBUS fit commemoratio Octavæ Sancti Laurentii, & SS. Tiburtii, &c.

IN SECUNDIS VESPERIS à Capitulo fit de S. Clara, cum commemoratione S. Froylani, & Octavæ S. Laurentii.

IN PRIMO NOCTURNO.

De Epistola beati Pauli Apostoli ad Romanos.

Lectio 1. Cap. VIII, c.

Fratres, Debtores sumus

non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim spiritu Dei aguntur, ii sunt filii Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus: Abba (Pater). Ipse enim Spiritus testimonium reddit spiritui nostro, quod sumus filii Dei. Si autem filii, & heredes; heredes quidem Dei, coheredes autem Christi: si tamen compatimur, ut & conglorificemur. Existimo enim quod non sunt condignæ passioneshujus temporis ad futuram gloriam, quæ revelabitur in nobis. Nam expectatio creaturæ, revelationem filiorum Dei expectat.

R). Iste sanctus pro lege Dei sui certavit usque ad mortem, & à verbis impiorum non timuit: * Fundatus enim erat supra firmam petram. ¶ Iste est qui contempsit vitam mundi, & pervenit ad cœlestia regna. Fundatus.....

Lectio 2.
Scimus autem quoniam

diligentibus Deum omnia cooperantur in bonum, iis qui secundum propositum vocati sunt sancti. Nam quos præcivit, & prædestinavit conformes fieri imaginis Filii sui, ut sit ipse primogenitus in multis fratribus. Quos autem prædestinavit, hos & vocavit: & quos vocavit, hos & justificavit: quos autem justificavit, illos & glorificavit. Quid ergo dicemus ad hæc? Si Deus pro nobis quis contra nos? Qui etiam proprio Filio suo non perperit, sed pro nobis omnibus tradidit illum: quomodò non etiam cum illo omnia nobis donavit? Quis accusabit adversus electos Dei? Deus qui justificat, quis est qui condemnet? Christus Jesus, qui mortuus est, immò qui & resurrexit, qui est ad dexteram Dei, qui etiam interpellat pro nobis.

R). Justus germinabit sicut liliium: * Et florebit in æternum ante Dominum. ¶ Plantatus in domo Domini, in atriiis domus Dei nostri. Et florebit.....

Lectio 3.

Quis ergo nos separabit à charitate Christi? Tribulatio?

an angustia? an fames? an nuditas? an periculum? an persecutio? an gladius? (sicut scriptum est: Quia propter te mortificamur totâ die, æstimati sumus sicut oves occisionis). Sed in his omnibus superamus propter eum qui dilexit nos. Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Jesu Domino nostro.

R. Iste cognovit justitiam, & vidit mirabilia magna, & exoravit Altissimum: * Et inventus est in numero sanctorum. ¶ Iste est qui contempsit vitam mundi, & pervenit ad cœlestia regna. Et inventus..... Gloria Patri..... Et inventus.....

IN SECUNDO NOCTURNO.

Ex monumentis Ecclesie Palentinæ, Roderico Toletano, & aliis.

Lectio 4.

Antoninus, nobili genere

(ut fertur) natus, ab ineunte ætate pietati addictus, in omni vitâ Christianis virtutibus præluxit, puer ab omni intemperantiâ refugit, fidem Catholicam, pro qua sanguinem fundere summoperè cupiebat, perpetuò retinuit. Miracula quamplurima edidit: ægros enim sanavit, dæmones ex hominum corporibus eiecit, cæcis visum, surdis auditum, mutis loquelam restituit. Cum autem aliquandò ab impiis fideles tormentis subjici cerneret, eos, ut in fide Catholicâ, & Ecclesiâ permanerent, hortabatur. Quadam die Beatus Antoninus, ubi ad Sanctorum martyrum sepulchra oravit, ab impietatis ministris comprehensus, & ab eis gladio cæsus, martyrii palmam accepit. Ejus corpus membratim descruptum, in flumen unâ cum capite ab eisdem, ne à piis viris sepeliretur, projectum est.

R. Honestum fecit illum Dominus, & custodivit eum ab inimicis, & à seductoribus tutavit illum: * Et dedit illi claritatem æternam. ¶ Descenditque cum illo in foveam,

& in vinculis non dereliquit eum. Et dedit....

Lectio 5.
Fideles autem post ejus martyrium ad eum locum accedentes, beatas ejus reliquias in littore divinitus inventas, honorifico sepulchro recon-
diderunt: quæ in Ecclesiam Palentinam postea translatae sunt: ad quarum tactum puer, qui à magnâ populi frequen-
tiâ, quæ ad sacra pignora veneranda confluxerat, in sinu matris oppressus fuerat, statim revixit. Sancius Castellæ Rex, dictus Major, cum ab eodem martyre, ad cujus o-
pem confugerat, dextri brachii usum, quem amiserat, recuperasset, Ecclesiam ejus nomine, beneficii memor, extruendam curavit.

R). Desiderium animæ ejus tribuisti ei Domine: * Et voluntate labiorum ejus non fraudasti eum. v. Quoniam prævenisti eum in benedictionibus dulcedinis: posuisti in capite ejus coronam de lapide pretioso. Et voluntate....

De expositione Sancti Ambrosii Episcopi, in Psalmum centesimum decimum octavum. *Sermo 21.*

Lectio 6.

Principes persecuti sunt me gratis: & à verbis tuis trepidavit cor meum. Benè hoc Martyr dicit, quod injustè persecutionum tormenta sustineat: qui nihil rapuerit, nullum violentus oppresserit, nullius sanguinem fuderit, nullius torum putaverit esse violandum: qui nihil legibus debeat, & graviora latronum sustinere cogatur supplicia: qui loquatur justè, & non audiatur: qui loquatur plena salutis, & impugnetur: ut possit dicere: Cum loquebar illis, impugnabant me gratis. Gratis igitur persecutionem patitur, qui impugnatur sine crimine: impugnatur ut noxius, cum sit in tali confessione laudabilis: impugnatur quasi veneficus, qui in nomine Domini gloriatur, cum pietas virtutum omnium fundamentum sit.

R). Stola jucunditatis induit eum Dominus: * Et coronam

pulchritudinis posuit super caput ejus. *v.* Cibavit illum Dominus panem vitæ, & intellectus: & aquâ sapientiæ salutaris potavit illum. Et coronam..... Gloria Patri..... Et coronam.....

IN TERTIO NOCTURNO.

Lectio sancti Evangelii secundum Joannem.

Lectio 7. Cap. XII, d.

In illo tempore: Dixit Jesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

Homilia Sancti Augustini
Episcopi.

Homilia 51 in Joannem sub medium.

Ipse Dominus Jesus erat granum mortificandum, & multiplicandum; mortificandum infidelitate Judæorum; multiplicandum fide populorum. Jam verò exhortans ad passionis suæ sectanda vestigia, Qui amat, inquit, animam suam, perdet eam. Quod duobus modis intelligi potest. Qui amat, perdet: id est, si

amas, perdes. Si cupis vitam tenere in Christo, noli mortem timere pro Christo. Item alio modo: Qui amat animam suam, perdet eam: noli amare ne perdas: noli amare in hac vitâ, ne perdas in æternâ vitâ.

R. Corona aurea super caput ejus: * Expressa signo sanctitatis, gloriâ honoris, & opus fortitudinis. *v.* Quoniam prævenisti eum in benedictionibus dulcedinis, posuisti in capite ejus coronam de lapide pretioso. Expressa.....

Lectio 8.

Hoc autem, quod posterius dixi, magis habere videtur Evangelicus sensus. Sequitur enim: Et qui odit animam suam in hoc mundo, in vitam æternam custodit eam. Ergo, quod supra dictum est, qui amat (subintelligitur in hoc mundo) ipse utique perdet: qui autem odit (utique in hoc mundo) in vitam æternam ipse custodit eam. Magna, & mira sententia, quemadmodum sit hominis in animam suam amor ut pereat, odium ne pereat. Si malè amaveris, tunc odisti: si benè oderis, tunc amasti.

Felices qui oderunt custodiendo, ne perdant amando.

℞. Hic est verè martyr, qui pro Christi nomine sanguinem suum fudit: * Qui minas judicum non timuit, nec terrenæ dignitatis gloriam quæsivit, sed ad cœlestia regna pervenit. √. Justum deduxit Dominus per vias rectas, & ostendit illi regnum Dei. Qui minas.... Gloria Patri.... Qui minas.....

Lectio 9.

Sed vide ne tibi subrepat ut te ipsum velis interimere, sic intelligendo, quod debes odisse in hoc mundo animam tuam. Hinc enim quidam maligni atque perversi homines, & in se ipsis crudeliores, &

sceleratiores homicidæ, flammis se donant, aquis se præfocant, præcipitio se collidunt, & pereunt. Hoc Christus non docuit: immò etiam diabolo præcipitium suggerenti respondit: Reddi retrò satanas; scriptum est, Non tentabis Dominum Deum tuum. Petro autem dixit, significans qua morte clarificaturus erat Deum: Cum esses junior, cingebas te, & ambulabas quò volebas: cum autem senueris, alter te cinget, & feret quò tu non vis. Ubi satis expressit non à se ipso, sed ab alio debere occidi, qui vestigia sequitur Christi.

Te Deum laudamus.....

DIE III SEPTEMBRIS,

Secunda die infra Octavam Sancti Antonini.

Officium fit de Sancto Stephano, Rege Hungariæ Confessore, ut in Breviario. Sed si fuerit dies Dominica, transfertur post Octavam Nativitatis Beatæ Mariæ Virginis: in Laudibus fit commemoratio Sancti Antonini.

IN SECUNDIS VESPERIS, Capit. Sanctæ Rosaliæ, commemoratio Sancti Stephani, & Octava.

 DIE IV SEPTEMBRIS,

Tertia die fit de Sancta Rosalia Virgine. Semiduplex cum commemoratione Octavæ.

Vesperæ Sancti Juliani, commemoratio Sanctæ Rosaliæ, & Octavæ.

DIE V SEPTEMBRIS,

Quarta die, fit de commemoratione Sancti Juliani Episcopi Conchensis. Duplex, cum commemoratione Octavæ in Laudibus, & in secundis Vesperis.

DIE VI SEPTEMBRIS,

Quinta die infra Octavam Sancti Antonini.

IN PRIMO NOCTURNO *lectiones de Scriptura occurrente.*

IN SECUNDO NOCTURNO.

De Sermone Sancti Augustini Episcopi.

Sermo 44 de Sanctis.

Lectio 4.

Patienter permittunt ægroti se à medicis secari, uri, &

variis amaritudinum confectionibus anxari, ut temporali tandem sanitati restituantur. Quantò magis vir beatus longanimitèr toleravit omnem acerbitatem tormentorum temporalium, ut coronetur in misericordia, & miserationibus, & in bonis satiaretur desiderium suum. In

torculari: itaque conculcari voluit tamquam uva matura ut vinum deflueret, & vinum malorum granatorum dilecto suo propinaret, quo mentes religiosæ inebriatæ sciunt viriliter conculcari, & ad æterna non retortis oculis anhelare.

℞). Honestum fecit illum Dominus, & custodivit eum ab inimicis, & à seductoribus tutavit illum: * Et dedit illi claritatem æternam. √. Descenditque cum illo in foveam: & in vinculis non dereliquit eum. Et dedit.....

Lectio 5.

Qui enim in tyrocinio suo mundanas contempsit divitias, qui corporales etiam refrenavit illecebras, qui in propectu militiæ suæ multas est perpeusus injurias, in perfectione sacrificii nihil sibi reservans, se ipsum obtulit holocaustum, bibens illum calicem pretiosum, quem sedens ad magnam mensam sacræ lectionis, sibi prius ab invitatore suo videbat appositum. Cujus mors quantumcumque videatur in conspectu reproborum despicibilis, in oculis tamen ejus est pretiosa, qui

in sanctis suis est mirabilis. Ipse enim primò vocavit militem suum, ipse justificavit, ipse magnificavit, ipse dedit ei pugnare, ipse dedit & vincere. Longè est dissimilis hæc militia mundanæ militiæ, in qua victores existimantur qui quod malè desiderant assequuntur, qui lætantur cum malè fecerint, & exultant in rebus pessimis.

℞). Desiderium animæ ejus tribuisti ei Domine: * Et voluntate labiorum ejus non fraudasti eum. √. Quoniam prævenisti eum in benedictionibus dulcedinis, posuisti in capite ejus coronam de lapide pretioso. Et voluntate....

Lectio 6.

In christiano ergo agone manifesta est pœna, occulta victoria, secundum quod ex personâ martyrum clamat Psalmista: Deus tu repulisti nos, & non exhibis in exercitibus nostris. Da nobis auxilium de tribulatione, quia vana salus hominis; in Deo faciemus virtutem. Tamquam si diceret: Victoria nostra, gloria nostra intus est, non foris est: foris despecti, intus dilecti. Hinc est, quod Eccle-

sia in pressuris posita, infirmiora membra sua confortat, dicens: In mundo pressuram habebitis; sed nolite timere pusillus grex, quia ego vici mundum. Sed quomodò vicit mundum? Factus est obediens Patri usque ad mortem. Quid autem de morte? Propter quod & Deus illum exaltavit, & donavit illi nomen quod est super omne nomen. Quomodò vicit Christus, vincere appetat Christianus, & ubi est Christus, esse mereatur & Christianus. Audi, christianæ militiæ persecutor, ipsum Christum pro militibus suis sic orantem: Volo Pater, ut ubi ego sum, illic sit & minister meus.

R). Stola jucunditatis induit eum Dominus: * Et coronam pulchritudinis posuit super caput ejus. ¶ Cibavit illum Dominus pane vitæ & intellectus: & aqua sapientiæ salutaris potavit illum. Et coronam..... Gloria Patri..... Et coronam.

IN TERTIO NOCTURNO.

Lectio sancti Evangelii secundum Joannem.

Lectio 7. Cap. XII.

In illo tempore: Dixit Jesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

De Homiliâ Sancti Augustini Episcopi.

Ex tract. 51 in Joannem.

Nullò modò igitur de hujuscemodi ministris diceret Dominus: Ubi sum ego, illic & minister meus erit: Et si quis mihi ministraverit, honorificavit eum Pater meus, quoniam Judam talia ministrantem, reprobaturum potius quàm honoratum videmus. Ut quid ergo alibi quærimus quid sit ministrare Christo, & non potius in istis ipsis verbis agnoscimus? Cum enim dixit: Si quis mihi ministrat, me sequatur: hoc intelligi voluit ac si diceret: si quis me non sequitur, non mihi ministrat. Ministrant ergo Jesu Christo qui non sua quæ-

runt, sed quæ Jesu-Christi.

℞. Corona aurea super caput ejus: * Expressa signo sanctitatis, gloriâ honoris, & opus fortitudinis. √. Quoniam prævenisti eum in benedictionibus dulcedinis, posuisti in capite ejus coronam de lapide pretioso. Expressa.....

Lectio 8.

Hoc est enim: Me sequatur, vias ambulet meas, non suas: sicut alibi scriptum est: Qui dicit se in Christo manere, debet, sicut ipse ambulavit, & ipse ambulare: debet etiam, si porrigit esurienti panem, de misericordiâ facere, non de jactantiâ: non aliud ibi quærens quàm opus bonum, nesciente sinistrâ quid faciat dextra, id est, ut alienetur intentum cupiditatis ab opere charitatis. Qui sic ministrat, Christo ministrat, rectèque illi dicitur: Cum uni ex minimis meis fecisti, mihi fecisti. Nec ea tantùm quæ ad misericordiam pertinent corporalem, sed omnia bona opera propter Christum faciens; tunc enim erunt bona; quoniam finis legis Christus ad justitiam omni credenti.

℞. Hic est verè martyr, qui pro Christi nomine sanguinem suum fudit: * Qui minas judicum non timuit, nec terrenæ dignitatis gloriam quæsivit, sed ad cœlestia regna pervenit. √. Justum deduxit Dominus per vias rectas, & ostendit illi regnum Dei. Qui minas..... Gloria Patri.... Qui minas.....

Lectio 9.

Minister est Christi usque ad illud opus magnæ charitatis, quod est animam suam pro fratribus ponere: hoc est enim, & pro Christo ponere: quia & hoc propter sua membra dicturus est: Cum pro istis fecistis, pro me fecistis. De tali quippe opere etiam se ministrum facere, & appellare dignatus est, ubi ait: Sicut filius hominis non venit ministrari sed ministrare, & animam suam ponere pro multis. Hinc est ergo unusquisque minister Christi, undè est minister & Christus. Sic ministrantem Christo honorificavit Pater ejus honore illo magno, ut sit cum filio ejus, nec umquam deficiat felicitas ejus.

Te Deum laudamus.....

DIE VII SEPTEMBRIS.

*Sexta die infra Octavam Sancti Antonini.*IN PRIMO NOCTURNO *lectiones de Scriptura occurrente.*

IN SECUNDO NOCTURNO.

Sermo Sancti Augustini Episcopi.

*Sermo 45 de Sanctis.**Lectio 4.*

Psalmus qui cantatur Domino, videtur sanctis martyribus convenire. Sed si membra Christi sumus, sicut esse debemus, ad omnes nos pertinere intelligamus: Qui seminant in lacrymis, in gaudio metent. Euntes ibant & flebant mittentes semina sua. Venientes autem venient cum exultatione, portantes manipulos suos. Quò euntes, & undè venientes? Quid seminantes in lacrymis? Quæ sunt semina? Qui manipuli? Euntes in mortem, venientes à morte: euntes nascendo, venientes resurgendo: seminantes opera bona, metentes mer-

cedem æternam. Semina ergo sunt nostra quidquid boni fecerimus, manipuli nostri quod in fine recipiemus.

ñ. Honestum fecit illum Dominus, & custodivit eum ab inimicis, & à seductoribus tutavit illum: * Et dedit illi claritatem æternam. †. Descenditque cum illo in foveam, & in vinculis non dereliquit eum. Et dedit....

Lectio 5.

Si ergo bona sunt semina nostra bona opera, quare seminantur cum lacrymis, cum hilarem datorem diligit Deus? Hic primùm videte, charissimi, quomodò maximè ad beatos martyres verba ista pertineant. Nulli enim tantùm impenderunt, quàm illi qui se ipsos impenderunt, sicut dicit Apostolus Paulus: Et ipse impendar pro animabus vestris: Impenderunt enim se ipsos confitendo Christum, &

implendo in ejus adjutorio quod dictum est: Ad mensam magnam sedisti, scito quoniam talia te oportet præparare. Quæ est magna mensa, nisi undè accipimus corpus Christi & sanguinem? Quid est, scito quoniam talia te oportet præparare, nisi quod beatus Joannes exponit: Sicut Christus pro nobis animam suam posuit, sic & nos debemus pro fratribus animam ponere? Ecce quantum impenderunt.

R. Desiderium animæ ejus tribuisti ei Domine: * Et voluntate labiorum ejus non fraudasti eum. v. Quoniam prævenisti eum in benedictionibus dulcedinis: posuisti in capite ejus coronam de lapide pretioso. Et voluntate.....

Lectio 6.

Sed numquid sancti martyres perierunt, quandò securitatem à Domino etiam de capillo acceperunt? Perit manus, ubi non perit pilus? Perit caput, ubi non perit capillus? Ubi non perit palpebra, perit oculus? Hac ergo acceptà magnà securitate, impenderunt se ipsos. Operibus ergo bonis seminemus, cum

tempus est, dicente Apostolo: Qui parcè seminat, parcè & metet. Infatigabiles, inquit, cum tempus habemus, operemur bonum ad omnes, maximè autem ad domesticos fidei. Et iterum: Bonum, inquit, facientes non deficiamus: tempore enim suo metemus.

R. Stolâ jucunditatis induit eum Dominus: * Et coronam pulchritudinis posuit super caput ejus. v. Cibavit illum Dominus pane vitæ, & intellectus: & aquâ sapientiæ salutaris potavit illum. Et coronam..... Gloria Patri..... Et coronam.....

IN TERTIO NOCTURNO.

Lectio sancti Evangelii secundum Joannem.

Lectio 8. Cap. XII.

In illo tempore: Dixit Jesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

Homilia Sancti Augustini
Episcopi.

Sermo 100 de diversis.

Illâ Evangelicâ tubâ, quan-

dò ait Dominus : Qui amat animam suam, perdet illam, & qui perdiderit illam propter me, inveniet eam, accensi sunt martyres, & vicerunt : quia non de se, sed de Domino præsumpserunt. Qui amat animam suam, perdet illam, duobus modis intelligi potest ; quod dictum est : Qui amat animam suam, perdet illam. Si amas illam, perdis eam. Et alio modo : Noli amare, ne perdas. Prior modus istum habet sensum : Si amas, perde illam. Si amas ergo illam, si amas ; perde illam. Hic semina illam, & in cœlo metes illam. Agricola triticum si non perdit in semine, non amat in messe.

R. Corona aurea super caput ejus : * Expressa signo sanctitatis, gloriâ honoris, & opus fortitudinis. ¶. Quoniam prævenisti eum in benedictionibus dulcedinis, posuisti in capite ejus coronam de lapide pretioso. Expressa.....

Lectio 8.

Alius modus sic habet: Noli amare illam, ne perdas illam : Videntur sibi amare animas suas, qui timent mori. Animas suas martyres si sic

amassent, sine dubio perdidissent. Quid enim prodesset tenere animam in hac vitâ, & perdere in futurâ? Quid prodesset tenere animam in terrâ, & perdere in cœlo? & quid est ipsum tenere? Quamdiu tenere? Quod tenes, perit à te: si perdis, invenis in te. Ecce tenuerunt animas suas martyres, & quomodò essent martyres, si semper tenuissent? Sed ecce si tenuissent, numquid usque in hodiernum vixissent? Si negando Christum, suas in hac vita animas tenuissent, nonne olim ex hac vitâ transissent, & animas utique perdidissent.

R. Hic est verè martyr, qui pro Christi nomine sanguinem suum fudit: * Qui minas judicum non timuit, nec terrenæ dignitatis gloriam quæsivit, sed ad cœlestia regna pervenit. ¶. Justum deduxit Dominus per vias rectas, & ostendit illi regnum Dei. Qui minas..... Gloria Patri.... Qui minas.....

Lectio 9.

Sed, quia Christum non negaverunt, transierunt de hoc mundo ad Patrem. Quæ-

sierunt Christum confitendo: tenuerunt moriendo. Magno lucro perdidierunt animas suas: fœnum perdentes, coronam promerentes. Coronam, inquam, promerentes, & vitam sine fine tenentes. Fit deniquè, immò factum est in eis quod Dominus subsequenter adjunxit: Et qui perdidit animam suam propter me, inueniet eam. Qui perdidit, inquit, propter me. Tota causa est. Qui perdidit,

non quomodocumque, non qualibet causâ, sed propter me. Illi enim in prophetiâ jam dixerunt martyres: propter te mortificamur totâ die. Propterea martyrem non facit pœna, sed causa.

Te Deum laudamus.....

Vesperæ Natiuitatis Beatæ Mariæ Virginis sine ulla commemoratione, nisi occurrat in Dominica.

DIE VIII SEPTEMBRIS.

Septima die Officium fit de Natiuitate Beatæ Mariæ Virginis. Duplex secundæ classis.

Nona lectio & commemoratio Sancti Adriani, in Laudibus tantùm.

IN SECUNDIS VESPERIS commemoratio Sancti Antonini Aña. & v. ut in primis Vesperis festi, & Sancti Gorgonii martyris, ut in Laudibus.

DIE IX SEPTEMBRIS.

*In Octava Sancti Antonini. Duplex.**Omnia ut in die præter ea quæ hic habentur propria.*IN PRIMO NOCTURNO *lectiones de Scriptura occurrente.*

IN SECUNDO NOCTURNO.

Sermo Sancti Ambrosii Episcopi.

*Serm. 24 de Martyr.**Lectio 4.*

Si quantum me necesse est dicere, & vos oportet audire, tantum prosequi corporis mei posset infirmitas; profectò omnes excusati essemus. Sed ego insinuando præceptum, vos exequendo mandatum: sed quoniam imbecillitate percellimur, quò minus quantum oportet dicere valeamus, excuset nos mentis devotio, quos non excusat prædicationis oratio: hoc est, & si à laudibus Domini linguâ cessamus, mirabilia tamen ejus fidei operibus approbemus; si non loquimur

verbis ejus gloriam, factis exequamur ejus gloriam; quoniam dictis facta priora sunt. Nam Dominus in Evangelio ita dicit: Qui fecerit & docuerit, hic magnus vocabitur in regno cœlorum. Audis ergo quoniam præcedit factum, subsequitur doctrina, siquidem benefacere prima doctrina est. Cessantibus enim verbis hoc ipsum docet hominem opus optimum, dum videtur, quod et si voce aures non excitet, virtute tamen corda compungat.

R). Honestum fecit illum Dominus, & custodivit eum ab inimicis, & à seductoribus tutavit illum: * Et dedit illi claritatem æternam. †. Descenditque cum illo in foveam, & in vinculis non dereliquit eum. Et dedit.....

Lectio 5.

Quis enim bonum factum videns, non gaudeat, miretur, imitetur, ac veluti tacito magistro utens, ejus exemplo doceatur? Dictis igitur facta præcedunt, immò sine factis dicta nihil possunt. Nam ideò & Dominus fieri voluit sic doceri, ne sine bono opere verborum inutilis esset & superstitiosa jactatio. Meliùs ergo docemur facto quàm voce. Denique sancti martyres etsi voce tacent, factorum virtute nos edocent: etsi linguâ silent, martyrii passione persuadent. Undè, quamvis disertus orator facundiâ suâ me doceat, id tamen quod utile est mihi, meliùs disco exemplo sanctorum, quàm assertione verborum. Citiùs mihi persuadent oculi, quod cernunt, quàm auris potest insinuare quod præterit. Auditui enim citò irrepit obliuio: oculorum autem historia semper inspicitur.

R). Desiderium animæ ejus tribuisti ei Domine: * Et voluntate labiorum ejus non fraudasti eum. †. Quoniam præuenisti eum in benedictionibus dulcedinis, posuisti

in capite ejus coronam de lapide pretioso. Et voluntate.....

Lectio 6.

Quis non omnibus horis, momentisque conspiciat, quemadmodum tunc beati martyres propter nomen Christi, diversis subjacere suppliciis, & de ipsis pœnis quodammodò triumphabant? Quantò enim plura patiebantur, tantò se victoriosissimos esse credebant. Victoria enim est martyris judicium persecuentis, sicut scriptum est: Et vincas, cum judicaris. Cum judicatur enim martyr & condemnatur, tunc vincit atque prosternit. Tali enim judicio non est addictus ad mortem, sed absolutus ad requiem. Ac per hoc manifestissimâ ratione vicisse est, non periisse. Constat igitur, sanctos martyres plus passione docere quàm voce, quamquam ipsamet passio sine voce non sit; legimus enim, animas eorum de sub arâ Dei clamare: Quousque sanctus & verus non vindicas sanguinem nostrum? Nam & Deus dicit de sanguine Abel ad Cain: Vox sanguinis fratris tui cla-

mat ad me. Clamare igitur dicitur sanguinis, qui innocens effusus est, non tam voce quàm causâ. Sic & Sanctorum Martyrum animæ clamant, dum fidem, atque innocentiam suam sensibus nostris, ipsâ passione commendant.

R. Stolâ jucunditatis induit eum Dominus: * Et coronam pulchritudinis posuit super caput ejus. ¶ Cibavit illum Dominus pane vitæ, & intellectus: & aquâ sapientiæ salutaris potavit illum. Et coronam..... Gloria Patri..... Et coronam.....

IN TERTIO NOCTURNO.

Lectio sancti Evangelii secundum Joannem.

Lectio 7. Cap. XII.

In illo tempore: Dixit Jesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

Homilia Sancti Joannis Chrysostomi.

Homilia 66 in Joannem.

Dulcis præsens vita est, &

multæ plena voluptatis, non tamen omnibus, sed iis tantum qui illi sunt affixi. Quod si quis in cœlum suspexerit, & quæ ibi præclara sunt contemplatus fuerit, statim hanc contemnet, ac nullius pretii existimabit. Nam & corporum pulchritudo, quoad pulchrius non deprehenditur, in admiratione habetur: cum verò aliud præstantius apparuerit, illa prior despicitur. Quod si illam pulchritudinem etiam nos intueti voluerimus, & cœlestis regni speciem considerare, confestim nos hujus seculi vinculis dissolvemus. Vinculum namque est terrenarum rerum affectio: ad cujus dissolutionem, ut nos induceret Christus, quid dicat, attende: Qui amat animam suam, perdet eam: & qui odit animam suam in hoc mndo, in vitam æternam custodit eam. Ænigmati simile hoc dictum videtur: non tamen ita est, immò verò præcipuæ sapientiæ plenum.

R. Corona aurea super caput ejus: * Expressa signo sanctitatis, gloriâ honoris, & opus fortitudinis. ¶ Quoniam

prævenisti eum in benedictionibus dulcedinis, posuisti in capite ejus coronam de lapide pretioso. Expressa.....

Lectio 8.

Et quomodò qui amat animam suam perdet eam? Qui absurdis ejus cupiditatibus obtemperat, qui præter debitum ei indulget: quem admodum è contrario, qui odit eam in hoc mundo, custodit eam; hoc est, qui non paret ei cum noxia jubet. Et non dixit, qui non paret, sed qui odit. Sicuti enim quos odio habemus, nec vocem quidem audire, nec vultum eorum videre, æquo animo patimur: ita & animæ, si quid præter Dei voluntatem nobis imperat, vehementer adversari oportet. Cum enim jam de morte ad eos verba facturus esset, de morte videlicet suâ, & prævideret eorum tristitiam, & exanimationem, per excessum locutus est inquiens: Quid dico, si mortem meam generosè non feretis? nisi vos ipsi moriamini, nullum vos sequetur emolumentum.

ñ). Hic est verè martyr, qui pro Christi nominae san-

guinem suum fudit: * Qui minas judicium non timuit, nec terrenæ dignitatis gloriam quæsivit, sed ad cœlestia regna pervenit. v. Justum deduxit Dominus per vias rectas, & ostendit illi regnum Dei. Qui minas..... Gloria Patri..... Qui minas.....

Pro Sancto Gorgonio martyre.

Lectio 9.

Gorgonius Nicomediæ natus, Diocletiani Imperatoris cubicularius, Dorotheo collegâ suo adjutore, reliquos omnes cubiculi ministros ad Christi fidem perduxit. Uterque autem cum vidisset quadam die martyrem coram Diocletiano acerbissimè cruciari, ejus exemplo martyrii amore incensus est. Itaque amborum hæc vox erupit: Quid est, Imperator, quod hujus condemnata sententia, quæ nobis cum eo communis est, unum illum punis? Istius nostra etiam est fides, idem propositum. Eos igitur vincitos, Imperator flagellis concidi jubet, ita ut toto corpore cutis dirumperetur, &

in plagis acetum infundi sale permixtum: mox revinctis in craticulâ subjici imperat vim candentium carbonum. Denique variè torti, suspendio necati sunt. Ac sancti Gorgonii corpus aliquandò Romam portatum, inter duas lauros viâ latinâ sepultum, postea, Gregorio Quarto summo Pontifice, in Basilicam Principis

Apostolorum translatum est. Te Deum landamus.....

IN LAUDIBUS *commemoratio Nativitatis Beatæ Mariæ, & Sancti Gorgonii, ut in primis Vesperis. In secundis Vesperis capitulum Sancti Nicolai, commemoratio Sancti Antonini, & Nativitatis Beatæ Mariæ Virginis.*

DIE XXV SEPTEMBRIS.

In festo Sancti Laurentii Justiniani Episcopi, & Confessoris. Semiduplex.

Omnia ut in Breviario Romano, in Sanctis ad libitum. Si venerit in Dominica, omittitur illo anno.

DIE V OCTOBRIS.

In festo Sancti Froylani Episcopi & Confessoris, Legionensis Ecclesie præcipui Patroni. Duplex primæ classis, cum Octavâ in totâ Diocesi.

Omnia de communi Confessoris Pontificis, præter ea quæ hic habentur propria.

Oratio.

Da quæsumus, omnipotens Deus, ut beati Froylani Confessoris tui atque Pontificis

veneranda solemnitas, & devotionem nobis augeat, & salutem. Per Dominum nostrum.....

*Et non fit commemoratio
Sancti Francisci, neque San-
ctorum martyrum Placidi,
& sociorum.*

IN PRIMO NOCTURNO.

De Epistola prima Beati Pauli
Apostoli ad Timotheum.

Lectio 1. Cap. III.

Fidelis sermo: Si quis Epis-
copatum desiderat, bonum
opus desiderat. Oportet ergo
Episcopum irreprehensibilem
esse, unius uxoris virum, so-
brium, prudentem, ornatum,
pudicum, hospitem, doc-
torem, non violentum, non
percussorem, sed modestum;
non litigiosum, non cupidum,
sed suæ domui benè præpo-
situm, filios habentem sub-
ditos cum omni castitate. Si
quis autem domui suæ præ-
esse nescit, quomodò Eccle-
siæ Dei diligentiam habebit?
Non neophytum: ne in su-
perbiam elatus, in iudicium
incidat diaboli. Oportet au-
tem illum & testimonium ha-
bere bonum ab iis qui foris
sunt, ut non in opprobrium
incidat, & in laqueum dia-
boli.

R. Euge serve bone & fi-
delis, quia in pauca fuisti fi-
delis, supra multa te consti-
tuam: * Intra in gaudium Do-
mini tui. V. Domine quinque
talenta tradidisti mihi, ecce
alia quinque superlucratus
sum. Intra....

De Epistola ad Titum.

Lectio 2. Cap. XVI.

Oportet enim Episcopum
sine crimine esse, sicut Dei
dispensatorem: non super-
bum, non iracundum, non
violentum, non percusso-
rem, non turpis lucrî cupi-
dum; sed hospitem, benignum,
sobrium, justum, sanctum,
continentem, amplectentem
eum, qui secundum doctrinam
est, fidelem sermonem: ut
potens sit exhortari in doctrinam
sanam, & eos qui contradicunt,
arguere. Sunt enim multi etiam
inobedientes, vaniloqui, & seductores,
maximè qui de circumcissione
sunt, quos oportet redargui:
qui universas domos subvertunt,
docentes quæ non oportet,
turpis lucrî gratiâ.

R. Ecce sacerdos magnus,
qui in diebus suis placuit

Deo: * Ideo jurejurando fecit illum Dominus crescere in plebem suam. ¶ Benedictio- nem omnium gentium dedit illi, & testamentum suum confirmavit super caput ejus. Ideo jurejurando.....

Lectio 3.

Tu autem loquere quæ decent sanam doctrinam: Senes ut sobrii sint, pudici, prudentes, sani in fide, in dilectione, in patientiâ: Anus similiter in habitu sancto, non criminatrices, non multo vino servientes, benè docentes: ut prudentiam doceant adolescentulas, ut viros suos ament, filios suos diligant, prudentes, castas, sobrias, domus curam habentes, benignas, subditas viris suis, ut non blasphemetur verbum Dei. Juvenes similiter hortare ut sobrii sint. In omnibus te ipsum præbe exemplum bonorum operum, in doctrinâ, in integritate, in gravitate, verbum sanum, irreprehensibile: ut is, qui ex adverso est, ve-reatur, nihil habens malum dicere de nobis.

℞. Juravit Dominus, & non pœnitebit eum: * Tu es sacerdos in æternum secundum

ordinem Melchisedech. ¶. Dixit Dominus Domino meo, sede à dextris meis. Tu es sacerdos..... Gloria Patri..... Tu es sacerdos.....

IN SECUNDO NOCTURNO.

Lectio 4.

Froylanus, in Lucensi Gallæciæ suburbio natus, à primis annis Deum timere didicit, virtutisque studiosissimus, animum quoque ad litterarum sacrarum studium contulit. Ut autem Deo, quem unicè diligebat, liberius inservire posset, in solitudinem quamdam secessit, ubi Ecclesiâ monasterioque constructo inter Zamoram & Beneventum, quod de Moreruela vocatum est, multos sub regula sancti Benedicti sibi adjunxit, qui undiquè ad eum ex variis regionibus, auditâ sanctitatis ejus famâ, confluxerant.

℞. Inveni David servum meum, oleo sancto meo unxi eum: * Manus enim mea auxiliabitur ei. ¶. Nihil proficiet inimicus in eo, & filius iniquitatis non nocebit ei. Manus enim.....

Lectio 5.

Cum autem Legionensis Ecclesia pastore vaccaret, omnium consensu illius civitatis Episcopus electus est. Quod sanè munus, ut maximè potuit, recusare studuit, sed columbâ divinitus (ut creditum est) ad eum convolante, & in illius capite consistente, demum suscepit. Factus Episcopus, ut populum suæ curæ demandatum, ad æternorum amorem, & sanctarum virtutum studium incenderet, à prædicatione verbi divini numquam, quoad vixit, destitit: in operibus pietatis, & præcipuè in pauperum inopiâ sublevandâ, assiduus fuit. Miracula quoque quamplurima edidit. Deniquè vitæ sanctitate clarus, anno ætatis suæ septuagesimo tertio obdormivit in Domino. Ejus corpus in Cathedrali Ecclesiâ sepultum est.

R). Posui adjutorium super potentem, & exaltavi electum de plebe meâ: * Manus enim mea auxiliabitur ei. †. Inveni David servum meum, oleo sancto meo unxi eum. Manus enim,....

Sermo Sancti Joannis Chrysostomi.

In oration. de Sancto Philogonio, tom. 3.

Lectio 6.

Beati Froylani dies, cujus festivitatem celebramus, ad ipsius rectè factorum enarrationem linguam nostram evocavit: siquidem hodiè beatus iste ad tranquillam, omnisque perturbationis expertem vitam transiit: eòque navigium appulit, ubi deinceps non poterit metuere naufragium, nec ullam animi perturbationem, aut dolorem. Et quid mirum est, si locus ille purus est ab omni molestiâ animi, cum Paulus hominibus adhuc in hac vitâ degentibus loquens dicat: Semper gaudete, sine intermissione orate?

R). Iste est qui ante Deum magnas virtutes operatus est, & omnis terra doctrinâ ejus repleta est: * Ipse intercedat pro peccatis omnium populorum. †. Iste est qui contempsit vitam mundi, & pervenit ad coelestia regna. Ipse

intercedat..... Gloria Patri.....
Ipse intercedat.....

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. XXV.

In illo tempore: Dixit Jesus discipulis suis parabolam hanc: Homo quidam peregrè proficiscens, vocavit servos suos, & tradidit illis bona sua. Et reliqua.

De Homiliâ Sancti Joannis Chrysostomi.

41. *Super cap. 18 Genes.*

Accessit autem & qui duo talenta acceperat, dicens: Nonne duo talenta tradidisti mihi? ecce alia duo lucratus sum in eis. Habuit & ille in pecuniis Domini sui debitam curam & benevolentiam; Undè & eadem, quæ superior, meritis est: & quare ille, qui duo attulit talenta, eundem consequitur honorem, quem ille, qui talenta quinque attulerat? Meritò: augmentationem enim, & imminutionem non vel hujus diligentia, vel illius negligentia fecit, sed cre-

ditorum quantitas: Nam quoad diligentiam ambo pares fuerunt; proindè & eandem dignitatem nacti sunt.

R). Amavit eum Dominus, & ornavit eum, stolam gloriæ induit eum: * Et ad portas paradisi coronavit eum. v. Induit eum Dominus lorica[m] fidei, & ornavit eum. Et ad portas.....

Lectio 8.

Verùm alius nihil tale fecerat, sed quid? Accessit dicens: Cognovi te quod austerus homo sis, metens ubi non seminas, & congregans ubi non spargis; & reveritus abii, & occultavi talentum in terrâ: Ecce habes quod tuum est. O malitiam famuli! O immensam ingratitude[m]! Nam non solùm contempsit, & nihil negotiatus est talento sibi concredito, sed & pro talento sibi accusationem attulit; ita enim solet malitia: obtenebrat rationem; & eum qui semel à viâ est aversus, in præceps ferri facit. Hæc autem omnia de magistris dicta sunt, ut talenta sibi concredita non abscondant, sed omni diligentia discere cupientibus apponant.

ñ. Sint lumbi vestri præcincti, & lucernæ ardentes in manibus vestris: * Et vos similes hominibus expectantibus Dominum suum, quando revertatur à nuptiis, &c. Vigilate ergo, quia nescitis quâ horâ Dominus vester venturus sit. Et vos..... Gloria Patri..... Et vos.....

Lectio 9.

Verùm ultra audi, dilecte, ex indignatione erga illum, quomodò & discipuli rei sunt, & non solùm illa repetuntur,

quæ concredata, sed & cum lucro operatio quæritur. Quid igitur dicit illi Dominus? Serve maligne. Terribilis indignatio, & minæ valentes per se percellere animum. Sciebas, inquit, quod metam ubi non semino, & congregem ubi non dispersi; oportebat igitur te pecuniam tuam dinumerare mensariis, & ego cum venissem, cum lucro repetissem illam.

Te Deum laudamus.....

DIE VI OCTOBRIS.

Secunda die Officium fit Sancti Brunonis Confessoris. Duplex cum commemoratione Octavæ.

IN SECUNDIS VESPERIS, *commemoratio Sancti Froylani, Sancti Marci, & Sanctorum Sergii & Sociorum martyrum.*

DIE VII OCTOBRIS.

*Tertia die infra Octavam.**Lectiones PRIMI NOCTURNI de Scriptura occurrente.*

IN SECUNDO NOCTURNO.

*Lectio 4.*De sermone Sancti Joannis
Chrysostomi.*In oration. de Sancto Philogonio,
tom. 3.*

In mundo nemo Deum vidit; in cœlo autem qui adsunt, perpetuò vident, quatenus illum videre licet, non solùm præsentem, verùm etiam suæ gloriæ splendore condecorantem universum cœtum. Et nostræ quidem celebritates sub meridiem plerumque solvuntur, illæ verò non item. Neque enim mensium in orbem recursus, neque annorum circuitus, neque dierum numerum expectat: sed stat perpetuò, illiusque bona finem non habent, nec senescere, nec marcescere possunt, sed sunt tum senii, tum mortis expertia.

R). Inveni David servum meum, oleo sancto meo unxi eum: * Manus enim mea auxiliabitur ei. †. Nihil proficiet inimicus in eo, & filius iniquitatis non nocebit ei. Manus enim....

Lectio 5.

Nullus illic tumultus quemadmodum hic: nulla turbatio, sed ingens omnium cum ordine decenti compositio, haud secus atque in cytharâ quapiam modulatissimum concentum, & quavis musicâ suaviorem reddentium utriusque creaturæ Domino, dum anima illic velut in sacris adytis, divinisque misteriis, divinorum arcanorum celebrationem peragit. Ad hanc beatam requiem transit beatus Froylanus. Quænam igitur oratio par sit viri laudibus, quem Deus tam felici sorte dignatus est? Non est ulla.

R). Posui adjutorium super

potentem, & exaltavi electum de plebe meâ: * Manus enim mea auxiliabitur ei. ψ . Inveni David servum meum, oleo sancto meo unxi eum. Manus enim.....

Lectio 6.

Sed age, dic mihi, num idcirco silebimus? Et cujus rei gratiâ convenimus? An dicemus, nos haud posse magnitudinem gestorum oratione consequi? Atqui ob hoc ipsum necesse est dicere, quandoquidem hæc est præcipua laudum illius pars, quod factis verba æquiparari non possint. Nam quorum benè facta naturam etiam superant mortalem, perspicuum est, quod horum laudes excedunt linguam humanam. Haud tamen ob id aspernabitur officium nostrum, quod pro viribus præstamus, sed suum imitabitur Dominum. Siquidem & illæ viduæ duos tantum obolos dejicienti in gazophylacium, non tantum duorum obolorum mercedem reddidit. Cur ita tandem? Quoniam non perpendebat pecuniæ modum, sed animi divitias.

R). Iste est qui ante Deum

magnas virtutes operatus est, & omnis terra doctrinâ ejus repleta est: * Ipse intercedat pro peccatis omnium populorum. ψ . Iste est qui contempsit vitam mundi, & pervenit ad cœlestia regna. Ipse intercedat..... Gloria Patri..... Ipse intercedat.....

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. XXV.

In illo tempore: Dixit Jesus discipulis suis parabolam hanc: Homo quidam peregrè proficiscens, vocavit servos suos, et tradidit illis bona sua. Et reliqua.

De Homiliâ Sancti Joannis Chrysostomi.

Nos hodiè hoc agemus, ut paternum erga nostros amorem declarem, & doceamus, si in negligentia manserint, eos inde majorem condemnationis causam habituros. Agricola quidem non pari alacritate seminat, cogitans sumptus hactenus fuisse inutiles: nos autem ab hac curâ liberi sumus: nam licet ja-

cto spirituali semine, ob auditorum ignaviam fructum non capiamus, perfecta nobis tamen futura merces. Pecuniam enim concreditam expendimus, & mandatum Domini implevimus: ceterum posthac auditores rationem reddent ei, qui repetiturus est concredita.

R. Amavit eum Dominus, & ornavit eum, stolam gloriæ induit eum: * Et ad portas paradisi coronavit eum. V. Induit eum Dominus lorica fidei, & ornavit eum. Et ad portas.....

Lectio 8.

Verùm hoc nos non consideramus, quod extra damnum sumus, & quod nostrum est implemus, sed volumus ut & vos ex dinumeratis pecuniis multum negotiemini, ut ne obnoxii fiatis supplicii, quod fert ille qui talentum recondidit, & dominicam pecuniam non solum non multiplicavit, sed & ipsam in terrâ defodit: tales enim sunt qui sermones audiunt (talentum enim vocat & pecuniam) neque operam dant ut fructum afferant.

R. Sint lumbi vestri præ-

cincti, & lucernæ ardentes in manibus vestris: * Et vos similes hominibus expectantibus Dominum suum, quando revertatur à nuptiis. V. Vigilate ergo, quia nescitis quâ horâ Dominus vester venturus sit: Et vos..... Gloria Patri..... Et vos.....

Pro Sancto Marco Papâ, & Confessore.

Lectio 9.

Marcus Romanus, Constantino Magno Imperatore Pontifex, instituit ut Episcopus Ostiensis, à quo Romanus Pontifex consecratur, pallio uteretur. Duas Romæ Basilicas ædificavit, alteram in Urbe, alteram viâ Ardeatinâ: quas Constantinus auctas magnis muneribus exornavit. Vixit in Pontificatu menses octo, sepultusque est in cœmeterio Balbinæ.

Te Deum laudamus.....

IN LAUDIBUS *commemoratio Sancti Marci, & Sanctorum Sergii &c. martyrum.*

IN SECUNDIS VESPERIS *capitulum Sanctæ Birgittæ, & commemoratio Octavæ.*

DIE VIII OCTOBRIS.

Quarta die fit Officium Santæ Birgittæ viduæ. Semiduplex, & commemoratio Octavæ.

Vesperæ à Capitulo Sanctorum Dionysii &c. martyrum, cum commemoratione S. Birgittæ, & Octavæ.

DIE IX OCTOBRIS.

Quinta die fit Sanctorum Dionysii &c. martyrum. Semiduplex, cum commemoratione Octavæ.

Vesperæ Sancti Francisci sine ulla commemoratione.

DIE X OCTOBRIS.

Sexta die, Sancti Francisci de Borgia Confessoris. Duplex secundæ classis.

Sine commemoratione Octavæ in Laudibus, nec in secundis Vesperis. In illis commemoratio Sancti Ludovici Bertrandi.

DIE XI OCTOBRIS.

Septima die fit Sancti Ludovici Bertrandi Confessoris. Duplex, cum commemoratione Octavæ in Laudibus.

IN SECUNDIS VESPERIS capitulum S. Froylani, cum commemoratione Sancti Ludovici.

DIE XII OCTOBRIS.

*In Octava Sancti Froylani. Officium. Duplex.**Omnia ut in die, præter ea quæ hic habentur propria.*IN PRIMO NOCTURNO *lectiones de Scriptura occurrente.*

IN SECUNDO NOCTURNO.

*Lectio 4.*De sermone Sancti Joannis
Chrysostomi.*In oration. de Sancto Philogonio,
tom. 3.*

Si quis voluerit Christo commendatus esse, curam habeat ovium illius, publicam quærat utilitatem, fratrum suorum saluti prospiciat. Nullum enim officium hoc Deo charius est. Et ob id alicubi dicit: Simon, Simon, expetivit te Satanas, ut cribaret te tamquam triticum; sed ego rogavi pro te, ne deficiat fides tua. Quod igitur hujus solitudinis curæque premium mihi rependis? Sed quam tandem poscit repensationem? Eandem curam, quam nobis

impendit, reposcit. Nam & tu, inquit, aliquandò conversus confirma fratres tuos: & Paulus ait: Imitatores mei estote, sicut & ego Christi.

¶ Inveni David servum meum, oleo sancto meo unxi eum: * Manus enim mea auxiliabitur ei. † Nihil proficiet inimicus in eo, & filius iniquitatis non nocebit ei. Manus enim.....

Lectio 5.

Rursus alio loco dicit: Etenim Christus non sibi ipsi placuit, sed multis. Neque prorsus alia res est, quæ perindè declaret, doceatque quis sit fidelis, & amans Christi, quam si fratrum curam agat, proque illorum salute gerat solitudinem. Hæc omnes audiant & Monachi, qui montium occuparunt cacumina: quique modis omnibus se ip-

sos mundo crucifixerunt, quò pro viribus Ecclesiarum præfectos adjuvent, horumque curas leniant precibus, concordia, charitate, scientes quod in modis omnibus opitulentur iis, qui tot periculis obijciuntur per gratiam Dei, totque negotiorum curas sustinent, quibuscumque possunt rationibus auxilientur, quamquam procul habitantes, & victus sors ipsis perisset, & tota in scopulum impegisset sapientia.

R. Posui adjutorium super potentem, & exaltavi electum de plebe meâ: * Manus enim mea auxiliabitur ei. V. Inveni David servum meum, oleo sancto meo unxi eum. Manus enim.....

Lectio 6.

Verùm hoc esse maximum amicitiae erga Christum argumentum declaratur & hinc. Videamus autem quomodo munus hoc Episcopi administrarint. Quin potius non est opus hic pluribus verbis aut voce nostrâ, cum vester favor, vestrumque studium hoc ultrò declaret. Quemadmodum enim aliquis ingressus vineam, vitesque contem-

platus, pampinis comantes, fructu gravidas, maceris ac septis undiquè munitas, haudquaquam desiderat orationem cujusquam, qui demonstret vinitoris industriam, & agricolæ virtutem: Itidem & hic, si quis ingressus conspiciat vites spirituales, vestrumque fructum contempletur, nil opus habuerit, ut ex cujusquam oratione discat, qualis sit vester Præpositus. Sicut & Paulus scribit alicubi: Epistola mea vos estis, quæ inscripta est, & legitur. Fluvius arguit qualis sit fons, & fructus indicat qualis sit radix.

R. Iste est qui ante Deum magnas virtutes operatus est, & omnis terra doctrinâ ejus repleta est; * Ipse intercedat pro peccatis omnium populorum. V. Iste est qui contempsit vitam mundi, & pervenit ad cœlestia regna. Ipse intercedat..... Gloria Patri..... Ipse intercedat.....

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. XXV.

In illo tempore: Dixit Je-

sus discipulis suis parabolam hanc: Homo quidam peregrè proficiscens, vocavit servos suos, & tradidit illis bona sua. Et reliqua.

De homiliâ Sancti Joannis Chrysostomi.

Pecuniam dicens, eloquia pretiosa: nummularios autem, vos qui suscipitis: Tuum quidem fuerat, ait, tantùm dinumerare, meum autem repetere ab illis non solùm dinumerata, sed & usuram. Videtis, dilecti, quantus in dictis terror. Quid ergo dicent qui concredita servare negligunt, quando & lucrum ab eis requiritur? & vide misericordiam Domini: in his sensibilibus pecuniis prohibuit ne quis usuram acciperet. Quare & ob quam causam? Quia uterque magno damno afficitur; nam debitor quidem inopiâ atteritur, creditor autem augens divitias, & peccatorum accumulât sibi multitudinem; proindè ab initio olim Judæis crassioribus tale dedit præceptum dicens: Non fœneraberis fratri tuo, & proximo tuo.

R. Amavit eum Dominus & ornavit eum, stolam gloriæ induit eum: * Et ad portas paradisi coronavit eum. ¶ Induit eum Dominus loricam fidei, & ornavit eum. Et ad portas.....

Lectio 8.

Quâ igitur accusatione digni erunt, qui Judæis sunt inhumaniores, & post gratiam, & tantam à Domino misericordiam, inveniuntur his, qui sub lege fuerunt, inferiores, immò pejores? In spiritualibus autem repetiturum se promittit usuras. Quare? Quia omninò diverso modo se habent spiritualis usura, & sensibilis: illic enim à quo requiritur severiter, subito in extremam inopiam defertur; hic autem à quo exigitur, quando gratitudinem præ se tulerit, tantò majorem usuram afferet, tantò largiori fruetur remuneratione.

R. Sint lumbi vestri præcincti, & lucernæ ardentes in manibus vestris: * Et vos similes hominibus expectantibus Dominum suum, quando revertatur à nuptiis. ¶ Vigilate ergo, quia nescitis quâ

horâ Dominus vester venturus sit. Et vos..... Gloria Patri..... Et vos.....

Lectio 9.

Quocirca, dilecti, cum nobis concredita dinumeraverimus, vobis necessarium erit duplicem afferre laborem & vigilantiam: tum quod dinumerata custodienda sunt, ut fixa maneant: tum quod operandum, ut & aliis communicentur, & multos in viam virtutis inducant, ut bifariam vobis lucrum accrescat; tum

pro salute vestrâ, tum pro aliorum utilitate. Quod si hoc feceritis, & vos reddetis beatos; beatus enim, inquit, qui dicit in aures audientium, & facietis ut largior vobis apponatur mensa.

Te Deum laudamus.....

IN SECUNDIS VESPERIS à capitulo fit de Sanctis Fausto, Januario & Martiali martyribus, cum commemoratione Octavæ.

DIE XIII OCTOBRIS.

In festo Sanctorum Fausti, Januarii, & Martialis martyrum. Duplex.

Omnia de communi plurimorum martyrum, præter sequentia.

Oratio.

Deus, qui nos concedis Sanctorum martyrum tuorum Fausti, Januarii, & Martialis natalitia colere: da nobis in æternâ beatitudine de eorum societate gaudere. Per Dominum nostrum.....

IN PRIMO NOCTURNO *lectiones de Scriptura occurrente.*

IN SECUNDO NOCTURNO.

Lectio 4.

Faustus, Januarius, & Martialis fratres, filii Sancti Marcelli martyris, zelo Fidei, &

martyrii desiderio, Eugenium Præsidentem adeuntes, eum quod tam immaniter in Christi servos desæviret, graviter increpant. Id autem cum ille indignissimè ferret, Faustum primò in equuleum conjici jubet. Conversus deindè ad Martialem, & ab eo, quem blandis verborum persuasionibus ad idola colenda inducere non potuit, se delusum arbitratus, illum eodem tormenti genere excruciarum mandat: quo in tormento beatus martyr Deo gratias agere non cessabat.

¶. Sancti tui Domine mirabile consecuti sunt iter, servientes præceptis tuis, ut invenirentur illæsi in aquis validis: * Terra apparuit arida: & in mari Rubro via sine impedimento. ¶. Quoniam percussit petram, & fluxerunt aquæ, & torrentes inundaverunt. Terra.....

Lectio 5.

Januarium autem post ag- gressus, illumque in Christianæ fidei confessione constantissimum repertum, equuleo itidem excruciarum jubet. Demum, cum neque is, neque fratres ejus à Fidei pro-

posito divelli ullo modo possent, post equulei poenam, superciliis rasis, dentibus evulsis, auribus quoque & naribus præcis, ignis passione martyrium consummarunt. Antequam autem igni traderentur, in ipso passionis loco astantes fideles, ne impiorum minis territi, Christi fidem abnegarent, hortabantur. Martyrium verò Diocletiano & Maximiano Imperatoribus Cordubæ compleverunt.

¶. Verbera carnificum non timuerunt Sancti Dei, morientes pro Christi nomine: * Ut heredes fierent in domo Domini. ¶. Tradiderunt corpora sua propter Deum, ad supplicia. Ut heredes.....

Sermo Sancti Joannis Chrysostomi.

Serm. 1. de Mart. tom. 3.

Lectio 6.

Nemo est qui nesciat martyrum glorias ad hoc divino consilio à Dei populis frequentari, ut & illis debitus honor dicetur, & nobis virtutis exempla, favente Christo, monstrentur; ut dum hæc ita celebrari perspiciamus, cog-

noscamus quanta eos gloria maneat in cœlis, quorum natalitia taliter celebrantur in terris: quò possimus etiam ipsi talibus provocari exemplis, virtute pari, devotione consimili ac fide: ut, Christo præstante, dimicare & vincere hostem possimus: ut partâ victoriâ, cum iisdem sanctis in regnis cœlestibus triumphemus.

R. Tamquam aurum in fornace probavit electos Dominus, & quasi holocausti hostiam accepit illos: & in tempore erit respectus illorum: * Quoniam donum, & pax est

electis Dei. V. Qui confidunt in illum intelligent veritatem: & fideles in dilectione acquiescent illi. Quoniam..... Gloria Patri..... Quoniam.....

IN TERTIO NOCTURNO.

Homilia Sancti Ambrosii Episcopi in Evangelium: "Descendens Jesus de monte," de communi plurimorum martyrum.

R. 8. Hæc est vera.

IN SECUNDIS VESPERIS, fit commemoratio Sancti Calixti Papæ & martyris.

DIE XXIII OCTOBRIS.

In festo Sanctorum Servandi & Germani, martyrum Fratrum. Duplex.

Omnia de communi plurimorum martyrum, præter ea quæ hic habentur propria.

Oratio.

Deus, qui nos annuâ Sanctorum martyrum tuorum Servandi, & Germani solemnitate lætificas: concede propitius, ut quorum gaudemus meritis, accendamus exemplis. Per Dominum nostrum...

IN PRIMO NOCTURNO *lectiones de Scriptura occurrente.*

IN SECUNDO NOCTURNO.

Lectio 4.

Servandus & Germanus, ortu Legionenses, Sancti Mar-

celli martyris filii, in Diocletiani persecutione, sub Romano Præside primùm ob Christi fidem diù varièque torti sunt. Deindè, Emeritæ eandem ob causam sub Victore Vicario gravia passi, post verbera, squalorem carceris, famis ac sitis injuriam, & longissimi itineris laborem, quem ferro onusti pertulerunt, novissimè martyrii sui cursum, propè Gades, ad fundum Ursonianum, cæsis cervicibus impleverunt: ex quibus Germanus Emeritæ, Servandus verò Hispali conditus est. Uterque autem magno populi concursu & honore celebratur.

¶ Sancti tui Domine mirabile consecuti sunt iter, servientes præceptis tuis, ut invenirentur illæsi in aquis validis: * Terra apparuit arida, & in mari Rubro via sine impedimento. ¶ Quoniam percussit petram, & fluxerunt aquæ, & torrentes inundaverunt. Terra.....

Ex Epistolâ Sancti Cypriani Episcopi, & martyris ad Thibaritanos.

Lib. 4. Epist. 6.

Lectio 5.

Gaudere nos & exultare voluit in persecutionibus Dominus, quia, quandò persecutiones fiunt, tunc dantur coronæ fidei, tunc probantur milites Dei, tunc martyribus patent cœli. Neque enim sic nomen militiæ dedimus, ut pacem tantummodò cogitare, & detrectare, & recusare militiam debeamus, quandò in ipsâ militiâ primus ambulaverit Dominus, humilitatis, & tolerantiæ, & passionis magister, ut quod fieri docuit, prior faceret, & quod pati hortatur, prior pro nobis ipse pateretur.

¶ Verbera carnificum non timuerunt sancti Dei, morientes pro Christi nomine: * Ut heredes fierent in domo Domini. ¶ Tradiderunt corpora sua propter Deum ad supplicia. Ut heredes.....

Lectio 6.

Sit ante oculos, fratres dilectissimi, quod, qui omne ju-

dicium à Patre solus accepit, & qui venturus est & iudicaturus, jam iudicii sui & cogitationis futuræ sententiam protulerit; prænuncians & contestans confessurum se coram Patre suo confitentes, & negaturum negantes. Si mortem possemus evadere, meritò mortem timeremus. Porrò autem cum mortalem mori necesse sit, amplectamur occasionem de divinâ promissione & dignatione venientem, & fungamur exitu mortis cum præmio immortalitatis; nec vereamur occidi, quos constet, quandò occidimur, coronari.

h). Tamquam aurum in fornace probavit electos Dominus, & quasi holocausti hostiam accepit illos: & in tempore erit respectus illorum: * Quoniam donum et pax est electis Dei. v. Qui confidunt in illum, intelligent veritatem: & fideles in dilectione, acquiescent illi. Quoniam..... Gloria Patri..... Quoniam.....

IN TERTIO NOCTURNO.

Lectio sancti Evangelii secundum Matthæum.

Lectio 7. Cap. XXIV.

In illo tempore: Sedente Jesu super montem Oliveti, accesserunt ad eum discipuli secretò, dicentes: Dic nobis quandò hæc erunt? Et reliqua.

Homilia Santi Hilarii Episcopi.

Comment. in Matth. can. 25.

Discipuli Dominum interrogant quandò hæc fierent, quodve signum & adventus sui & consummationis seculi noscerent. Et quia tria hæc in unum quæsitæ sunt: distinctis & temporis intelligentiæ significationibus separantur. Respondetur igitur primum de civitatis casu: & confirmantur veritate doctrinæ, ne quis fallax ignorantibus posset obrepere. Venturi enim erant, etiam eorum tempore, qui se Christum essent nuncupaturi. Ut igitur fides pestifero mendacio detrahi posset, admonitio præcessit.

R). Propter testamentum Domini, & leges paternas, sancti Dei perstiterunt in amore fraternitatis: * Quia unus fuit semper spiritus in eis, & una fides. ¶. Ecce quàm bonum & quàm jucundum habitare fratres in unum. Quia unus.....

Lectio 8.

Confirmat igitur eos ad tolerantiam passionum fugæ, verberationis, interitus, & publici in eos odii propter nomen ejus. Atque his quidem vexationibus multi turbabuntur, & tantis insurgentibus malis scandalizabuntur. Et falsi prophetæ erunt (ut Nicolaus unus ex septem Diaconibus fuit) multosque ementitâ veritate pervertent: & abundante nequitiâ charitas refrigescet.

R). Hæc est vera fraternitas quæ numquam potuit violari certamine: qui effuso sanguine secuti sunt Dominum. * Contemnentes aulam regiam,

pervenerunt ad regna cœlestia. ¶. Ecce quàm bonum & quàm jucundum habitare fratres in unum. Contemnentes..... Gloria Patri..... Contemnentes.....

Lectio 9.

Sed usque in finem perseverantibus salus reservata est: ac tum per omnes orbis partes viris Apostolicis dispersis, Evangelii veritas prædicabitur. Et cum universis fuerit cognitio sacramenti cœlestis invecta, tum Jerusalem occisus & finis incumbet: ut prædicationis fidem, & infidelium pœna, & metus civitatis erutæ consequatur. Hæc igitur in eam, ut fuerant prædicta, perfecta sunt: & lapidatis, fugatis, peremptis Apostolis, fame, bello, captivitate consumpta est. Ac tum fuit digna non esse, cum, ejectis prædicatoribus Christi, indignam Dei prædicatione se præbuit.

Te Deum laudamus.....

DIE XXVII OCTOBRIS.

*In festo Sanctorum Vincentii, Sabinæ & Christetæ
martyrum. Duplex.*

Omnia de communi plurimorum martyrum.

Oratio.

Deus, qui nos concedis sanctorum martyrum tuorum Vincentii, Sabinæ & Christetæ natalitia colere: da nobis in æternâ beatitudine de eorum societate gaudere. Per Dominum nostrum.....

*IN PRIMO NOCTURNO lectio-
nes de Scriptura occurrente.*

IN SECUNDO NOCTURNO.

Lectio 4.

Vincentius Eborâ, ubi pro Christi gloriâ decertarat, Aulam veniens, ab impietatis ministris, unâ cum Sabinâ & Christetâ sororibus, Diocletiano & Maximiano Imperatoribus, comprehenditur. Cumque ad Christi fidem abnegandam nec ipse, nec sorores adduci ullâ ratione possent, in equuleo primùm

adeò extenti sunt, ut omnes membrorum compages laxarentur: deindè capita eorum lapidibus superposita, usque ad excussionem cerebri validis vectibus sunt contusa, atque ita martyrium compleverunt, agente Præsidente Daciano.

℞. Sancti tui Domine mirabile consecuti sunt iter, servientes præceptis tuis, ut invenièrentur illæsi in aquis validis: * Terra apparuit arida, & in mari Rubro via sine impedimento. †. Quoniam percussit petram, & fluxerunt aquæ, & torrentes inundaverunt. Terra apparuit.....

Sermo Sancti Augustini Episcopi.

Sermo 47 de Sanctis.

Lectio 5.

Quotiescumque, fratres charissimi, Sanctorum marty-

rum solemnia celebramus, ita, ipsis intercedentibus, expectemus à Domino consequi temporalia beneficia, ut ipsos martyres imitando, accipere mereamur æterna. Ab ipsis enim Sanctorum martyrum in veritate festivitatum gaudia celebrantur, qui ipsorum martyrum exempla sequuntur. Solemnitates enim martyrum exhortationes sunt martyriorum: ut imitari non pigeat quod celebrare delectat.

Verbera carnificum non timuerunt sancti Dei, morientes pro Christi nomine: * Ut heredes fierent in domo Domini. †. Tradiderunt corpora sua propter Deum ad supplicia. Ut heredes.....

Lectio 6.

Sed nos volumus gaudere cum sanctis, & tribulationem mundi nolumus sustinere cum ipsis. Qui enim Sanctos martyres, in quantum potuerit, imitari noluerit, ad eorum beatitudinem non poterit pervenire. Sed & Paulus Apostolus prædicat, dicens: Si fuerimus socii passionum, eri-

mus & consolationum. Et Dominus in Evangelio: Si mundus vos odit, scitote quia me priorem vobis odio habuit. Recusat esse in corpore, qui odium non vult sustinere cum capite.

†. Tamquam aurum in fornace probavit electos Dominus, & quasi holocausti hostiam accepit illos, & in tempore erit respectus illorum: * Quoniam donum & pax est electis Dei. †. Qui confidunt in illum, intelligent veritatem: & fideles in dilectione, acquiescent illi. Quoniam..... Gloria Patri..... Quoniam.....

IN TERTIO NOCTURNO.

Homilia Sancti Ambrosii, Episcopi, *super Evangelium:* "Descendens Jesus de monte." *Ut in communi plurimorum martyrum.*

†. 8. Hæc est vera.

Nona lectio de vigilia SS. Apostolorum Simonis & Judæ, & de ea fit commemoratio in Laudibus.

DIE XXIX OCTOBRIS.

In festo Sancti Marcelli martyris, hujus Civitatis Patroni. Duplex majus.

Omnia de communi unius martyris.

Oratio.

Præsta, quæsumus omnipotens Deus, ut qui beati Marcelli martyris tui natalitia colimus, intercessione ejus in tui nominis amore roboremur. Per Dominum nostrum.....

IN PRIMO NOCTURNO.

De Epistolâ beati Pauli Apostoli ad Romanos.

Lectio 1. Cap. VIII, c.

Fratres, Debitorum sumus non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim spiritu Dei aguntur, ii sunt filii Dei. Non enim accepistis spiritum servitutis iterum in timore; sed accepistis spiritum adoptionis filiorum, in quo clamamus: Abba (Pater). Ipse

enim spiritus testimonium reddit spiritui nostro, quod sumus filii Dei. Si autem filii, & heredes; heredes quidem Dei, coheredes autem Christi: si tamen compatimur, ut & conglorificemur. Existimo enim quod non sunt condignæ passiones hujus temporis ad futuram gloriam, quæ revelabitur in nobis. Nam expectatio creaturæ, revelationem filiorum Dei expectat.

¶. Iste sanctus pro lege Dei sui certavit usque ad mortem, & à verbis impiorum non timuit: * Fundatus enim erat supra firmam petram. & Is-te est qui contempsit vitam mundi, & pervenit ad cœlestia regna. Fundatus.....

Lectio 2.

Scimus autem quoniam diligentibus Deum omnia cooperantur in bonum, iis, qui secundum propositum vocati

sunt sancti. Nam quos præscivit, & prædestinavit conformes fieri imaginis Filii sui, ut sit ipse primogenitus in multis fratribus. Quos autem prædestinavit, hos & vocavit: & quos vocavit, hos & justificavit: quos autem justificavit, illos & glorificavit. Quid ergo dicemus ad hæc? Si Deus pro nobis, quis contra nos? Qui etiam proprio Filio suo non peperit, sed pro nobis omnibus tradidit illum, quomodo non etiam cum illo omnia nobis donavit? Quis accusavit adversus electos Dei? Deus qui justificat, quis est qui condemnet? Christus Jesus, qui mortuus est, immò qui & resurrexit, qui est ad dexteram Dei, qui etiam interpellat pro nobis.

R. Justus germinabit sicut filium: * Et florebit in æternum ante Dominum. V. Plantatus in domo Domini, in atris domus Dei nostri. Et florebit....

Lectio 3.

Quis ergo nos separabit à charitate Christi? Tribulatio? an angustia? an fames? an nuditas? an periculum? an persecutio? an gladius? (si-

cut scriptum est: Quia propter te mortificamur totà die, æstimati sumus sicut oves occisionis). Sed in his omnibus superamus propter eum qui dilexit nos. Certus sum enim quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Jesu Domino nostro.

R. Iste cognovit justitiam, & vidit mirabilia magna, & exoravit Altissimum: * Et inventus est in numero sanctorum. V. Iste est qui contempsit vitam mundi, & pervenit ad cœlestia regna. Et inventus..... Gloria Patri..... Et inventus.....

IN SECUNDO NOCTURNO.

Lectio 4.

Marcellus, Legionè in Hispaniâ natus, nobilis genere, sed Fide nobilior: pater, non tam carnè quàm spiritu, duodecim illustrium martyrum, Claudii, Lupercii, Victorii, Facundi, Primitivi, Fausti,

Januarii, Martialis, Emethe-
rii, Celedonii, Servandi &
Germani, centurio sub Dio-
cletiano principe militavit. Is,
cum ceteri omnes in natali die
Imperatoris in profanis illis
conviviis epularentur, atque
idolis Imperatoriæque sta-
tuæ thus adolerent, tam im-
pium facinus (ut Christianum
hominem decebat) execratus,
militiæ insignibus, vite scili-
cet, & cingulo rejectis, se dein-
ceps Christo regi æterno mi-
litaturum, non Imperatoribus,
à quibus milites surdis & mu-
tis idolis sacrificare compelle-
bantur, liberâ constantique
voce testatus est.

R). Honestum fecit illum
Dominus, & custodivit eum
ab inimicis, & à seductoribus
tutavit illum: * Et dedit illi
claritatem æternam. v. Des-
cenditque cum illo in foveam:
& in vinculis non dereliquit
eum. Et dedit.....

Lectio 5.

Stupefacti verò milites hæc
audientes, illum tenuerunt,
& quæ viderant, quæve au-
dierant, Astasiano Fortunato
Præsidi legionis Trojanæ, cu-
jus ille centurio erat, nuncia-
runt: qui eum mox in car-

cerem detrudi mandavit. In
judicium verò, expletis epulis,
evocatus, cum Astasiano cons-
tantissimè respondisset, sibi,
quod Christianus esset, non
licere amplius sub Imperato-
ribus, dictam ob causam, ni-
si Christo Domino militare,
ab eo in Mauritaniam Tingi-
tanam ad Aurelianum Agri-
colam, Præfecti prætorio vi-
ces agentem, missus est: qui,
cum eum in Christianâ Reli-
gione firmissimum cerneret,
quem à Christi cultu avocare
non potuit, capite plecti jus-
sit. Ejus corpus fideles, qui
aderant eo in loco ubi passus,
sepeliendum curarunt: quod
deindè Legionem translatum,
in Ecclesiâ sui nominis con-
ditum est.

R). Desiderium animæ ejus
tribuisti ei, Domine: * Et vo-
luntate labiorum ejus non frau-
dasti eum. v. Quoniam præ-
venisti eum in benedictioni-
bus dulcedinis, posuisti in
capite ejus coronam de lapi-
de pretioso. Et voluntate.....

Ex libro S. Cypriani Episco-
pi, de laude Martyrum.

Lectio 6.

Toleranda igitur sunt om-

nia, patienda cuncta, nec appetendum quò modico gauderas tempore, & perpetuo puniaris ardore. Meminisse enim debes, velut quadam te fœderis pactione constrictum, ex qua aut capessendæ salutis sit justa conditio, aut pœnæ merita formido. Stas inter adversa pariter ac prospera, arma inter & tela, hincque te secularis ambitio, indè cœlestis admonet magnitudo. Si salutem times perdere, scito te mori posse. Porrò autem contemnenda tibi mors est, cui Christus occisus est.

℞. Stola jucunditatis induit eum Dominus: * Et coronam pulchritudinis posuit super caput ejus. †. Cibavit illum Dominus pane vitæ, & intellectus: & aquâ sapientiæ salutaris potavit illum. Et coronam..... Gloria Patri..... Et coronam.....

IN TERTIO NOCTURNO.

Lectio sancti Evangelii secundum Matthæum.

Lectio 7.

In illo tempore: Dixit Jesus discipulis suis: Si quis vult post me venire, abneget se-

metipsum, & tollat crucem suam, & sequatur me. Et reliqua.

Homilia Sancti Gregorii Papæ.

Homilia 32 in Evangelia.

Quia Dominus ac Redemptor noster novus homo venit in mundum, nova præcepta dedit mundo. Vitæ etenim nostræ veteri in vitiis enutritæ contrarietatem opposuit novitatis suæ. Quid enim vetus, quid carnalis homo noverat, nisi sua retinere, aliena rapere si posset, concupiscere si non posset? Sed cœlestis medicus singulis quibusque vitiis obviantia adhibet medicamenta. Nam sicut arte medicinæ calida frigidis, frigida calidis curantur: ita Dominus noster contraria opposuit medicamenta peccatis, ut lubricis continentiam, tenacibus largitatem, iracundis mansuetudinem, elatis præciperet humilitatem.

℞. Corona aurea super caput ejus: * Expressa signo sanctitatis, gloriâ honoris, & opus fortitudinis. †. Quoniam prævenisti eum in benedictioni-

bus dulcedinis, posuisti in capite ejus coronam de lapide pretioso. Expressa.....

Lectio 8.

Certè, cum se sequentibus nova mandata proponeret, dixit: Nisi quis renunciaverit omnibus quæ possidet, non potest meus esse discipulus. Ac si apertè dicat: Qui per vitam veterem aliena concupiscitis, per novæ conversationis studium & vestra largimini. Quid verò in hac lectione dicat audiamus: Qui vult post me venire, abneget semetipsum. Ibi dicitur ut abnegemus nostra: hic dicitur ut abnegemus nos. Et fortasè laboriosum non est homini relinquere sua: sed valdè laboriosum est relinquere semetipsum. Minus quippe est abnegare quod habet: valdè autem multum est abnegare quod est.

R). Hic est verè martyr, qui pro Christi nomine sanguinem suum fudit: * Qui minas judicum non timuit, nec terrenæ dignitatis gloriam quæsivit, sed ad cœlestia reg-

na pervenit. ¶. Justum deduxit Dominus per vias rectas, & ostendit illi regnum Dei. Qui minas.... Gloria Patri..... Qui minas.....

Lectio 9.

Ad se autem nobis venientibus Dominus præcepit ut renuntiemus nostris; quia quicumque ad fidei agonem venimus, luctamen contra malignos spiritus sumimus. Nihil autem maligni spiritus in hoc mundo proprium possident: nudi ergo cum nudis luctari debemus. Nam si vestitus quisque cum nudo luctatur, citius ad terram dejicitur, quia habet undè teneatur. Quid enim sunt terrena omnia, nisi quædam corporis indumenta? Qui ergo contra diabolium ad certamen properat, vestimenta abjiciat, ne succumbat.

Te Deum laudamus.....

IN SECUNDIS VESPERIS commemoratio Sanctorum martyrum Claudii, Luperci & Victorii.

DIE XXX OCTOBRIS.

*In festo Sanctorum Claudii, Lupercii & Victorii,
Fratrum martyrum. Duplex.*

Omnia de communi plurimorum martyrum.

Oratio.

Fraterna nos, Domine, martyrum tuorum Claudii, Lupercii & Victorii, corona lætificet, quæ & fidei nostræ præbeat incrementa virtutum, & multiplici nos suffragio consoletur. Per Dominum nostrum.....

*IN PRIMO NOCTURNO lectio-
nes de Scriptura occurrente.*

IN SECUNDO NOCTURNO.

Lectio 4.

Claudius, Lupercius & Victorius, Sancti Marcelli centurionis filii, ob sanctam Christi fidem, quam profitebantur, comprehensi, ad Dignianum Præsidentem adducuntur: rogati autem ab eo, cur contra Imperatoris edictum Deos adorare contemnerent? responderunt se alios Deos colere

non debere, nisi Dominum Jesum Christum, omnium rerum creatorem: in qua fidei confessione perseverantes, abscisis capitibus, martyrii palmam, Diocletiano Imperatore, assecuti sunt. Eorum corpora Legionem, ubi gloriosâ voce Dominum confessi fuerant, sepulta sunt. Nunc verò eadem in Urbe in Ecclesiâ sancti Claudii requiescunt.

¶ Sancti tui Domine mirabile consecuti sunt iter, servientes præceptis tuis, ut invenirentur illæsi in aquis validis: * Terra apparuit arida, & in mari Rubro via sine impedimento. ¶ Quoniam percussit petram, & fluxerunt aquæ, & torrentes inundaverunt. Terra.....

Sermo Sancti Joannis Chry-
sostomi.

Serm. 1 de Mart. tom. 3.

Lectio 5.

Nemo est qui nesciat martyrum glorias ad hoc divino consilio à Dei populis frequentari, ut & illis debitus honor dicetur, & nobis virtutis exempla, favente Christo, monstrentur: ut, dum hæc ita celebrari perspicimus, cognoscamus quanta eos gloria maneat in cœlis, quorum natalitia taliter celebrantur in terris: quò possimus etiam ipsi talibus provocari exemplis, virtute pari, devotione consimili ac fide; ut, Christo præstante, dimicare & vincere hostem possimus: ut, partâ victoriâ, cum iisdem sanctis in regnis cœlestibus triumphemus.

R). Verbera carnificum non timuerunt sancti Dei, morientes pro Christi nomine: * Ut heredes fierent in domo Domini. v. Tradiderunt corpora sua propter Deum ad supplicia. Ut heredes.....

Lectio 6.

Quis est enim, qui eorum

volens merito copulari, nisi prius constantiam eorum teneat, sectetur fidem, imitetur virtutem passionis; eorum gloriam paribus vitæ lineamentis aut inveniatur, aut exquiratur? Qui etsi martyrio par esse non possit, tamen muneris tanti dignitate se quisque bonis actibus dignum præbeat. Adest enim clementissimus Deus, qui desiderantibus suis aut martyrium præbeat, aut sine martyrio cum sanctis præmia divina retribuat.

R). Tamquam aurum in fornace probavit electos Dominus, & quasi holocausti hostiam accepit illos, & in tempore erit respectus illorum: * Quoniam donum & pax est electis Dei. v. Qui confidunt in illum, intelligent veritatem: & fideles in dilectione acquiescent illi. Quoniam..... Gloria Patri..... Quoniam.....

IN TERTIO NOCTURNO.

Homilia Sancti Gregorii Papæ in Evangelium. "Cum audieritis prælia:" *de communione plurimorum martyrum.*

R). 8. Hæc est vera.

 OFFICIUM PATROCINII

BEATÆ MARIE VIRGINIS,

fit in IV Dominica Novembris. Duplex majus.
Omnia ut in fine Breviarii Romani.
*Si hoc festum venerit in Octava Dedicationis Ecclesiæ,
omittitur illo anno. Extra Civitatem fit de eo.*
*Illa censetur pro IV Dominica Novembris, quæ computatur pro
quarta Dominica juxta occurrence[m] Dominicarum Novembris,
omittatur, vel non, secunda Dominica ejusdem mensis.*

DIE X NOVEMBRIS.

*In festo Dedicationis hujus almæ Ecclesiæ Legio-
nensis. Duplex primæ classis in totâ Diœcesi: in
Civitate tantùm cum Octavâ.*
In LAUDIBUS nihil de simplicibus.
Omnia ut in Breviario, in communi Dedicationis Ecclesiæ.
*IN SEGUNDIS VESPERIS fit commemoratio Sancti Martini Epis-
copi & Confessoris, tantùm.*

 DIE XI NOVEMBRIS.

Secunda die infra Octavam Dedicationis: fit de Sancto Martino Episcopo & Confessore. Duplex.

NONA LECTIO *Sancti Mennæ, & commemoratio Octavæ, & Sancti Mennæ martyris* IN LAUDIBUS.

IN VESPERIS *commemoratio Sancti Martini Papæ & martyris, & Octavæ.*

DIE XII NOVEMBRIS.

Tertia die infra Octavam: fit de Sancto Martino Papa & martyre. Semiduplex cum commemoratione Octavæ.

IN VESPERIS *à capitulo fit de Sancto Didaco, cum commemoratione Sancti Martini, & Octavæ.*

DIE XIII NOVEMBRIS.

Quarta die fit de Sancto Didaco, cum commemoratione Octavæ.

IN VESPERIS *à capitulo de Octava, cum commemoratione Sancti Didaci.*

DIE XIV NOVEMBRIS.

Officium fit de infra Octava. Semiduplex.

Omnia ut in die quinta in communi Dedicacionis Ecclesie.

Extra Civitatem fit de feria.

Vesperæ Sancti Eugenii martyris, & commemoratio Octavæ.

DIE XV NOVEMBRIS.

Sexta die in festo Sancti Eugenii Archiepiscopi Tolletani & martyris. Duplex, cum commemoratione Octavæ in Laudibus & Vesperis.

DIE XVI NOVEMBRIS.

Officium de infra Octava. Semiduplex.

Omnia ut in die septima in communi Dedicacionis Ecclesie.

Extra civitatem de feria.

Vesperæ diei Octavæ, ut in primis Vesperis festi.

DIE XVII NOVEMBRIS.

Octava Dedicationis Ecclesie. Duplex.

*Omnia ut in Breviario, in communi Dedicationis Ecclesie
in Octava.*

Extra Civitatem officium fit de Sancto Gregorio Thaumaturgo. Semiduplex.

IN VESPERIS à capitulo fit de Dedicatione Basilicarum Sanctorum Apostolorum Petri & Pauli. ORATIO. Deus, qui nobis.....

Deindè fit commemoratio Octavæ. ORATIO. Deus, qui invisibiliter.....

DIE XXI NOVEMBRIS.

In festo Præsentationis Beatæ Mariæ Virginis.

Duplex majus.

*Si hoc festum venerit in die Patrocinii, transfertur in aliam
diem non impeditam.*

Omnia ut in Breviario Romano.

DIE XXVII NOVEMBRIS.

*In festo Sanctorum Facundi & Primitivi, Fratrum
martyrum. Duplex.*

Omnia de communi plurimorum martyrum.

Oratio.

Deus, qui nos concedis sanctorum martyrum tuorum Facundi & Primitivi natalitia colere: da nobis in æternâ beatitudine de eorum societate gaudere. Per Dominum nostrum.....

IN PRIMO NOCTURNO *lectiones de Scriptura occurrente.*

IN SECUNDO NOCTURNO.

Lectio 4.

Facundus & Primitivus, beati Marcelli martyris filii, Christianæ religionis apud Atticum Præsidem accusati sunt. A quo interrogati num Christiani essent, Christianos se esse liberâ voce responderunt. Et cum rursus quæreretur ab eis an Imperatoris edictum, quo sancitum erat diis immolari, ignorarent; illud se

non ignorare dixerunt, hoc insuper adjicientes, paratos se pro Christi fide, cui soli, ut verò Deo & Domino, toto corde serviebant, ad mortem usque decertare. Præses hæc audiens, verbisque proficere se quidquam posse desperans, tormentis ac pœnis cum sanctis agere statuit. Digitos igitur primum illis amputari præcepit; tùm compedibus constrictas crudelissimè dilaniari tibus, & deindè tetrum in carcerem detrudi. Quæ omnia alacri animo fortissimi martyres toleraverunt, Deo jugiter gratias agentes, quod pro nomine ejus digni habiti essent cruciatus sustinere.

℞. Sancti tui Domine mirabile consecuti sunt iter, servientes præceptis tuis, ut invenirentur illæsi in aquis validis: * Terra apparuit arida, & in mari Rubro via sine im-

pedimento. ¶ Quoniam percussit petram, & fluxerunt aquæ, & torrentes inundaverunt. Terra apparuit.....

Lectio 5.

Præses autem cum spe frustratum se cerneret, ad blanditias, quibus sanctorum animos deliniret, sese convertit. Conquisitos itaque & lautos ad eos in carcere de mensâ suâ cibos misit: quos illi veluti mortiferos accipere renueverunt. Quare vehementius ille indignatus, in fornacem ardentem eos conjici jussit, in qua illæsi & incolumes tri-duum admirabiliter permanserunt. Quod ubi Præses animadvertit, eis indè extractis, cibos veneno infectos exhibere præcepit. Quos ubi facto Crucis signo intrepidè deglutissent, nec proindè molestiæ quidquam passi essent, qui eos cibos confecerat, illius rei admirabilitate perspectâ, Jesu-Christi fidem suscepit. His autem iratior Præses factus, jussit confestim sanctos ferreis unguis crudelissimè excarnificari, ardentibusque facibus eorum lateribus admotis aduri, tum calcem ardentem in ora ipsorum injici. Verùm, cum

Christum adhuc confiterentur, ferventi oleo toto corpore delibuti, erutisque oculis, patientiâ, qua hæc, & alia tolerarunt cruciamenta, & quàm unicè Christum diligenter, & quàm avidè martyrium siterent, apertius indicarunt.

R). Verbera carnificum non timuerunt sancti Dei, morientes pro Christi nomine: * Ut heredes fierent in domo Domini. ¶ Tradiderunt corpora sua propter Deum ad supplicia. Ut heredes.....

Lectio 6.

Post hæc iudex in impietate perseverans, eos suspendi præcepit: cum autem ex eorum corporibus dilaniatis magna vis sanguinis proflueret, existimantes tortores eos mortuos, indè recesserunt. Deus autem, cui curæ sunt timentium se, sanctos fratres in pristinam sanitatem restituit. Qua cognitâ re, Præses eos vivos decorari mandavit: quod dum fieret, quidam è circumstantibus, cunctis audientibus, palam dicere cœpit videre se duos Angelos, binas coronas afferentes, unam Facundo, & alteram Primitivo: quod Atticus Præses au-

diens: Capita, inquit, amputentur, ne sit locus coronis. Sicque beatissimi martyres, præclarâ pugnâ confectâ, cum magnum fidei, pietatis, & constantiæ exemplum præbuisent, demum gladio percussi, victores in cœlum evolarunt. Martyrium autem compleverunt in Gallæciâ apud Cæam fluvium, quinto Kalendas Decembris, ubi à Christianis eorum corpora honorificè sepulta sunt.

R). Tamquam aureum in fornace probavit electos Dominus, & quasi holocausti hostiam accepit illos: & in tempore erit respectus illorum: * Quoniam donum & pax est electis Dei. ¶ Qui confidunt in illum, intelligent veritatem: & fideles in dilectione acquiescent illi. Quoniam..... Gloria Patri.... Quoniam.....

IN TERTIO NOCTURNO.

Lectio sancti Evangelii secundùm Lucam.

Lectio 7.

In illo tempore: Dixit Jesus discipulis suis: Dico autem vobis amicis meis ne ter-

reamini ab his, qui occidunt corpus. Et reliqua.

Homilia Sancti Augustini
Episcopi.

Lib. 14 contra Faustum Manich.
cap. 12.

Christianus ædificatus super fundamentum Apostolorum & Prophetarum, attendit singulas causas, & singula maledicta. Videt unum pertinere ad corpus mortale, quod ligno suspenditur, alterum ad animam, quo Sol suspenditur. Etsi enim corpus inclinatur in adorando, animus tamen aut colit quod adorat, aut fingit: utrumque autem perniciosum est. Quapropter, quoniam maledictum in utroque mors meruit, sicut mors est corporis in ligno pendere, ita mors animi est Solem adorare: eligendum est enim maledictum in corporis morte, quo maledicto, & ipsum corpus in resurrectione liberabitur; evitandum autem maledictum in animæ morte, ne cum suo corpore in æterno igne damnetur. Hanc enim quæestionem nobis Dominus solvit, dicens: Nolite timere

eos qui corpus occidunt, animam autem non possunt occidere: sed eum timete qui habet potestatem & animam & corpus occidere in gehennam ignis: tamquam diceret: Nolite timere maledictum corporalis mortis, quod temporaliter solvitur, sed timete maledictum spiritualis mortis, per quod anima in æternum cum suo corpore cruciatur.

¶. Propter testamentum Domini, & leges paternas, sancti Dei perstiterunt in amore fraternitatis: * Quia unus fuit semper spiritus in eis, & una fides. †. Ecce quàm bonum & quàm jucundum habitare fratres in unum. Quia unus.....

Lectio 7.

De verbis Domini, sermo 6.

Sicut capilli in corpore nostro tamquam superflui videntur, & sine detrimento carnis raduntur; sic quidquid potest tibi facere iratus potens, inter superflua tua numerata: tollit paupertatem tuam, numquid tollit divitias tuas? Paupertas tua divitiarum tuarum in corde tuo: superflua tua potuit tollere, dam-

no potuit afficere, permissus est usque ad lædendum corpus: etiam ista vita cogitantibus aliam vitam, ista inter superflua deputanda est. Nam & martyres contempserunt illam, non vitam perdidērunt, sed vitam acquisiverunt. Certi estote, fratres, inimicos non admitti adversus fideles, nisi quantum prodest tentandis & probandis fidelibus. Certi estote, fratres, nemo aliud dicat. Omnem curam vestram super Dominum mittite, prorsus vos ipsos totos projicite in illum: non se subducit, ut cadatis, ille qui nos creavit, & de ipsis capillis nostris securitatem nobis dedit. Amen dico vobis, inquit, & capilli capitis vestri numerati sunt. Capilli nostri numerati sunt Deo: quanto magis mores nostri, cui sic noti sunt capilli nostri? Videte quia minima nostra non contemnit Deus: nam si contemneret, non crearet: nam & capillos nostros ipse utique creavit, & numeratos habet. Sed modò cum sunt, inquit, fortè peribunt; & hinc audi vocem ejus: Amen dico vobis, capillus capitis vestri non peribit.

R. Hæc est vera fraternitas, quæ numquam potuit violari certamine: qui effuso sanguine secuti sunt Dominum: * Contemnentes aulam regiam, pervenerunt ad regna cœlestia. v̄. Ecce quàm bonum & quàm jucundum habitare fratres in unum. Contemnentes..... Gloria Patri..... Contemnentes.....

Lectio 9.

Quid times hominem, homo in sinu Dei positus? Tu de illius sinu noli cadere: quidquid ibi passus fueris, ad salutem valebit, non ad perniciem. Laniatus membrorum martyres pertulerunt, & timent Christiani injurias temporum Christianorum. Quid tulit potens nocens? quid magnum tulit? quod fur, quod effractor, ut multum sæviat; quod latro: si & ad

ipsum corpus occidendum permissus fuerit, quid tollit nisi quod latro? Honoravi cum dixi latronem: qualiscumque latro homo est. Quod febris, quod scorpius, quod fungus malus, ista tota potentia sævientium est, facere quod fungus. Manducant homines fungum malum, & moriuntur. Ecce in qua fragilitate est vita humana, quam quandoque relicturus es: noli pro illâ sic pugnare, ut tu relinqueris. Via nostra Christus est: Christum attende, pati venit, sed & glorificari: contemni, sed etiam exaltari: mori, sed etiam resurgere: opus te terret, mercedem vide. Quare vis pervenire delicatus ad eam rem, ad quam non perducit nisi labor?

Te Deum laudamus.....

DIE XV DECEMBRIS.

In Octava Conceptionis Beatæ Mariæ Virginis.

Duplex.

Si venerit in Dominica Adventus, fit de ea cum commemoratione Octavæ.

DIE XXII DECEMBRIS.

In festo Translationis Sancti Isidori Episcopi & Confessoris, & Ecclesiae Doctoris Duplex.

Omnia de communi Confessoris Pontificis, praeter ea quae hic habentur propria.

In hymno Iste Confessor dicatur: Hac die laetus meruit supremos Laudis honores.

AD MAGNIFICAT.

Añã. O Doctor optime.....

Oratio.

Exaudi, quæsumus Domine, preces nostras, quas in beati Isidori Confessoris tui, atque Pontificis, translatione deferimus: & qui tibi dignè meruit famulari, ejus intercedentibus meritis, ab omnibus nos absolve peccatis. Per Dominum nostrum.....

IN PRIMO NOCTURNO *lectiones de Scriptura occurrente.*

Si hoc festum venerit in quatuor temporibus, lectiones primi Nocturni Sapientiam..... de communi Doctorum.

IN SECUNDO NOCTURNO.

Ex monumentis Legionensis Ecclesiae, Luca Tudensi, & aliis.

Lectio 4.

Ferdinandus Rex hujus nominis primus, superatis, profligatisque Saracenis, Benabutum Hispalis Regem barbarum ad id impulit, ut corpora Sanctarum Virginum, & martyrum Justæ & Ruffinæ, quæ Hispali sine veneratione jacebant, sibi traderentur. Cùm autem summo honore ea excipere decrevisset, legatos ad id muneris destinavit Alvitum Legionensem Episcopum, sanctitatis laude præclarum, & Ordonium Astu-

ricensem singularis prudentiæ virum. Hos, eodem Rege jubente, Munio Comes, & Ferdinandus, ac Gundisalvus ex primis Regis Aulicis, firmâ militum manu eos secante, comitati sunt, quibus id munus impositum, ut Episcoporum latera sacrumque feretrum ad beatas reliquias tutandas cingerent.

℞. Inveni David servum meum, oleo sancto meo unxi eum: * Manus enim mea auxiliabitur ei. √. Nihil proficiet inimicus in eo, & filius iniquitatis non nocebit ei. Manus enim.....

Lectio 5.

Ubi autem ad Benabetum Regem ventum, data est ab eo Episcopis licentia sacra pignora inquirendi, qui per triduum jejunantes Deum obnixè deprecabantur, ut quo loco ipsarum sepulchra essent, illis indicaret. Itaque sanctus Alvitus tertiâ nocte somno correptus, senem canitiæ & pontificali habitu venerabilem vidit sibi dicentem: Ego sum Isidorus hujus Urbis Episcopus. Voluntas Dei est, ut Legionem corpus meum deferatur: Hispalis verò san-

ctarum Justæ & Ruffinæ præsidio non destituatur: locumque simul ubi suum corpus quiesceret, commonstravit. Ordonio quoque idem quod Alvito per somnium contigit.

℞. Posui adjutorium super potentem, & exaltavi electum de plebe meâ: * Manus enim mea auxiliabitur ei. √. Inveni David servum meum, oleo sancto meo unxi eum. Manus enim.....

Lectio 6.

Id cum ab Alvito, qui eum & Ordonium comitati fuerant, percepissent, ingenti gaudio repleti sunt, precibusque à Rege Sancti Isidori corpus impetrarunt: quo invento, suavissimo odore, qui indè exhalavit, perfusi sunt. Ad idem præterea corpus in ipso quoque itinere multa, magnaque miracula facta narrantur: energumeni à dæmonibus, ægri ab incurabilibus morbis liberati, domum sani redierunt. Ubi verò sacrum corpus ripas Doriem tetigit, ab Episcopis, Clero, Rege, & ejus conjuge Sancia, & filiis, frequentissimo populi concursu, ingenti religione, ac pompâ exceptum est. De-

mun Legionem delatum, in Ecclesiâ sui nominis ab eodem Rege magnis opibus exstructâ honorificentissimè conditum est.

R. Iste est qui ante Deum magnas virtutes operatus est, & omnis terra doctrinâ ejus repleta est: * Ipse intercedat pro peccatis omnium populorum. V. Iste est qui contem-

sit vitam mundi, & pervenit ad cœlestia regna. Ipse intercedat..... Gloria Patri..... Ipse intercedat....

IN TERTIO NOCTURNO.

Homilia Sancti Augustini Episcopi super Evangelium: "Vos estis sal terræ," ut in communi Doctorum.

DIE XXXI DECEMBRIS.

In festo Translationis Sancti Jacobi. Duplex majus.

Omnia ut in Breviario, in Sanctis Hispaniæ.

 Ordo perpetuus recitandi Antiphonas proprias, in Breviario assignatas sex feriis ante Nativitatem Domini, juxta rubricas dispositus, per ordinem, occurrentiamque litterarum Dominicalium.

In quolibet anno Bissextili utitur universalis Ecclesia duabus litteris Dominicalibus, sed hic utitur tantum ultima earum.

Quando occurrit littera Dominicalis **A.**

DIE XVI DECEMBRIS,

Quæ est Sabbatum, fit officium de feria. Ad Laudes & per Horas, AÑÆ. ferie secundæ, incipientes: Ecce veniet.... omissa quarta Haurietis.... cujus loco dicitur: Date magnitudinem.... quæ est in Psalterio, ad Canticum.

DIE XVII DECEMBRIS.

Fit de Dominica tertia Adventus. Vesperæ Expectationis, commemoratio Dominicæ. AÑA. O Sapientia.....

DIE XVIII DECEMBRIS.

Fit de Expectatione Bea-

te Mariæ Virginis. Duplex majus.

IN VESPERIS commemoratio ferie. AÑA. O Adonai.....

DIE XIX DECEMBRIS.

Fit de feria tertia. Ad Laudes & per Horas, AÑÆ. Rorate coeli..... ejusdem ferie.

IN VESPERIS ad Magnificat, AÑA. O Radix..... & duplicatur.

DIE XX DECEMBRIS.

Fit de feria quarta. Ad Laudes & per Horas, AÑÆ. ejusdem ferie, incipientes: Prophe-

tæ..... *Vesperæ Sancti Thomæ. Pro commemoratione Adventus, AÑA. O Clavis.....*

IN SECUNDIS VESPERIS commemoratio Adventus, AÑA. O Rex.....

DIE XXI DECEMBRIS.

In festo Sancti Thomæ Apostoli. Duplex secundæ classis.

IN LAUDIBUS commemoratio Adventus, AÑA. Nolite timere.....

IN VESPERIS commemoratio Sancti Isidori & feriæ, AÑA. O Oriens...

DIE XXII DECEMBRIS.

In festo Translationis Sancti Isidori. Duplex, ut supra.

DIE XXIII DECEMBRIS,

Quæ est Sabbatum fit de feria. Ad Laudes & per Horas, AÑA. Canite tuba..... cum reliquis de Dominica quarta Adventus, ommissa quarta quæ incipit: Dominus veniet.... cujus loco dicitur Expectetur..... Ad Benedictus, AÑA. Ecce completa.....

IN VESPERIS ad Magnificat AÑA. O Emmanuel..... & duplicatur.

Quando occurrit littera Dominicalis B.

DIE XVI DECEMBRIS.

Fit de feria sexta. Ad Laudes & per Horas, Añæ. feriæ secundæ, incipientes: Ecce veniet..... quæ occurrunt in die Expectationis, ommissa quarta quæ incipit: Haurietis..... cujus loco dicitur, AÑA. Domine audivi..... quæ est in Psalterio, ad Canticum.

DIE XVII DECEMBRIS,

Quæ est Sabbatum, fit de fe-

ria. Ad Laudes & per Horas dicuntur Añæ. propriæ feriæ quartæ, incipientes: Prophetæ..... quæ occurrunt in die Sancti Thomæ, ommissa quarta: Ecce veniet..... cujus loco dicitur: Expectetur.... Vesperæ de Psalterio, capitulum Dominicæ quartæ Adventus. Ad Magnificat, AÑA. O Sapientia..... quæ duplicatur.

DIE XVIII DECEMBRIS.

Fit de Dominica quarta Adventus. Vesperæ Expectationis. Commemoratio Dominicæ, AÑA. O Adonai.....

DIE XIX DECEMBRIS.

In festo Expectationis Beatæ Mariæ Virginis. Duplex majus.

IN SECUNDIS VESPERIS commemoratio feriæ, AÑA. O Radix.....

DIE XX DECEMBRIS,

Quæ est feria tertia, fit de ea. Ad Laudes & per Horas, AÑA. Rorate..... ejusdem feriæ. Vesperæ Sancti Thomæ, commemoratio Adventus, AÑA. O Clavis.....

DIE XXI DECEMBRIS.

In festo Sancti Thomæ Apos-

toli, secundæ classis. In Laudibus commemoratio Adventus, AÑA. Nolite timere.....

IN SECUNDIS VESPERIS commemoratio Sancti Isidori & feriæ, AÑA. O Oriens.....

DIE XXII DECEMBRIS.

In festo Translationis Sancti Isidori Episcopi & Confessoris. Duplex.

Commemoratio feriæ in Laudibus, & secundis Vesperis, AÑA. O Rex.....

DIE XXIII DECEMBRIS,

Quæ est feria sexta, fit de ea. Ad Laudes & per Horas, Añæ. ejusdem feriæ, incipientes: Constantes.... Ad Benedictus, AÑA. Ecce completa.... In Vesperis ad Magnificat, AÑA. O Emmanuel.... quæ duplicatur.

Quando occurrit littera Dominicalis C.

DIE XVI DECEMBRIS,

Quæ est feria quinta, ponuntur Añæ. feriæ quartæ inci-

ipientes: Rorate..... quæ occurrunt die Sancti Thomæ, omis- sa quinta quæ incipit: Da mer-

cedem..... *cujus loco dicitur:* *veniet..... Vesperæ Sancti Thomæ. Pro commemoratio-*
Cantemus..... quæ est in *Thomæ. Pro commemoratio-*
Psalterio, ad Canticum. *ne Adventus, AÑA. O Clavis....*

DIE XVII DECEMBRIS.

Fit de feria sexta. Ad Lau-
des & per Horas, Añæ. ejus-
dem ferie, incipientes: Cons-
stantes..... Vesperæ Expecta-
tionis, commemoratio ferie,
AÑA. O Sapientia.....

DIE XVIII DECEMBRIS.

Fit de Expectatione Beatæ
Mariæ Virginis. Duplex ma-
jus.

IN SECUNDIS VESPERIS *commem-*
oratio Dominicæ quartæ Adven-
tus, AÑA. O Adonai.....

DIE XIX DECEMBRIS.

Fit de Dominica quarta Ad-
ventus. In Vesperis ad Mag-
nificat, AÑA. O Radix....
duplex.

DIE XX DECEMBRIS.

Fit de feria secunda. Ad Lau-
des & per Horas, Añæ ejus-
dem ferie, incipientes: Ecce

DIE XXI DECEMBRIS.

In festo Sancti Thomæ Apos-
toli. Duplex secundæ classis.
 IN LAUDIBUS *commemoratio Ad-*
ventus, AÑA. Nolite timere.....
 IN VESPERIS *commemoratio San-*
cti Isidori & ferie, AÑA. O Oriens...

DIE XXII DECEMBRIS.

In festo Translationis Sancti
Isidori Episcopi & Confesso-
ris. Duplex.

Commemoratio ferie in Laudibus,
& secundis Vesperis, AÑA. O Rex....

DIE XXIII DECEMBRIS.

Quæ est feria quinta, fit de
ea. Ad Laudes & per Horas,
Añæ. propriæ ejusdem ferie,
incipientes: De Sion..... Ad
Benedictus, AÑA. Ecce com-
pleta.....

IN VESPERIS *ad Magnificat,*
AÑA. O Emmanuel.... & duplica-
tur, AÑA. Expectetur..... omitti-
tur hoc anno.

Quando occurrit littera Dominicalis **D.**

DIE XVI DECEMBRIS,

Quæ est feria quarta, fit de ea. Ad Laudes & per Horas, Añæ. ferie sextæ, incipientes: Constantes..... quæ occurrunt die Expectationis Beatæ Mariæ Virginis, omissa quarta, quæ incipit: Deus à Libano..... cujus loco dicitur: AÑA. Dominus judicabit..... quæ est in Psalterio, ad Canticum.

DIE XVII DECEMBRIS.

Fit de feria quinta. Ad Laudes & per Horas, Añæ. ejusdem ferie, incipientes: De Sion..... Vesperæ Expectationis Beatæ Mariæ Virginis. Commemoratio ferie, AÑA. O Sapientia.....

DIE XVIII DECEMBRIS.

In festo Expectationis Beatæ Mariæ Virginis. Duplex majus.
IN SECUNDIS VESPERIS commemoratio ferie, AÑA. O Adonai.....

DIE XIX DECEMBRIS,

Quæ est Sabbatum, fit de feria. Ad Laudes & per Horas, Añæ. ferie secundæ, incipientes: Ecce veniet..... quæ occurrunt die Sancti Thomæ, omissa quarta, quæ incipit: Haurietis.... cujus loco dicitur: AÑA. Expectetur.....

IN VESPERIS capitulum Dominicæ quartæ Adventus. Ad Magnificat. AÑA. O Radix..... quæ duplicatur.

DIE XX DECEMBRIS.

Fit de Dominica quarta Adventus.

Vesperæ Sancti Thomæ, commemoratio Dominicæ, AÑA. O Clavis.....

DIE XXI DECEMBRIS.

In festo Sancti Thomæ Apostoli. Duplex secundæ classis.

IN LAUDIBUS commemoratio ferie, AÑA. Nolite timere.....

IN SECUNDIS VESPERIS, commemoratio Sancti Isidori & ferie, AÑA. O Oriens.....

DIE XXII DECEMBRIS.

In festo Translationis Sancti Isidori, Episcopi & Confessoris. Duplex.

Cum commemoratione Adventus, in Laudibus, & secundis Vesperis,

AÑA. O Rex.....

DIE XXIII DECEMBRIS,

Quæ est feria quarta, fit de ea. Ad Laudes & per Horas, Añce. ejusdem ferice, incipientes: Prophetæ..... Ad Benedictus, AÑA. Ecce completa..... Vesperæ de Psalterio. Ad Magnificat, AÑA. O Emmanuel..... quæ duplicatur.

Quando occurrit littera Dominicalis E.

DIE XVI DECEMBRIS,

Quæ est feria tertia, fit de ea. Ad Laudes & per Horas, Añce. ejusdem ferice, incipientes: Rorate Cœli..... Vesperæ de Psalterio.

tæ Mariæ Virginis. Duplex majus.

IN SECUNDIS VESPERIS commemoratio Adventus, AÑA. O Adonai.....

DIE XVII DECEMBRIS.

Fit de feria quarta. Ad Laudes & per Horas, Añce. ejusdem ferice, incipientes: Prophetæ.....

Vesperæ Expectationis Beatæ Mariæ Virginis, commemoratio ferice,

AÑA. O Sapientia.....

DIE XIX DECEMBRIS.

Fit de feria sexta. Ad Laudes & per Horas, Añce. ejusdem ferice, incipientes: Constantes.....

IN VESPERIS ad Magnificat, AÑA. O Radix..... duplicatur.

DIE XVIII DECEMBRIS.

In festo Expectationis Bea-

Quæ est Sabbatum, fit de feria. Ad Laudes & per Horas, Añce. ferice secundæ, incipientes

tes: *Ecce veniet..... quæ occurrunt in die Translationis S. Isidori, ommissa quarta quæ incipit: Haurietis..... cujus loco dicitur: Añã. Expectetur..... Vesperæ de Psalterio, capitulum Dominicæ quartæ Adventus. Ad Magnificat, Añã. O Clavis..... quæ duplicatur.*

DIE XXI DECEMBRIS.

Fit de Dominica quarta Adventus. Ad Benedictus, Añã. Nolite timere..... Vesperæ Sancti Isidori, commemoratio Dominicæ, Añã. O Oriens.....

DIE XXII DECEMBRIS.

In festo Translationis Sancti Isidori, Episcopi & Confessoris. Duplex.

Commemoratio feriæ in Laudibus. Vesperæ Sancti Thomæ, commemoratio Sancti Isidori & feriæ, Añã. O Rex.....

DIE XXIII DECEMBRIS.

In festo Sancti Thomæ Apostoli. Duplex secundæ classis.

IN LAUDIBUS commemoratio feriæ, Añã. Ecce completa.....

Et IN SECUNDIS VESPERIS, Añã O Emmanuel.....

Quando occurrit littera Dominicalis **F.**

DIE XVI DECEMBRIS,

Quæ est feria secunda, fit de ea. Ad Laudes & per Horas, Añæ. ejusdem feriæ, incipientes: Ecce veniet..... Vesperæ de Psalterio.

DIE XVII DECEMBRIS.

Fit de feria tertia. Ad Laudes & per Horas, Añæ. ejusdem feriæ, incipientes: Rora-

te Cœli..... Vesperæ de Expectatione Beatæ Mariæ Virginis. Commemoratio feriæ, Añã. O Sapientia.....

DIE XVIII DECEMBRIS.

In festo Expectationis Beatæ Mariæ Virginis. Duplex majus,

IN SECUNDIS VESPERIS commemoratio feriæ, Añã. O Adonai....

DIE XIX DECEMBRIS.

Fit de feria quinta. Ad Laudes et per Horas, Añæ. ejusdem feriae, incipientes: De Sion.....

Vesperæ de Psalterio. Ad Magnificat, AÑA. O Radix..... quæ duplicatur.

DIE XX DECEMBRIS.

Fit de feria sexta. Ad Laudes & per Horas, Añæ. ejusdem feriae, incipientes: Constantes.....

Vesperæ Sancti Thomæ. Pro commemoratione Adventus, AÑA. O Clavis.....

DIE XXI DECEMBRIS.

In festo Sancti Thomæ Apostoli. Duplex secundæ classis.

IN LAUDIBUS fit commemoratio feriae. AÑA. Nolite timere.....

IN SECUNDIS VESPERIS commemoratio Dominicæ quartæ Adventus. AÑA. O Oriens.....

DIE XXII DECEMBRIS.

Fit de Dominica quarta Adventus. Vesperæ Sancti Isidori, commemoratio Dominicæ. AñA. O Rex.....

DIE XXIII DECEMBRIS.

In festo Translationis Sancti Isidori, Episcopi & Confessoris. Duplex.

IN LAUDIBUS commemoratio feriae. AÑA. Ecce completa.....

Et IN SECUNDIS VESPERIS. AÑA. O Emmanuel..... AÑA. Expectetur..... omittitur hóc anno.

Quando occurrit littera Dominicalis G.

DIE XVI DECEMBRIS.

Fit de Dominica tertia Adventus occurrente.

DIE XVII DECEMBRIS.

Fit de feria secunda. Ad Lau-

des & per Horas, Añæ. ejusdem feriae, incipientes: Ecce veniet.....

Vesperæ Expectationis Beatæ Mariæ Virginis, commemoratio feriae, AÑA. O Sapientia.....

DIE XVIII DECEMBRIS.

In festo Expectationis Beatæ Mariæ Virginis. Duplex majus.

IN SECUNDIS VESPERIS, pro commemoratione feriæ, AÑA. O Adonai.....

DIE XIX DECEMBRIS.

Fit de feria quarta. Ad Laudes & per Horas, AÑÆ. ejusdem feriæ, incipientes: Prophetæ.

IN VESPERIS ad Magnificat, AÑA. O Radix..... duplex.

DIE XX DECEMBRIS.

Fit de feria quinta, ponuntur AÑÆ. ejusdem feriæ, incipientes: De Sion.....

Vesperæ Sancti Thomæ. Pro commemoratione Adventus, AÑA. O Clavis....

DIE XXI DECEMBRIS.

In festo Sancti Thomæ Apostoli. Duplex secundæ classis.

Commemoratio feriæ in Laudibus, AÑA. Nolite timere.....

Et IN SECUNDIS VESPERIS, Sancti Isidori & feriæ, AÑA. O Oriens...

DIE XXII DECEMBRIS.

In festo Translationis Sancti Isidori Episcopi & Confessoris. Duplex.

Commemoratio feriæ in Laudibus,

Et IN SECUNDIS VESPERIS, Dominicæ quartæ Adventus, AÑA. O Rex..... AÑA. Expectetur..... omititur hoc anno.

DIE XXIII DECEMBRIS.

Fit de Dominica quarta Adventus. Ad Benedictus, AÑA. Ecce completa sunt omnia.....

IN VESPERIS ad Magnificat, AÑA. O Emmanuel..... quæ duplicatur.

Ces. Card. Baronius.

F I N I S.

APPROBATIO ET LICENTIA

sacrae Congregationis Rituum.

Officia supradicta propria Sanctorum Ecclesiae Legionensis, cum Octavis & Missis, ubi assignantur, ad instantiam & supplicationem Capituli ejusdem Ecclesiae Legionensis, & pro dicto Capitulo Jacobo Alvarez Quiñones, Canonico Ovetensi instante, ex ordine, & de mandato Sacrae Congregationis Rituum diligenter revisa, & emendata, & ab Illustrissimo D. Card. Baronio subscripta, eadem Sacra Rituum Congregatio approbavit: & ut imprimi possint, & in dictâ Ecclesiâ Legionensi, ejusque Dioecesi liberè & licitè recitari, etiam si in Kalendarium Romanum omnia relata non sint, licentiam concessit. Data XI Decembris MDCIV.

P. Ep. Ostien. Card. Comen.

I. B. Mucancius Secret. Congreg.

KALENDARIUM

Sanctorum Legionensis Ecclesiæ, qui in hoc appendice continentur,

De quibus, auctoritate Apostolica, Officium proprium celebratur in Civitate, & Diocesi.

JANUARIUS.

- 14 *Sanctissimi Nominis Jesu.* Duplex secundæ classis,
ut in codice Toletano.
- 23 *S. Ildephonsi Archiepiscopi Toletani.* Duplex ut in
Breviario in SS. Hispaniæ. pag. 1

FEBRUARIUS.

- 6 *S. Andreæ Corsini Episcopi & Confes.* Semiduplex,
ut in *Breviario Romano.* ib.

MARTIUS.

- 1 *S. Angeli Custodis.* Duplex majus. ib.
- 3 *SS. Emetherii & Celedonii martyrum.* Duplex. 18
- 11 *S. Vincentii Abbatis & mart.* Duplex. ib.

APRILIS.

- 16 *S. Thuribii Episcopi & Confes.* Duplex. 23
Feria V post Octavam Paschæ, fit de S. Isidoro
Archiepiscopo Hispalensi, Ecclesie Doct. Du-
plex primæ classis & cum Octavâ in civitate
tantùm. . . . A 27 usque ad 47

JUNIUS.

- 26 *S. Pelagii martyr.* Duplex. 50

JULIUS.

16	<i>Triumphī S. Crucis. Duplex majus, ut in Breviario in SS. Hispan.</i>	53
18	<i>Commemorationis sollemnis Beatæ Mariæ de Monte Carmelo. Duplex majus.</i>	ib.
25	<i>S. Jacobi Apostoli Hispaniarum præcipui Patroni. Duplex primæ clasīs.</i>	54
26	<i>S. Annæ Matris B. Mariæ Virg. Duplex.</i>	ib.

AUGUSTUS.

11	<i>Translationis S. Froylani Patroni nostri. Duplex.</i>	ib.
15	<i>Assumptionis B. M. V. Titularis S. Ecclesiæ Legion. Duplex primæ classis.</i>	58

SEPTEMBER.

2	<i>S. Antonini mart. Duplex secundæ classis.</i>	58
3	<i>S. Stephani Regis Hungariæ. Semiduplex.</i>	63
4	<i>S. Rosaliæ Virg. Semiduplex.</i>	64
5	<i>Commemorationis S. Juliani. Duplex.</i>	ib.
6	<i>De infraoctava S. Antonini.</i>	ib.
7	<i>De infraoctava S. Antonini. Semiduplex.</i>	68
8	<i>Nativitatis B. M. V. Duplex secundæ classis.</i>	71
9	<i>Octavæ S. Antonini. Duplex.</i>	72
25	<i>S. Laurentii Justiniani. Semiduplex ad libitum.</i>	76

OCTOBER.

5	<i>S. Froylani Episcopi & Confessoris, Patroni Ecclesiæ Legion. & totius Diœces. Duplex primæ classis cum Octavâ.</i>	76
6	<i>S. Brunonis Conf. Duplex.</i>	81
7	<i>De infraoctava S. Froylani. Semiduplex.</i>	82
8	<i>S. Birgittæ Viduæ. Semiduplex.</i>	85
9	<i>SS. Dionisii &c. mart. Semiduplex.</i>	ib.
10	<i>S. Francisci de Borgia. Duplex secundæ classis.</i>	ib.

11	<i>S. Ludovici Bertrandi. Duplex.</i>	85
12	<i>Octavæ S. Froylani. Duplex.</i>	86
13	<i>SS. Fausti, Januarii & Martialis mart. Duplex.</i>	89
23	<i>SS. Servandi & Germani mart. Duplex.</i>	91
27	<i>SS. Vincentii, Sabinæ & Christetæ mart. Duplex.</i>	95
29	<i>S. Marcelli mart. Duplex majus.</i>	97
30	<i>SS. Claudii, Lupercii & Victoris mart. Duplex.</i>	102

NOVEMBER.

	<i>Officium Patrocinii B. M. V. fit in quarta Domini- nica Novembris, & de ea fit commemoratio in primis Vesperis. AñA. Qui cœlorum contines..... & hæc dicitur semper.</i>	104
10	<i>Dedicationis Almæ Eccles. Legion. Duplex primæ classis in tota Diceces. in Civitate cum Octa- va.</i>	Ibidem usque ad 107
21	<i>Præsentationis B. M. V. Duplex majus.</i>	ib.
27	<i>SS. Facundi & Primitivi mart. Duplex.</i>	108

DECEMBER.

15	<i>Octava Conceptionis B. M. V.</i>	112
23	<i>Festum Translationis S. Isidori Confes. Pontif. Duplex.</i>	113
31	<i>Festum Translationis S. Jacobi Apostoli Duplex majus, ut in Breviario in SS. Hisp.</i>	115

*ORDO perpetuus recitandi Añas. proprias, in Bre-
viario assignatas sex feriis ante Nativit. Do-
min. A 116 usque ad. 124*



28



OFFICIA
VICTORIE



871

